

Jean Buteau


E O Très rare


Dissertation sur les cordons à combustion
et sur l'emploi des balistes

Bruenet 1, 1427

Montucla a parlé avec éloge de ce savant
dont les ouvrages sont devenus rares

c. Couplet





I O.
BVTEONIS DEL-
PHINATICI OPERA
GEOMETRICA, QVO-
RVM TITVLI SE,
QVVNTVR.

*Simon
Chirurg.*

De arca Noe, cuius formæ, capacitatisq; fuerit.

De sublicio ponte Cæsaris.

Confutatio quadraturæ circuli ab Orontio Finæo factæ.

Ad locum Quintiliani geometricum explanatio.

Ad problema cubi duplicandi. De fluentis aquæ mensura.

Emendatio figurationis organi a Columella descripti.

De libra & statera. De precio margaritarum.

IN IVRE CIVILI,

De fluuiaticis Insulis secundum Ius ciuile diuidendis. vbi confutatur
Tyberias Bartoli.

De diuisione fructus arboris in confinio natæ.

Geometriæ cognitionem Iureconsulto necessariam.

Ad legem Papiniani, Diuortio.

Ad legem Iuliani, Si ita scriptum.

Ad legem Aphricani, Qui quadringenta.

E. T. SIMON

D. T.

Hęc nunc primum

ni, 1 5 5 4.



impressa Lugdu-

Cum priuilegio.

IO. BVTEO AD
librum suum.

Cura mihi primùm longo dige sta labore

I liber è domini carcere missus, abi.

Quicquid & acciderit, post hæc inuisere fratres

Sis memor, inuolucres quos grauis arca premit.

Exemploq; tuo poteris deducere tecum,

Vel te cum miseris abdere perpetuò.



REVERENDISSIMO, AC
ILLVSTRISSIMO DO.

Fran. Turnonio Cardinali, Gal-
liarum primati, Abbati no-
stro Io. Buteo S.



OST exactos in mathematicis ab adolescentia labores
præcipuum me fructum inde studiorum percipere sensi an-
tistes dignissime, quod accessus ad sublimitatem tuam sese
dederit occasio nobis. Quæ fuit iam diu summa uotorum.
Ex quo enim disciplinas tractare coepi, quarum exacta cognitio splendo-
rem istum fortunæ tuæ cum cæteris uirtutibus ornat, omnes tibi nostros
conatus præsumptione dicabam. Sed quod audax imaginatus anticipaui,
nunc propius accedens reformido, uelut assem (quod aiunt) porrecturus
elephanto. Quis enim tenuitatis suæ sibi conscius, nulliusq; nominis in lite-
ris sacrum dignitatis tantæ fastigium adeat intrepidus? in quo generis an-
tiqui claritatem cum eruditione multiplici ex æquo certare perspiciat.
Quis prudentiam regni gubarnaculis imperio regis admotam, semperq; di-
stentam mole curarum adire non reuereatur? Cæterum quânuis excel-
lant, & emineant in isto culmine ingenij dotes: sic tamen omnia temperan-
tur, ut nihil grauitati comitate, nihil maiestati humanitate detrahatur.
Quæ cum sit in omnes conspicua, tum in studiosos præcipue. Quorum
commodis non solum priuatim, & in præsentia sapius, sed etiam publice,
& in posterum, perpetuoq; summa tua, prouidaq; liberalitas consuluit,
ædificato magnis sumptibus, arteq; miranda literarum gymnasio, prouen-
tibusq; perpetuis fundatissimo. Idq; apud Turnonem clarissimæ familie
Turnoniorum ditionis ad Rhodani ripas oppidum, arce conspicua, lociq;

natura munitum: nunc autem, & in posteros alumni tanti gloria foelix.
 His itaq; perspectis iam factum est, ut non sim de repulsa dubius: sed hæc
 me tantum cura sollicitat, ut quæ tuæ dicantur authoritati, iudicio quoque
 probentur. Quod si contigerit, & audaciæ me præsumptæ non pœnite-
 bit, & in ædendis alijs operibus, quæ magnis uigilijs elaboravi securior
 ero. Vale pater amplissime. Ex monasterio sancti Antonij, Calendis
 Iunij, Anno Christi 1554.

SUMMA PRIVILEGII.

REGIAE maiestatis priuilegio Io. Buteoni cau-
 tum est: ne quis librarius vsquam in toto regis im-
 perio, omnia hæc opera simul, aut separatim autho-
 ris ipsius iniussu typis excudat: vel alias impressa venundet,
 decem annorum tempore toto, ab hac æditione prima cur-
 rente. Et ita præter sigillum in flaua cæra grandius appen-
 sum indulto, signauit a secretis manu sua

Par le Roy, Le Seigneur Dauanson Maistre des reques-
 tes ordinaires de L'hostel present.

De Lomenie.

IO. BVTEONIS DE
ARCA NOE, CVIVS
FORMÆ, CAPACI-
TATISQVE FVERIT
LIBELLVS.

PROOEMIUM.



N ARCAM

illam ianmale seminariũ mun-
di cataclysmo pereuntis iussu Dei fabrica-
tam achitecto Noe, & a Mose propheta li-
teris proditam qualis, & quanta fuerit, va-
riè disputatur a multis: Ita vt nec operis
forma, neq; capacitas inter omnes vna cõ-
ueniat, alijs alio finitionis verba trahenti-
bus, plana quidẽ ex se satis, & aperta. Sed
ineest rebus ipsis obscuritas, mistura qua-
dam geometrica proueniens, quæ recta eti-
am sectantibus negotium facessit, hæreti-

cis verò caliginem prorsus offundit: vt in opere tãto nihil præter angustias quas
accusent videant. Quorum vecordiam catholicorum multi refellentes rem sane,
sicut est, veram credendo, magis quam intelligendo, in eam partem fere peccant,
quæ periculo vacat. Vt qui laxitate nimia opus extendant, prout validissimis ar-
gumentis, hoc est geometricis ostendã. Quæ quidẽ (vt verissime Cicero testatur)
non persuadent, sed cogunt. Hoc igitur veniam subsidio nostris, vt aliter instru-
ctos arte magis, & virrute, quam numero resistere monstrem. Sic enim & pugna
re fortius, & vincere potius erit.

ARCAE DESCRIPTIO SE-
cundum interpretes.



MPRIMIS itaq; caelestem dominum symmetrias operis præfecto
suo præscribentem audiamus. Fac tibi (inquit) arcam de lignis leuiga-
tis, mansiunculas in arca facies, & bitumine linies intrinsecus, & ex-
trinsecus. Et sic facies eam: Trecentorum cubitorum erit longitudo

a 3 arca,

arcæ, quinquaginta cubitorum latitudo, & triginta cubitorum altitudo illius. Fenestram in arca facies, & in cubito consummabis summam eius. Ostium autem arcæ pones ex latere, deorsum coenacula, & tristega facies in ea. Et quæ sequuntur reliqua. Hæc est interpretatio vulgata. Septuaginta autem interpretes græcè sic. ποιήσεις ὄπισθεν τοῦ κιβωτοῦ ἐκ ξύλων τετραγώνων, νοσοῖας ποιήσεις καὶ τὴν κεφαλὴν, καὶ ὠφθαλμοὺς αὐτῆς ὡς ὅτι καὶ ἐξοίκα τῇ ἀσφάλῳ, καὶ οὕτω ποιήσεις τὴν κεφαλὴν. τρεῖς κοίτης τοῦ χειρὸς καὶ μῦκτος τῆς κεφαλῆς, καὶ πνίχον τοῦ χειρὸς καὶ πλάτος, καὶ τρεῖς κοίτης τοῦ χειρὸς καὶ ὕψος αὐτῆς. θυεῖς ποιήσεις καὶ τὴν κεφαλὴν, καὶ εἰς πυχὰς συμπλέσεις αὐτῆς ἄνωθεν, τὴν δὲ θυεῖς τῆς κεφαλῆς ποιήσεις ἐκ πλαγίων, καὶ ἁγία διαφραγὰ καὶ τρεῖς φραγὰ ποιήσεις αὐτῶν. Hoc ego latine sic ad verbum interpretor. Facies igitur arcam ipse tibi ex lignis quadratis. Nidos facies in arca, & bituminabis eam intus, & extra bitumine, & ita facies arcam. Trecentorum cubitorum erit longitudo arcæ, & quinquaginta cubitorum latitudo, & triginta cubitorum altitudo ipsius. Fenestram facies in arca, & in cubito perficies eam, desuper. Ipsum autem ostium arcæ ex obliquo facies. Apothecas duorum tabulatorum, & trium tabulatorum facies in ea. Et ita se habent finitionis præcepta, quorum sensum recentiores aliquot ad hebraicam (ut ipsi dicunt) veritatem referentes, alijs atq; alijs verbis protulerunt, de quibus in expositione sequenti, quoties videbitur locus, mentionem habebo.

Explicatio, & applicatio verborum finitionis ad opus.



In ipso statim descriptionis principio sanè luculenter per arcam proprium operi nomen assignatur & forma, quo nihil explicatius dari potuit vnquam. Est enim arca res humanis vñibus frequens, vulgoq; notissima. Hac includuntur quæ celari, seruariq; volumus. Vnde Varro putat arcam dici, quod ab ea clausa fures arceantur. Et quàmuis arcæ diuersa magnitudine fiât, secundùm quod rebus diuersis adhibetur. Aliæ enim sunt vestiariæ, aliæ nūmariæ, aliæ frumentariæ. In omnibus tamen eadem forma seruatur, nisi quod operculo dissimili variatur in summo. Quod aut planum est, a fundo distans æqualiter vndiq; aut incuruum, quod propriè cameratum dicitur, ut in grandioribus quas inde vocat iureconsultus Vlpianus cameratas. Et in minoribus etiam, quales mulis clitellarijs vectantur frequenter. Aliquæ verò sicut frumentariæ, quas pro granarijs habent pauperes, fastigato cacuminantur operculo. Cæterum reliqua forma corporis in omni genere conueniunt, quod in longum, latum, atq; profundum quinque planis compingitur angulo normali, qui dicitur rectus. Et hæc species parallelepipèdon rectangulum vocatur in arte. Ad cuius similitudinē arcam etiam illam feceris factam, nullus vnquam puto dubitauit, quamuis in descriptione figura non aliter explicetur, quàm arcæ vocabulo, quod in omnibus scripturæ locis hebraice sonat Aron, hæc autem nostra semper Teua, quas voces pro eodem hebræi magistri

gistrari semper exponūt. Et interpretes septuaginta pro Aron, & Teua nullo discrimine vertunt *καρπυ*, & arcam nostri. Est autem expeditū, atq; certissimum qualem cunque formam designare eius comparatione rei, quæ non aliter atque est intelligi possit. Quod & Virruuius cum alias sæpè, tū in machinis hydraulicis vsurpat, arcam iubēs ex ære fabricari, neq; rem aliqui difficilem homo vocibus artis instructissimus aliter explicat, quā ipsa nominis proprietate certissima. Cum autem huiusmodi similitudo non habetur in promptu, alias explicatur forma vocibus artis. Sicut in Exodo ubi describitur altare quod habeat quinque cubitos in longitudine, & totidem in latitudine, statim adijcitur, id est quadrum, Sed magis propriè versio græca sic, *τετραγωνον ἔσται τὸ θυσιᾶς ἕλκος*. hoc est, quadratum erit altare. Nam nisi quadrati meminisset, poterat intelligi rhombi figura. Quæquidem est laterum quatuor æqualium, non autem rectangula, prout definitur in elementis. His igitur apertè constat, non aliam huic operi formam posse constitui, salvo sensu verborum, & nomine dato, quam quæ iam dicta est corporis parallelepi pedi rectanguli, cuius longitudo secundum commodulationem symmetriarum positam sit ad latitudinem sexcupla, ad altitudinem verò decupla. Quod tamen errantes nonnulli fecerunt, sicut ad finem voluminis ostendam,

De Arcæ materia.



O S T datam formam, materia rectè sequitur: quam ex lignis gopher, hebraeus sermo cōstituit. Sed quidnam debeat intelligi gopher, interpretes Iudæi, quos ipsorum lingua dicimus rabinos, tanta confusione differunt, ut nihil inde stabile finiatur. Alij siquidem pinum, alij abietem, cupressum alij, quidam cedrū esse suspicantur. Thalmudistæ quoq; cedri genera quatuor faciunt. In eo tamen couenit omnibus, quod vnum aliquod arboris genus gopher, accipi censeant. Parum quidem (ut ego puto) verisimiliter, cum vix fieri possit ut vna regio materiationem generis eiusdem ea copia suppeditet, quæ sufficiat operi tanto. Nec vnum præterea genus alijs, atq; alijs arcæ partibus cōmodè satis adhiberetur. Multum namq; distant arbores inter se qualitate. Sunt enim quæ trabibus longissimis rigorem fortissimè seruant, quod basi couenit præcipuè. Quædam verò temperatura leuiori comparatæ vsu rectis egregiè præstant. Aliæ porrò contignationibus, assamentisque tabulatorum sunt præcipuæ. Nonnullæ ad intestinum opus, paruaque secamenta tractabili commoditate probantur. Sed hunc locum interpretes septuaginta (ut iam supra retuli) verterunt ex lignis quadratis: Noster autem de lignis leuigatis transulit. Quod ad idem ferme recidit. Cum enim tigna dolantur in quadrum leuigata quidem dici possunt, sed neque tam propriè, neque tam intelligenter quam quadrata. Quæquidem deformatio fabricationi nostræ mirè congruit, immo necessaria prorsus. Neq; enim video quemadmodum tantæ molis ædificiū navigationi, vecturæq; sufficiat, nisi totum præter interio-

ra membra trabibus, tignisq; quadratis quam creberrimè dispositis, colligationibusq; compactis inter se firmissimè construatur. Multum etiam firmamenti ad tignorum quadraturam illitum bitumen addebat.

De natura bituminis.



EST autem natura bituminis (authore Plinio) vicina sulphureæ, alibi limus, alibi terra. Limus a Iudeæ lacu emergens, cui nomen Asphaltides, ab asphaltu voce græca bituminis, præter quod nihil aliud gignit. Terra in Syria circa Sydonem oppidum maritimum. Spillantur hæc vtraq; & in glebas densitate coeunt. Item Ioppe in Syria (teste Vitruvio) Arabiaq; Numidarū lacus sunt immani magnitudine, qui emittunt bituminis maximas moles. Et ibi crebræ sunt lapidicinæ bituminis duri. Gignitur & pingue, liquorisq; oleacei in Cîcilia, Acragantino fonte inficiens riuum, eoque vtuntur incolæ ad lucernarum lumina, olei vice, in reliquo vsu æramētis illinitur, firmatq; ea contra ignes. Placet & in ferrijs fabrorum officinis tingendo ferro, clauorumq; capitibus. Ad hæc incorrupta vis bitumini aquisq; contumax. Ideoque ligna conseruat ne combibant humorem noxium, neq; patitur cariem penetrare, tineas, teredinem, termitēque prohibet, propterquæ diuturnitatem operibus maxime præstat. Sed & virtus in eo præcipua copulandi præter materiem etiam corpora. Colligat enim vulnera, nervosque glutinat. Calcis quoq; præbuit vsum Semiramidi reginæ ita ferruminatis latere testaceo. Babilonijs muris. Propter has itaq; tā opportunas operi nostro virtutes existimo, præter tignorum frontes intus, & extra, tota quoq; latera iuncturarum dum inter se committerentur, & deniq; totum opus intestinum linita bitumine. Quod non solum ad coagmenta valuit, sed etiam ad seculi durationem ante cataclysmum, quo tenuit fabrica. Post quem etiam (vt prodit Iosephus) in Cordieo Armeniæ monte vbi sidentibus aquis nauigiū confederat, quædam reliquiæ ad ipsius historici tempora perdurabant, & egressorij nomen a re ipsa, hoc est ab egressu Noe loco remansit. Ad diluuiū autem ad Iosephum supputatione etiam minima tempus annorum plusquam trium millium inuenies.

De arcæ fenestra.




QUOD autem dicitur, fenestram in arca facies, non ex abundanti videtur hic arcæ mentio repetita: Sed eo respectu, ne quis forte putaret ipsam fenestram in tecto collocari; vt errantes quidam opinati sunt, sicut nunc passim in domorum tegulis est videre. Tectum enim habuit arca: necessario propter pluuium cæli statum diebus totis quadraginta continuum. Quod etiam ex subiectis liquido patet, vbi dicitur, Aperiens Noe testū arcæ. Cæterum inter Rabinos non nulli

Nulli volunt hic esse fenestram nihil aliud quam lucernam ex gemma grandiori, ut pote lichnite, seu carbunculo, quæ radiantis fulgore lapidis ædificium totum illuminaret. Quorum impudens mēdacium arguit apertè quod statim scribitur: Aperiens Noë fenestram quam fecerat dimisit coruum. Alij autem fieri non posse videntes, ut ad tantam amplitudinem corporis vniuersi, membrorumq; separatim vnius aperturæ lumen sufficeret, fenestras pluribus locis in arca positas opinantur. Istam autem omnium fuisse maximā, & ideo solam in præcepto poni.

Hanc opinionem nostrorum multi referētes disquisitione nulla relinquunt in medio. At ego dico, nihil omnino fuisse necessarium arcam fieri luminosam, nisi tantum in ea parte quæ fuit hominibus habitatio, quæquidem communi doctorum sententia summum in arca tenebat. videmus enim feras animantes, atque reptilium genus omne tenebras non solum nihil abhorrere, vel refugere, sed instructione quadam naturali semper appetere, in hisque morari, nisi dum ventris necessitas cogit ad pastum. Aliæ quidem foueas non vno loco sibi cauant, quibus ingenium, & ungues ad hoc natura tribuit. Alię cauernas, & specus imperiosas queritant, & vbi non inueniunt, nemorum, fruticumq; cōgerie ædificant impenetrabiles etiam imbribus, si Plinio credas. Arborum aliæ caua subeunt. Et deniq; fera omnia latibulorum opacitate delectantur, atq; recreantur imprimis. Et veluti lucem oderint diēs totos latitant, noctibus verò prodeunt. Sed neq; domestici greges pecoris, nec armenta stabulorum lucem desiderans, salubriusque pascuntur in obscuro. Quinetiā volucres quibus natura cælum assignauit, lucos tamen præcipuè, & frondosa nemorum, vmbrosa q; conuallium incolunt, nisi cum ad requirēdos cibos euolitant. Omne porrò genus aquilarū, & accipitrū, quod vel maxime ferum est, nulla re magis, quam tenebris cicuratur. His enim aucupes statim à captura palpebras oculorum insuunt ad aliquot diēs. Et auibus ita mansuefactis, his præcipuè quas dicunt altiuolas capita concludunt scorteis cucullis, ne lucem videant eminente solum rostro. Et ita cōditis oculis, hærentes pugno, feritate naturali deposita, circumferuntur quietissimè. Est etiam natura comparatum ut animalia cætera præter hominem aliquatenus in tenebris, & caligine cernant. Quare magna rerū imperitia, nec sine temeritate lapsi videntur, qui citra necessitatem, & contra Domini præscriptum fenestras in arca plures astruunt. Vnam autem solum in præcepto positam dicere, q; omnium maxima foret, perinde vanum est ac si dicas, plures arculas diuino iussu fabricatas, sed vnius arce tantum fieri mentionem, q; grandior esset. De fenestræ mensura nihil scriptū est, nisi quis fortè putet (sicut recentiores quidam tempore nostro in suis adnotationibus hebraicis posuerunt) id quod sequitur: Et in cubito consummabis altitudinem eius, ad ipsius fenestræ modum pertinere, propter amphibolon relationis in pronomine eius, ad arcam, vel fenestram in propinquo positas. Quod item ambiguum græcus sermo recipit in *αὐτῇ* pronomine ad fenestrā relato. Quanquā locus in exemplaribus græcis corruptè legitur habēs *ἐν τῇ ἀρχῇ* participiū, vbi *αὐτῇ*, hoc est fenestram debuit. Eset enim sensus ad literam, congregans, siue coniungens facies in arca. Quem prorsus ineptum esse quis non videt? Sic etiam fenestra tolleretur ab o-

b pere. Sed

pere. Sed amphiboliā statim soluit hebraica dictio Thecalena, vbi syllaba finalis, na, est pronome generis foeminini, significans eam, affixum verbo Thecale, quod est consummabis, quod quidē na, nequaquā referri potest ad Soer, id est fenestrā, cū semper dicatur Soer apud Hebræos genere masculino. Et si ad Soer, fieret relatio: dicendū erat Thecalenu. Ipsum præterea verbū cōsummabis, siue perficies, aliquid iam inchoatū, nec adhuc cōpletum innuit. Quod quidē est arca, tātisper imperfecta dum habeat operculū, id est tectum, cuius nullibi præterquā in his verbis præceptū inuenies. Arcā igitur in cubito perfici, intelligo præter cæteros omnes, vt cubitus iste sit altitudo mediana culminis per totā lōgitudinē cubitorū tercentū, præter ecphoras. Quæquidem altitudo longioris etiam tractus profluvio satis, erat, in planitie præsertim leuigata, asphaltocq; lubrica. Etenim Vitruuius ipse in eo solo riuu, quo per canales structiles aqua ducitur, libramenta fieri statuit fastigata ducetissima tantū parte lōgitudinis. In hac autē positione tecti fastigiū cubitale rationē Vitruuij octuplo superat. Præter id etiā q; cælestis aqua deciduis vndiq; guttis seipsa propellens facilius multo labitur, quā quæ riuo, vel canali procedit. Ad hunc igitur quem dixi modum constituta summitas vnus altitudine cubiti, nulla relinquitur in culmine latitudo, quam omnes quos huc vsq; legerim ista disputantes cubitalem esse voluerūt. Vnde quatuor formis inuicem differentibus figuratio processit in opere, quarum pseudographias cumfiguratione quam institui simul ostendam in sequentibus, vbi quod est reliquum in descriptione perpendero. Hic autem orthographiam geminæ frontis secundū latum & altum arcæ disposui, vbi linea BA fastigium cubitale designat.



De ostio, & cœnaculis.



QUOD autem habet lectio vulgata, Ostiū arcæ pones ex latere, deorsum, cœnacula, & tristega facies in ea. Si deorsum ad antecedentia referatur: cōtra veritatem Hebraicam erit. Si autem ad sequentia, id est ad cœnacula: repugnabit significatio vocis. Quandoquidem cœnaculum (teste Varrone) locus est vbi cœnabatur. Sed postquā in superiori parte cœnitarū cœptum est: superior domus vniuersa cœnacula dicta. Quod etiā confirmat Vitruuius, ita scribens. Cum enim

enim aucto mirum immodū populo Romano necesse fuisset in cœnaculis habitari, ad ædificiorū altitudines deuentū est. Et Cicero de lege agraria dicit, Romam in montibus positā, & cœnaculis sublatā, atq; suspensam. Hic igitur cœnacula vertisse non minus est incōgruens, quā superiora si dicas pro inferiora. Et verbū tristega grēcū est, idē quod tria tuguria, quo tamē interpretes septuaginta nō vtūtur, sed ita dicunt. *τρίσκαλα διώροφα καὶ τετράωροφα*, hoc est, apothecas duorū tabulatorū & triū tabulatorū. Est autem apotheca propriē inferior, atq; grādiior cella vbi fructus, & fruges seruādi gratia cōduntur. In qua significatione Plinius sæpe, & Columella sunt vsi. Et proposito nostro mirē conueniūt huiusmodi cōditoria ad animalium victū. Sed ne totas apothecas in locis inferioribus esse secundū significati proprietatē crederet aliquis, adiicitur, duorū tabulatorū, & triū tabulatorū. Nam sicut domino iubente omnis generis cōmeatus in arcā sunt importati: sic alijs, atq; alijs tabularis seorsum, distinctēq; recondi necessariū erat: non ad conseruationem tantum, scilicet ne permixtione confusa putrescerent: sed etiā ad dispensandī commoditatem. Quod autem interpretes quidam noui vertunt inferiora, & secunda, & tertia facies. Quid rogo confusē magis, nulloq; sensu dici potuit: quā sic per adiectiua loqui sine substantiuis. Cæterum super ostij positione quod dicitur, ex obliquo, hanc intelligere debes a dextra, vel a sinistra parte longitudinis arcæ, prope latera, qui sunt anguli, non autem, plana: vel (vt ita dicam) parietes, quibus arca compingitur, sicut intellexerunt præposterē multi. Hoc etiā eleganter diceretur a latere, vel ad latus, non autem ex latere, vel in latere, prout aliqui dixerunt. Quis enim vidit vnquam ostium, in ipso angulo poni? Hæc ferē nobis de scripti formula constant. Quæ cum sit angusta verbis, sensu diffusa, ex paucis alia multa rationibus architectonicis, coniecturaq; solerti, sunt inuestiganda: vt operis tam præclari cognitionem omni diligentia plenius assequamur.

De cubitis & eorum mensura.



CUBITORVM numerus per quos arcæ moduli finiuntur traditione certus est: sed ipsorum longitudo opinionibus incerta. Dicunt enim multi (sicut verum est) cubitum sesquipede finire. Ad hoc alij semipedem adiiciūt, auctoritate tamen nulla probantes. Alij porro multi ad pedes vsq; nouem extenderunt. Alij postremo & pedem, & cubitum, non vt nūc, sed vt olim cum grandiora fuerūt corpora modis quidem grādiioribus, sed incertis æstimare visum est. Cū autem in literis sacris cubitorum sit mentio frequens: non plus tamen quam semel eorum mensuram inuenio designari. Quanquam vix etiā satis apertē. Locutus est Deuteronomij capite tertio, de Og rege Basān, qui solus restiterat de stirpe gigantū: vbi scribitur lectus ejus ferreus nouem cubitos habuisse lōgitudinis, & quatuor latitudinis, ad mensuram cubiti virilis. Hoc vltimum sic exponit interpretatio græca. *ἐν πύχει ἀνδρος*, hoc est in cubito viri. Extenditur autem cubitus ab articulo medio brachij ad extremum mediū digitum vsq;, nunquam excedens

b 2. pedem

Pedem & dimidium in viro qui bene sit à natura figuratus, nec asymmetros. Id e-
 tiam Vitruuius in terminandis mensuris probatissimus author, exemplis græco-
 rum multis confirmat, cubitum scilicet cōstare sex palmis. Palmos autem quatuor
 efficere pedem, & digitos quatuor contineri palmo. Et hominem ita commodula-
 ri, vt sit cubitus pars stature quarta, pes verò sexta. Certū est autē latinos dimen-
 siones à græcis sicut alia bona multa sumplisse, Græci autem ab Ægyptijs vsurpa-
 rūt, authores tamē vbiq; dissimulando. In his autem Hebræi Ægyptios instituisse
 feruntur. Ipse autē Moses dimetiens arcā, & Hebræorū, & Ægyptiorū sapientiam
 omnē optimē calluit. Omnes etiā Hebræorū Rabini super huiusmodi cubitis ses-
 quipedalibus inter se cōueniunt. Sane de cubitis, pedibus, palmis, digitis, & alijs id
 genus ab humano corpore mēsuris quod post diluuiū vna cum suo toto decreue-
 rint, probabiliter fortasse dixeris. Sed quatenus incertū. Nostri porrò scriptores
 orthodoxi videntes ordinationē opificis summi hæreticorū calumnijs agitari, &
 in angustū deduci, cōtradicens putarūt modulū istū cubitalem sexcuplo, quā-
 dixi maiorē, id est nouem pedū fuisse, Et hæc obtinuit in vniuersum opinio, nemi-
 ne quē viderim cōtradicante, quāuis tali mensuræ nō pauca de scripturis loca re-
 pugnent, quorum nūc vnum, & alterum subiiciam. Legitur in libris regū de Go-
 liath Philisthæo quòd statura fuerit alta sex cubitis, & palmo. Quos si contendas
 nouem pedum fuisse: erat altitudo Goliath pedum quinquaginta quatuor, & pal-
 mi. Quare & caput ipsius, secundū corporis humani symmetrias, pedum ferē
 nouem, ad quam proceritatem communis hominum corporatura non pertingit.
 Quomodo igitur David caput hostis abscisum seipso grandius in manu sua (si-
 cut scriptum est) coram Saule tenuisset? Ad hæc etiā in Exodo, cū iubetur al-
 tare fieri trium cubitorum altitudine, non possunt intelligi grandiores isti, pedum
 scilicet vigintiseptem fuisse. Sic enim nullus erat sacrificijs vsus, nisi scalis admo-
 tis ad aram. Quod à ritu sacrorum abhorret omnino. De hac autem extensione
 cubitorum vnde processerit, & quantus sit error, postea dicam. vbi fidem veris, &
 vsitatis sesquipedalibus cubitis per ea quæ prius super operis fabricatione parti-
 culatim sunt exquirenda firmauero. Nam & hanc quoq; rationem hæreticorum
 alia factio (cuius etiam diuus meminit Augustinus libro decimo quinto de ciuita-
 te Dei) naturali, diuersaq; malignitate ludificauit, ineptissimē disputando tantæ
 magnitudinis arcam non posse compingi. Cuius ego contrarium architectonica
 methodo breuiter ostendam. Quam partem aliquantulum obscuram his scio fore,
 qui sensus in istiusmodi literis non habent exercitatos.

De arcæ structura, quomodo fieri potuit.



TQVE vt a fundamentis exordium sumam, sitque commensu-
 um explicatio commodior, dicamus arcæ basim ad rationem cubiti
 sesquipedalis longuam fuisse pedes quadringentos quinquaginta, la-
 tam verò pedes septuaginta quinq; altitudinem verò totam in arca,
 præter cubitale fastigium habuisse pedes quadraginta quinq;. Scien-
 dum est

dum est autem has mēsuras omnes citra materiæ crassitudinem intra opus ipsum accipi debere. Et cum in fabricatione tota firmitatis ratio sit habenda diligenter, tum in basi potissimum, in quam oneris pondus vniuersi, & moles ædificij tota recumbit. Hanc igitur cum reliqua superstructione simul ijs rationibus factam, vel certè fieri posse nullus scio nisi rerum prorsus, & artis ignarus negare poterit. Primum enim centum trabes perpetuæ sesquipedales quadratæ secundum totā strati latitudinem æqualibus inter se spacijs collocabantur. Duas tamen extrema latera basis minora facientes aliquanto cæteris esse crassiores oportuit. Has insuper palmopedalia tigna in transuersum ordine duplici, ad vtraq; trabium capita incisuris ad mediam crassitudinem sesquipedalibus factis, firmiter distinebant, relictis tamen dextra, sinistraq; trabium proiecturis: in quas arcestariorum pedaliū, angulariorum verò bipedalium bases securiclati cardinibus immitterentur. Omnium autem capita supernè cardinatis trabibus concludebantur. Ipsæ autem trabes in summo quatuor laterarijs duodecim pedum longitudine sub angulos obliquè fixis, anconibusq; ferreis vinctæ cōtinebantur. Solum deinde basis supra trabes besali materia contexebatur. Arcestaria quoq; per circuitum forinsecus postes transuersi trientales vestiebāt. Intra verò catenationibus, præcinctiōibusq; validè continebantur. Insuper his compactilia transtra septem æqualibus spacijs inter se, duoque latera minora in latitudinem procurrendo supremis trabibus adglutinata oram arcæ superiorem validissimè firmabant. Ac nihilosecius quatuordecim columnæ lignæ altitudinibus à fundo perpetuis ascendentes transtra binæ singula fulciebant. Quibus duæ singulis hinc inde parastatæ cohærentes, vnā cum alijs pedamentorum fulturis contignationem primam in quatuor cubitorum altitudinem sustolebāt. Hanc autem duæ sequebantur, mediana quidem altitudine cubitorum octo, suprema deinde interuallo cubitorum decem a media. Quas & parastatæ circa columnas, aliæq; fulturæ inferiorum perpendiculo respondentes sustinebant. Super, mediā transtra, duocq; latera minora nouem scapi altitudine cubitales columen fastigij, vna cum capreolis excipiebant. Vnde canterij dextra, sinistraq; proclinati extra longiora superioris oræ latera prominebant æqualiter. Quibus coassatio superimposita ædificium tegebat, ipsæq; subgrundæ stillicidium extra perpendiculum arcæ propellebant.

De contignationum v̄sibus.



VSVS contabulationum talis erat: vt super primā quadrupedum omnium, atq; reptilium cubilia, siue nidi vocentur, suo cuiusque generi commoda locarentur, assamenti, cancellisq; conclusa: & ambulationibus in longū, transuersumq; dispositis, per quas possent homines facili cūcta prospicere, & v̄sui necessaria suppeditare. Quinetiam opus fuit in stratis ipsis aperturas, & foramina relinqui, per quæ prolaberentur in arcæ fundum, velut in sentinā excrementa. Qui

totus necessitatibus his cubitorum quatuor altitudine vacabat. Nisi forte aliquid ibidem faburræ (sicut exigit ratio nauigandi) positum esset. Inter mediam, supremamq; contignationem omnis generis annonam pro subiectis animalibus apothecæ continebant, duobus, aut tribus singulæ tabulatis intra se distinctæ. Cuius rei causam supra retulimus. Nec eadem oportuit omnes magnitudine factas, sed pro ratione com meatuum, quos asseruabant temperari. Vt pote fœnilia, palearia, & quæ frondes asseruabant capaciora, quàm granaria, & etiam his quæ glandem, nuces, iuglandem, castaneas habebant. Et rursus in quibus pabulum fuit, differentiam tabulata separabant: veluti fœni verni, & autumnalis, quod dicitur cordum, farraginis, viciæ, medicæ, fœni græci, erui, cicerculæ. Et in alijs itidem vbi fruges condebantur granorum, leguminumq; species secernebantur tabulatis. Semitas præterea apothecis interponi cōmodissimum fuit. Et in ipsis foramina superstantia directè præsepijs. vt inde victus animalibus, etiā in aliquot dies facile ministraretur. Quibus etiā potus aliquot epistomijs, vel siphonibus (quos vocant mechanici diabetes) canaliculisq; in stabula singulorum deriuantibus aquam, paulo momento dispensabatur. In mediâ regione suprema amplum cœnaculum fuit, hominum habitatio, illuminatum arcæ fenestra, quæ cū grandior esset, valuas haberet, speculari lapide, seu vitro, crystallove munitas, vt iniuriam cæli, non diem arcerent. Cœnaculo iungebatur cella, penaria, atq; culina, cui focus erat lapideo tabulatu, molæq; trusatiles, cum clibanis ibi etiam erant. Item andronitis, atq; ginæceum, duo scilicet cubicula, vnū virorum, & alterum mulierum seorsum fuere distincta. Communis nempe doctorum sententia tenet, maritos ab vxoribus seorsum in arca semper cubuisse. Hæc autem membra secundarium lumen (vt vocant Optici) a cœnaculo capiebant. In alijs verò quoties opus erat, lucernarum vsus adhibebatur. Prope culinam lignile fuit, ex lignis coctis, quæ dicuntur acapna, id est sine fumo. Et insuper carbonaria cella. Familiares autem cellæ in haram porcorum tubulo ferebantur. Post hæc horreum sequebatur, & apothecæ fructibus rusticis omne genus refertæ. Atq; deinceps alię cibis auium dicatæ. Quarum omnium ornithones, & caueæ in hac contabulatione suprema fuerunt, viarumq; directiones, intermissis iuncturarū modicè spatijs, vt essent velut æstuarium, quibus refrigesceret aër, subiectorum animalium halitu calefactus, essetq; spiramentum salubrius. Ad hoc etiam habuit ora superior ab vtraque longitudinis parte spiracula, operis quadam necessitate relicta, prohibente scilicet canteriorum crassitudine, ne trabibus arrectariorum transuersis asseres supremi iungerentur. Vnde tamen propter subgrūdiorum ecphoras, nec lumen, nec omnino pluuiæ aqua descendebat in arcam. Scalas insuper locis opportunis adhibitas nihil est dubitandū, per quas aditus facilis ad omnia tabulata pateret. Vectorum præterea, & onerum distributionem ita factam intelligas, vt nauigium super aquis per librata positione ferretur. Cuius figura lōgior, sicut oneri ferundo comoda fuit, ita & huiusmodi temperamento opus habebat præcipuè.

De trabibus

De trabium materie.



I quis forte contenderit latitudinem, vel altitudinem ædificij vna continuitate, tenoreq; trabium iungi non posse, sicut antea posui: quod ad id magnitudinis materia non crescit. Historiam mundi legat, & inueniet Hyrcaniæ syluæ arborū vastitate miracula supra fidem. Et in quibusdam insulis arborum proceritatem ad centum quadraginta quatuor pedes adlescere. Amplissimam arborum Plinius ad æuum suum Romæ visam existimat, quam propter miraculum Tyberius Cæsar ponte naumachiario exposuerat. Fuit autem trabs e larice longa pedes centum viginti, bipedali crassitudine æqualis. Quo intelligebatur (inquit) vix credibilis reliqua altitudo, fastigium ad cacumen æstimantibus. Alia in Cypro traditur ad vndeciremem Demetrii succisa, centum triginta pedum longitudinis, crassitudinis verò, ad trium hominum complexum. Sed quid attinet veterum testimonio fidem e longinquo petere? cum ipsi plerumq; videamus in Delphinaticis nostratium montibus abieres octoginta pedibus altiores.

De ostij positura, & nidis.



STIVM autem arcæ in infimo poni propter sentinā non erat commodum. Sed ita vt ad contignationem primam vbi fuerunt animalia limen haberet, & in ipso limine cardines, vnde fores versatæ proclinarerentur in terrā, scalarumque vicem supplerent quatuor cubitorum ascensu. Vult tamen Hugo, qui super arcā Noe tractatum ædedit, ostiū nō prope fundū, sicut dixi, sed altius fuisse collocatum, in ea parte nauigij quæ staret ab aquis. Ita vt foris (inquit) per aquas ad arcam accedentibus ostium ferè per planum occurreret. Cuius sententiam ego probarem, si constaret animalia inualecente iam diluuio ad arcam enatasse. Sed ante diluuii principia (sicut scriptum est) ipsi homines, & omne animal secundum genus suum ingressa sunt ad Noe in arcam, oclussitque dominus ostium foris. Prope est etiam vt de claudentis diligentia dubitent, qui ianuæ commissuras aquis committere non audeant. Idem etiam author, & alij tradunt nidos, siue mansiunculas non intra arcam, sed extra fuisse, ad excipiendum id animalium genus, quæ Græci vocant amphibia, propter id quod non tantum terrestria, sed aquatilia quoq; desiderant pabula, nec magis humo, quam stagno consueuerunt, quorum est ancer, mergus, & anas, cignus, alcyones, & aliæ quædam auiculæ: quadrupedum verò codrilus, lutra, fiber, & alia pauca, existimantes tale genus inclusum seruari non potuisse. Quod cerè falsum est. Huiusmodi enim vitam facile tollerant extra aquas, etiam quæ piscibus vescuntur, dum carnes habeant loco piscium. Vidi enim aliquando dum essem Luteriæ duos pisces, ex his qui dicuntur vituli marini curru vestos elonginquo ad regem nostrum, spectaculi gratia, qui non minus auide carnes,

quàm pisces vorabant. Potuit etiã si piscibus erat opus in cibũ, fieri intra arcam piscina, sicut in illa Syculorũ regis Hieronis naue memorabili factũ legimus. In qua fuit ædificij contignatio triplex, apparatus materiæ triremium sexaginta, remigationis verò ordinum viginti. Et quòd ad propositum spectat, sic Athenus scribit. Erat (inquit) ad proram receptaculum aquæ conclusum, capiens duo milia metretas assamentis, pice, lintheisque compositum. Prope hoc etiam erat piscina, laminis plumbeis, assibusque compacta, aquæ marinæ plena, vbi commodè multi piscesalebantur. Cæterum qui extra arcam amphibijs loculamenta disponunt, viderint ipsiquomodo se contra domini præscriptum tueantur, ita iubentis: Ex cunctis animalibus vniuersæ carnis bina induces in arcam, vt viuant tecum. & rursum: Bina de omnibus ingredientur tecum, vt possint viuere. Quod & postea factum scriptura repetit, dicens: Ex omni quod mouetur super terrã duo, & duo ingressa sunt ad Noe in arcam.

De carnivoris animantibus.



VLLVM animal ex carnivoris in arca cibatu suo viciatasse theologi omnes vnò ore consentiunt. Quoniam (vt dicunt) sine mandati transgressione fieri non potuit, vt præter numerum datum à Domino in arca fuissent animalia, quæ aliorum alendorum necessitas coegisset includi. Et magis esse credendum, sibi præter carnes alimẽta fuisse, quæ omnibus cõuenirẽt. Nam (vt diuus ait Augustinus) animalia multa quibus caro cibis est, fructibus, pomisque vescuntur, maxime fico, & castaneis: & omnibus vesci cogit fames, & nihil esse quòd Deus suaue, & salubre facere non possit, qui etiam vt sine cibo viuerent prestare potuit. Ad hæc dico breuiter, animalia quorum datus est numerus, ea fuisse quæ sponte ingressa sunt in arcam. vt quemadmodum scriptum est, cum ipso Noe viuere possent, & eorum semen seruaretur super faciem vniuersæ terræ. Alia verò cibi gratia comparata sub vniuersali mandato contineri, vbi dictum est: Tolles igitur tecum ex omnibus escis quæ mandari possunt, & comportabis apud te, & erunt tam tibi quam illis in cibum. Quomodo igitur vniuersalis iussiois summam Noe compleuisset, carnes prætermittendo? quibus solis ferarũ, volucrumque bona pars vescitur. Aut quis vnquam admittat, leones, lupos, pardos, tigrides, nec non aquilarum, accipitrumque genera, & omnes denique volucres, quæ rostro sunt, & pedibus vncis, fructibus, & pomis, atque castaneis annum totum potuisse viuere? Porro de alimentis quæ omnibus conueniunt, res planè ficta est. Nec de potestate diuina quicquam ambigimus. Sed nunc quid Deus ipse iussit, nõ quid possit queritur. Ipse igitur dispensator carnibus comportatis, ad Domini mandatum nihil adiectione peccauit, quin potius his omissis multum detractione peccabat.

De fabris

De fabris, & operarijs arcæ.



VÆRVNT nonnulli quomodo tantæ molis, & tam operosum nauigium à quatuor hominibus, scilicet Noe, & tribus filijs perfici potuit, centum etiam annorum spatio, quibus fabricationem durasse scriptura testatur. Ad quod dicamus cum Augustino, adhibitos insuper alios operi fabros. Et reuera in ædificationibus magnis non solum operarum, sed etiam operariorum multitudo requiritur. Propterea quod incidunt multa quæ pauci tractare non satis commodè possunt. Esset autem absurdum dubitare, vt is quem præfectum operi suo Deus elegit, ne non simul cum arte, atq; prudentia, facultates etiam acceperit: sine quibus nihil promouebatur operis effectus. Non tamen negaucrim quin Noe architecti fungens officio, cum tribus filijs fabris, & aliquot ministris tempore centum annorum opus absoluere potuerit. Quod perinde valet ac si tercetum fabros cum ministerio subseruiente, vno anno tenuisset in opere. Constat enim auctore Plutarcho Hiëronem regem, nauigium illud quod paulò supra memorauimus, cum iam aduecta esset materia ex Ætna monte, intra duodecim menses consummauisset, adhibitis operi faciundo. tercentum fabris, præter ministros fabricæ subseruientes, præfecto summæ operis architecto Archia Corinthio. Perspectis igitur quæ ad ædificij qualitatem pertinebant, superest vt ea prosequamur, quæ ad quantitatem intelligendam præcipuè faciunt.

De arcæ capacitate.




TAVTEM in his quæ deinceps calculo geometrico sum traditurus, cõstitutis, certisq; modis omnia consistent, semipedis longitudinem hic apposui, ducta linea recta B A, cuius lineæ duplum eum pedem constituit, quem Parrisienses regium vocant, eoq; in priuatis, & publicis operibus vtuntur. Quare & eiusdẽ lineæ B A triplum, faciet cubitum sesquipedalem, quem ego symmetriarum in arca nostra modulum constituo, ad certam ipsius quãtitatem habendam. Est linea recta b c, quam ponamus esse cubitum, qualem iam constitui, & ex ipsa b c describatur quadratum D. Item ex eadem linea describatur cubus M. Quadratum igitur D, erit cubitus quadratus. Cubus verò M erit cubitus solidus, siue corporeus, quẽ etiam cubitalẽ cubum vocamus. Vt autem habeas cubicationem in arca, hoc est totam quantitatem corpoream, quæ est capacitas ipsius. Quære primùm embadõ basis, quæ & quadratura dicitur, multiplicando longitudinis cubitos tercentum, in latitudinis.

c

dinis.

A



dinis cubitos quinquaginta, fiunt cubiti quadrati quinde-
cim millia. Hanc summam rursus multiplica in altitudi-
nis cubitos triginta, fiunt cubita solida quatercentū quin-
quaginta millia, quod est solidum interius arcæ, usq; ad
suggrundas. Residuum autem corporis ad tectum, cum sit
prisma, continet dimidium sui parallelepipedī, idest cubita
septem millia quingenta. Adde ad quatercentum quinqu-
aginta millia, sit summa totius arcæ in cubitalibus cubis,
quatercentum quinquaginta septem millia quingēta. Sed
quoniam huiusmodi capacitas aliquibus impedimentis oc-
cupatur, veluti sunt columnæ cum suis parastratis, tabula-
torum etiam crassitudo, & assamenta distinguētia nidos,
& apothecas. Ista compensabimus prismatis corpore, à di-
cta quantitate deducto. Restat igitur capacitas in arca qua-
tercentum quinquaginta millium cubitorum. Quam ma-
gnitudinem ad animalium omnium semina, seruanda lar-
giter sufficere monstrabo,

Animalium recensio nominatim per genera.



V^M iam ædificij formam, dispositionis ordinem, atq; magnitu-
dinem, architectonicis, geometricisq; methodis tractauerimus; non
parua superest in proposito difficultas ostendere, quemadmodum
arcæ magnitudo iam data omnium quę sunt in terris animantium
genera, cum annuis singulorum alimentis intra se recipiat. Istud e-
nim præcipue cauillantur hæretici. Ad hæc igitur inuestigatione
facta sedulo, secundum historias omnium quibus curæ fuit posteris ista mandare,
quadrupedum genera nominatim infra disponā, septenarij, binarijque numero munda
discernens ab immundis. Explosa est enim communiter illorum sententia qui nu-
meros istos in hac differentia duplicarunt. Et quoniam non omnes omnibus species
oculis, aut literis sunt exploratæ: ipsas in tria maximè genera nota, comparatione dis-
tribuam: quę sunt boues, & oues, atq; lupi. Quę sanc digestio ad intelligentiam rei
præcipue valet. Terrestrium autem omniū (authore Plinio) maximum est elephas.
Et secundum Aristotelem boue maior quadruplo. Propterea elephantes duos ratio-
ne magnitudinis, atq; victus, ad locum occupandū, pono valere boues octo. In Her-
cynia sylua sunt feræ, qui Vri appellantur, magnitudine paulo infra elephantes, spe-
cie & colore Thauri: de quibus neq; Plinius, nec animalium historia meminit, sed
Cæsar in commentarijs. Nec sunt inter animalia munda numerandi. Quoniam ex
feris (inquit Aristoteles) nullum adhuc ruminare constat dempto ceruo. Æ qui para-
bimus itaq; Vros duos bobus sex. In eadem sylua bos est cerui figura Vnicornis, de
quo etiam Cæsar in commentarijs. Pro his igitur pono boues duos. Quatuor sunt
genera

genera camelorū, Arabica scilicet, & Bactriana, & quæ dicitur Dromeda. Item cameloopardalis. Hæc simul sunt paria quatuor, valore autē boues sedecim. Rhinoceroses duo, æstimatione verò boues quatuor, Monoceroses, duo. Bisontes, duo, Bubali, duo. Bonasi, duo. Origes, ij. Tarandi, ij. Equi pennati, & cornigeri quos dicunt pegasos, ij. Boues Indici vnicornes, & solidis vngulis, ij. Struthiocameli, ij. bestiarum potius quam auium generis, ad hoc demum datis pennis vt currentes adiuuent, cætero non sunt volucres. Domestici boues, septem. Cerui, septem, æquiparatione verò boues quatuor. Tragelaphi, hoc est hircocerui, septem, valore boues quatuor. Hipelaphi, ij. Equi domestici, ij. Equi feri, ij. Hippardia, ij. Hippopotami, hoc est, fluuiatiles equi, ij. Asini, ij. Onagri, ij. Asini Indici vnicornes, ij. Vrsi, ij. Sues, ij. Apri, ij. Huiusmodi autem animalia cuncta pabulo, frugibusque vescuntur, aut simul ambobus, aut separatim altero. In quibus autē non apponitur æstimatio, pro pari bouum sumenda sunt. Quamquam sit in aliquibus adiectione, in nullis autem detractio peccatum. Hæc igitur omnia proportionem respondent bouum paribus quadragintaquinque & dimidio. Cæterum si quid nunc vel diligentiam nostram, vel eorum, qui præcedentibus sæculis ista peruestigarunt forte sefellerit: per causam quasi supplementi ex inuento numero 45 $\frac{1}{2}$ sexaginta bouum paria faciemus.

Animalium nomina minorum, quæ pabulo etiam frugibusque vescuntur.



AR I E T V M & ouium, tam ex mansuetis, quam feris quatuor esse genera leguntur. Quæ si omnia munda sunt, explent numerum septenarium quater, hoc est sunt oues viginti octo. Capræ etiam in plurimas similitudines transfigurantur: veluti sunt capræ domesticæ, & ex feris dictæ capræ, atq; rupicapræ. Sunt item Ibices, pernicitatis mirandæ, onerato capite vastis cornibus. Sunt & Origes, cōtrario pilo vestiti ad caput verso. Præterea Damæ, & Pigargi, & Strepsioceroses. Hæc autem octo genera vix est vt sint omnia munda: quoniam (vt antea dixi) nullum ex feris animal cōstat ruminare de proceruo. Propterea caprinum genus vniuersum æstimo ad oues triginta. Simiarum præterea genus aliquot differentijs variatur, vt est Simia, Cæbus, Cynocephalus, Cercopitecus, & id genus alia, pro quibus oues pono decem. Lepus, ij. Lepus candidus in alpibus degens, ij. Dasy pus ex leporum genere, ij. Cuniculus domesticus, ij. Cuniculus ferus, ij. Melis, alias Taxo, ij. Sciurus, ij. Glis, ij. Est etiam murium genus multiplex, inter quos talpas numero. Quamquam sunt qui putent mures in arca non fuisse, & id genus similia, propterea quod ex corruptione nascantur, sicut nec etiam mulos: quoniam ex alio genere procreantur. Herinacci, ij. Histrices, ij. Hæc igitur animalia minuta, Lepore posterius enumerata, ponimus valere oues quatuor. Quare ex supradictis omnibus summa crescit ad ouium paria quadraginta.

Animalium.

Animalium nomina quæ carnibus vescuntur.



INTER carniuoras animâtes notissimus est lupo, ad hunc igitur de cæteris cõparatio fiet. Leones duo. Pardi, ij. Leucocrutæ a lini ferè magnitudine, ij. Calæ, ij. Dracones, ij. Serpêtes boe, ij. Ista sex paria singula æstimo lupis quatuor. Fiût igitur lupi quatuor & viginti. Tauri cornua habêtes mobilia venatu viuêtes, ij. Mantikoræ humani corporis vel præcipuè appetentes, ij. Pro duobus his paribus pono lupos duodecim. Pãtheræ, ij. Tigrides, ij. Lupi, ij. Lupi canarij, ij. Lupi ceruarij, qui & thoes dicuntur, ij. Chai, ij. Cephæ, ij. Linces, ij. Sphinges, ij. Crocutæ, ij. Axes feræ, ij. Parua quædam animalia victũ ab aquis petũt, sic tamen vt in terra degat, quorum nomina sunt hæc, Latax, Fiber, Satherium, Satyrum, Lutra; huiusmodi quinque paria æquiparo lupis duobus. Hiena, quam alij glauum vocant. Lycæon, Vulpes, Feles, Ichneumon, Viueria, vulgo furetus. Mustella. In istorum septem paribus cum sint corpore modica, æstimationem facio, ad duos lupos. Vituli marini pennis quibus in mari vtuntur, humi quoq; vice pedum serpunt, ij. Omnium igitur supradictorum summa facit luporum paria triginta duo. Sed in supplementum pone, vt sint paria quadraginta.

Dispensatio victus pro carniuoris, stabulationisque
omnium dispositio, cum ichnographia.




CARNIVORAS animantes ad luporum paria quadraginta recensui, singulis autem paribus ad victũ quadridui quem vnani constituo. Absumuntur ergo pro cibarijs omnium oues quotidie decem. Quas multiplicando in anni dies tercentum sexaginta quinque, sunt annuo cibatu oues tria millia sexceterum quinquaginta. His ita constitutis, superest vt ostendam quemadmodum omnes superius enumeratæ quadrupedes, hoc est boues centum viginti, Oues tria millia septingentæ triginta. Lupi octoginta, stabulari possint in ea contignatione (sicut antea dixi) quæ cubitis quatuor distat à basi, à mediana autem cubitis octo. Primum iam ab ostio, quod viginti cubitis ad angulum arcæ dispo, via lata sex cubitos in totam lateris longitudinem procurrebat, scalis vtrinque in superiora ferentibus terminata. Ad cuius medium, alia tertia parte latior rectis angulis cõsistens opposito lateri iungebatur, nidos sexaginta rectangulos longitudine cubitorum quinque, latitudine vero trium cum duabus tertijs determinans æqualiter in duas partes, vtrinque productos ad viam primam inter se contiguè, nisi quod diuerticulis duobus medianum iter rectè secantibus distinguebantur, in sex veluti consepra, loculamentisque suis decussata. Quibus singula singulis bouum paria collocari possent. Inter quæ tamen necesse fuit aliqua fieri laxiora proportione beluarum magnitudinis, vt pote duorum ele-

rūm elephantorum stabulum, sicut boū paribus quatuor æstimantur: ita & nidos quatuor occupare debuit. Alia deinde quadraginta minorum animalium paria diuersi generis, ouili magnitudine censita, nidis suis reſtangularis longitudine tricubitali, serie etiam bipartita latitudinem tabulati ad viam yſq̃ iungebant, interſtitio viarum duplici, æqualique, & æquidistante mediano, à maioribus ſeparata. Ad hæc rūrſum alia totidem parium pro carniuoris ſtabulatio dextra, ſiniſtraque ouilibus cohærebat, pari nidorum latitudine, ſed excedente longitudine cubito. Quorum ordines terminabant duo limites cubitorum quatuor amplitudine, ſatis commodi per quos miniſtrarentur iſſis carniuoris oues in cibum. Idq̃ ab iſſarum ouium caulis duabus vtrinq̃ quod reliquum fuit contignationis occupantibus, ambarum longitudine ſimul ducentum viginti octo cubitorum, latitudine autem communi cubitorum quatuor & quadraginta. Quæquidem dimenſio, claudit decem millia triginta duo cubitalium quadratorum. Quæ ſi diſtribuantur ad oues cibarias tria millia ſexcentas quinquaginta: prouenit in partē ſingulis paribus quadratura pauxillo minor quinque cubitis cum ſemiſſe. Eſt autem non ab re ſciendum oues iſtas in cibum aliter vel in arcæ ſummo, vel in imo, & etiam alibi, ſi cogeret aliqua neceſſitas poſſe ſtabulari. Et ita duplo quàm recensui maiorem nidorum, animaliumq̃ numerum cōtignatio prima reciperet: cuius ichnographiam hic appoſui.

De ratione victus animantium ceterarum quæ non ſunt carniuoræ.



A T I S iam demonſtraſſe videor omnis generis quadrupedes, tam ad vitam ſibi, quam ad victum alienum in vna contignationum arcæ, magno etiā laxamento poſſe conſtitui. Quod ad diſputationem ſuſceptam nondum ſatis erit, niſi & apothecarum cibaria in amni vertentis uſum ſufficere probaui. Animal ferè nullum eſt pabulo veſcens, cui non ſit etiam frugum appetentia maior. Quarum com-
meatus anguſtius, & expeditius multo quam iſſus pa-
buli



buli conduntur. Quod dico tale est: Decem pondo fœni, aut vicæ pabularis multo plus loci tenebunt, quàm decem pondo hordei, aut vicæ seminalis. Et quæ mensura fœni ad vitam tollerandâ boui satis erit in diem, eadem mensura farris, siue faraginis, cuiuslibetve grani, biduo, vel triduo ad saginam etiam corporis exuberabit. Sed quo validius arcæ capacitatē ab aduersariorū calumnijs asseramus, demonstrabitur tantum in ea fœni potuisse recōdi, qui cibus est omnium impeditissimus, quantum ad vitam animalium tuendam largē suppetit in annum. Iam enim in præcedentibus animalium grandiorum corpora magnitudine peræquata redeimus ad paria boum sexaginta, qui fiunt boues centum viginti. Minorum autem quæ seruantur in semen, ad oues octoginta. Aliarum autem multitudo quas pro cibatu carnario posui, sicut decade subducta quotidie decrescit: ita & ipsarum cibatus ab anni summa decrescere debent. Quo fit, ut iam dictus numerus gregis tria milia sexcentū quinquaginta, nō plus impendat in annū, quàm numero semper eodem oues mille octingentæ viginti. Huius porro supputationis formulam, cum non sit exposita vulgò, aliàs explicui in opere logistico. Ad has igitur cibarias oues mille octingentas viginti, adde aliàs octoginta, fit ouium vtraque summa mille noningentæ. Sanè quo fiat expeditior calculus sequēs, pone septem oues, quòd ad ventris, alimenterumque rationem spectat æstimari boue. Igitur oues mille nongentæ, valent bobus trecentis nonaginta vno, cum tribus septimis vnus. Iunge ad boues cētum viginti, fit summa boum trecentum nonaginta vnus, cum tribus septimis. Sed ut abundè sint omnia, pono boues esse quadringentos in arca, qui fœno prateni tantum, inundationis tempore toto saturari debeant. Porro cum fœni demensum quotidianum singulis bobus inquirerem, experimento didici verissimum esse quod tradit Columella, rerum rusticarum scientissimus author. Ianuario scilicet mensæ satis esse singulis bobus fœni pondo triginta. Martio, & Aprili quia terra proscinditur, sat esse pondo quadraginta singulis dari. Certum est pondo idem esse q̃ libram vnciarum duodecim. Quadraginta igitur pondo libras triginta nunc faciunt vnciarum sedecim singulas, more nostro. Ego autem fœnum compressum, sicut solet in magnis fœnilibus esse postquam exaruit, curiosè dimensus, inueni mensuram cubiti solidi paulò plus quàm pondo quadraginta fœni continere. Propterea cubū vnum fœni (cubitalem semper intelligo) in capita boum singula distribui quotidie, nimium esset. Hac enim longa dieta, saginarentur supra modum. Nam (ut ait Aristoteles) omnia animalia, & præcipuè quibus venter est calidus, quiete, immotioneque pinguescunt. Nil itaque dubito, quin singulis bobus octosis in diem sufficeret dimidium cubi, hoc est fœni pondo viginti. Sed ut contentiosis etiam ora comescam, volo cubum fœni singulatim in capita dari quotidie. Boues ergo quadringenti totidem cubos sumptu diurno capientes, absument anni spatio cubos centum quadraginta sex milia. Iam verò suprâ disposui medium in arca tabulatum, decem cubitis à supremo distare. Vbi etiam apothecas pabulorum, atque frugum omnis generis collocaui. Nunc autem ponamus illam arcæ partem duobus his tabulatis interceptam, totam esse prateni fœno refertam. Cum igitur sit fœnilis istius trecentum cubitorum lōgitudō, quinquaginta cubitorū latitudo, & altitudo cubitorum decem,


summa:

summa fit in corpus cubitalium cuborum, centum quinquaginta millia. Qui numerus annuū sumptum fœni pro quadringentis bobus quatuor cuborum millibus excedit. Ex his itaque cernere datur, medianam hanc contignationem non solum satis esse, sed etiam exuberare quadrupedum alimentis. etiam si altero tanto plures essent. Inter quas & reptilia grandiora collocaui, vt pote dracones, cocodrillos, hippopotamos, vitulos marinos, serpentes boas. Cætera autem corpore natura formauit exigua, veluti viperas, angues, aspides, cerastas, hydras, basiliscos, lacertas præterea virides, aliasque minusculas, stelliones, cameleões, salamandras, quibus tantus rigor, vt ignem tactum extinguant non alio modo quam glacies. Hæc autem, & si quæ sunt id genus alia, circa stabulationes cauernulis vel intra materiem perforatis, recipi commodè potuerunt. Canum porrò genus omne circa culinam vnde pascuntur habitasse putandum est, quo nullum frequentius animal sordes suas vomitat, easdemque remandit. Et tam sibi, quam alijs rabie perniciofa vexatur. Propterea videtur canes hæ reticorum typum in arca prætulisse.

De contignatione tertia.



AM in cōtabulatione suprema habitationes hominum, volucrumque omnium, cum apothecis, cibisque necessarijs collocaui, nulla numeratione, distinctioneque generum facta, per loculos dimensos, viasque separantes, sicut in stabulatione quadrupedum ordinavi. Cuius sanè rei necessitas in hac quidem parte nulla est. Sed reddenda potius ratio, cur tanta loci magnitudo rebus tam modicis adhibeatur. Quamuis enim sit varium volatile genus, & æque multiplex propemodum quadrupedum generi: adeò tamen & corporatura, & commeatuū, habitadique ratione differunt, vt vix (etiā æstimatore maligno) dici possint volucres gradientiū quinquagesimę partis. Sed cum omnes quadrupedes tabulatum primum exceperit:



sequens autem pabulum ipsorum, quod reliquum fuit bipedum genus ponendum erat in reliquo. Quāquam non est incredibile ipsum Noe futuri præscium, omnia scilicet corruptum iri cataclysmo, copiosam suppellectilem, tam rusticam, quam urbanam, ferramentorumque genus omne fabrilium, locis vacantibus reposuisse. Si verò necesse fuit in arca seruari pisces amphibijs in cibum, auiibusque piscarijs, compingi piscina potuit in hac parte, eo quo suprà dictum est modo. Et Ctesibiana machina, aliove quolibet pneumaticæ rationis hydraulo facile repleri, sublataque per fistulam papilla depleri. Nunc igitur disputationis nostræ cursu eo peruentum existimo, vt super cubitis symmetriarum sesquipedalibus, nullus vltra scrupulus relinquantur, quin ad vniuersale viuientium, semen ab inundatione seruandum in arca, largissime sufficiant, Cuius scenographiam secundum dicta prius hic apposui.

De nouem pedum cubitis quomodo processerit error.



NON SATIS erit fortasse sesquipedali mensura cubitum rationibus multis, & opere probasse, nisi & sexquiplo maiores, hoc est nouem pedum cubitos inueterata iam multorum opinione receptos cōfutauero. Quam ab Origenis expositione malè percepta profectam inuenio. Is enim homilia secunda super arcæ fabrica loquitur in hunc sensum. His omnibus tanta arte compositis obijciunt quidā quæstiones, & præcipue Appelles qui fuit discipulus quidem Marcionis, sed alterius hæreseos magis, quàm eius quam à magistro suscepit inuentor. Is ergo dum assignare cupit scripta Moysis nihil in se diuinæ sapientiæ, nihilque operis sancti spiritus continere, exaggerat huiusmodi dicta, & dicit, nullo genere fieri potuisse vt tam breue spatium tot animalium genera, eorumque cibos, qui per totum annum sufficerent capere potuisset. Quomodo (inquit) fieri potuit istud spatium quod scriptum est? vt quatuor saltem solos elephantos capere potuerit. Et post ea addit. Constat ergo fictam esse fabulam. Quod si est, constar non esse à Deo hanc scripturam. Sed ad hæc nos quæ à prudentibus viris, & hebraicarum traditionum gnaris, atque à veteribus magistris didicimus, ad auditorum noticiam deferemus. Aiebant ergo maiores, quod Moyses qui (vt de eo scriptura testatur) omnis sapientiæ Ægyptiorum fuerit eruditus, secundum artē geometricam, quàm præcipue Ægyptij callent, cubitorum numerum in hoc loco posuit. Apud geometras enim secundum eam rationem, quæ apud eos virtus vocatur, ex solido & quadrato vel in sex cubitos vnus deputatur, si generaliter; vel trecentos, si minutatim deducatur. Quæ utique ratio si obseruetur in huius arcæ mensura; inuenientur & longitudinis, & latitudinis tanta spatia, quæ verè totius mundi reparanda germina, & vniuersarum animantium capere rediuiua semina potuerint. Hæc quantum ad historiæ pertinet rationem aduersus eos dicta sint, qui impugnare scripturas veteris testamenti nituntur, tanquam impossibilia quædam, & irrationabilia continentes. Sic habet ad litteram latinus interpres. Nam authoris græca non extant, Sanctus autem Augustinus.

vir, in

Vir in literis sacris eruditione præcipuus, libro quæstionum super Genesim locum hunc ita prosequitur. Quæstionem (inquit) istam cubito geometrico soluit Origenes, asserens non frustra scripturam dixisse, quod Moyses omni sapientia Ægyptiorum fuerit eruditus, qui geometricam dilexerunt. Cubitum autem geometricum dixit tantum valere, quantum nostra cubita sex valent. Si ergo tam magna cubita intelligamus: nulla quæstio est tantæ capacitatis arcam fuisse, ut posset illa omnia continere. Hæc Augustinus, cuius auctoritatem, quod merito magna sit, omnes quorquot viderim tractantes ista sequuntur. In quibus & ipse fui, donec re perspecta diligentius, ipsa me veritatem geometria docuit. Qua qui sunt destituti, nihil est mirum in istis errare, cum sint à sensu communi valde remota. Si enim ex hoc Origenis loco cubiti longitudinem simpliciter extenderis in sex: itidem & vnum extendam in trecentos, cum vtrumque dixerit author. Sed hoc postremum, tam impudenter ausus est dicere nemo. Et secundum extensionem huiusmodi res eo deducetur, ut idem cubitus maior sit, & minor. Quod est absurdum. Videndum igitur quam discretionem sensus, propositum stare possit, utroque modo. Iam in præcedentibus ostendi, arcæ solidum continere cubitales cubos quatercentum quinquaginta millia. Planum est insuper arcæ longitudinem suæ latitudinis fieri sexcuplum. Basis igitur arcæ in sex æqualia quadrata diuidi potest, quorum commune latus est cubitorum quinquaginta, quod in se multiplicando facies cubitos quadratos, duo millia quingentos, id erit embadon vnius sex quadratorum in basi. Rursum multiplicando cubitos quadrati duo millia quingentos, in triginta cubitos altitudinis, fient septingenta quinque millia cubitalium cuborum. Quæ est sexta pars corporis arcæ. Ergo (ut ait Origenes) vnusquisque talium cubitorum deputatur in sex. Quoniam sexies septingenta quinque millia cubitalium cuborum, summam quatercentum quinquaginta millium constituunt. Quæ est arcæ capacitas, eadem quam per meum ante calculum inueni. Alteram propositi partem, vnum scilicet cubitum in trecentos deputari, sic ostendo. Accipe alterutrum ex minoribus arcæ planis, cuius vnum latus est cubitorum triginta, alterum verò quinquaginta: hæc inter se duo latera multiplicatione, cubita quadrata mille quingenta producunt. Quem numerum multiplicans iterum in tertiam arcæ dimensionem trecentum cubitorum, ex vno quoque minutatim cubito quadrato, trecentos solidos efficies, & in summam, quatercentum quinquaginta millia. Id autem est solidum arcæ, sicut prius. Quod erat demonstrandum. Et ita secundum rationem geometricam, ex solido, & quadrato verum habet Origenis dictum, utroque modo. Non autem quod cubitus geometricus tantum valeat, quantum sex nostra cubita valent, ut asserit Augustinus. Nec cubito geometrico, sed cubicatione geometrica quæstionem soluit Origenes. cum non cubitos geometres, sed cubicationem habeat seorsum ab usu communi. Istiusmodi cubitorum multiplicatio, verum etiam habebit in prismate, atque pyramide, & vniuersaliter ad omne corpus, cui possit æquale fieri solidum parallelepipedon, super basi quæ sit huic quam habet arca similis. Animaduertendum tamen in hoc Origenis proposito, illud esse vitiosum maxime, quod res cum aliis per se, tum artis ingenio difficilis, ænigmate quodam affectato verborum, & inuolucro sic obscura-

tur, vt diuinare magis oporteat, quàm interpretari. Planum enim, & secundum naturam erat dicere, numeros istos cubitorum in descriptione positos, rationibus geometricis inueniri, capacitatem quatercentum quinquaginta millium cubitorum in corpus efficere. Huiusmodi præterea nouempedalis extensio cubitorum recepta communiter, sicut dubium capacitatis artem non intelligentibus aufert, ita & intelligentibus vastitatem enormem, & absurdum operis infert. Iam enim suprâ demonstraui arcæ magnitudinem sesquipedalibus cubitorum modulis constitutâ, ad animalium omnium conseruanda genera, annuosque commeatus comportandos abundè sufficere. Si autem supponatur arca fieri similis forma priori, sed nouem pedum cubitis modulata: erit ipsa quidem sexcuplo longior, latior, & altior altera, corpore verò ducenties decies sexcies capaxior. Quâdoquidem similium corporum inter se ratio est, laterum eiusdem rationis triplicata. Verum, si quis ex geometricis elementis ista non capiat; numeratione sic inueniet. Quoniam cubitus nouem pedum, sesquipedalem cubitum sexcies in se continet. Longitudo igitur arcæ maioris cubitos sesquipedales habebit mille octingentos, latitudo trecentos, altitudo centum octoginta. Quos numeros inter se multiplicâdo, sicut in cubicatione priori factum est, summam conficies 97200000. hoc est nonagesies septies millies mille & ducenta millia cubitalium cuborum, quæ est capacitas istius arcæ maioris. Quam partiendo in minoris alterius arcæ cubos quatercentum quinquaginta millia, videbis ipsam in maiore contineri quoties antea dixi. Esset igitur arca secundum nouem pedum cubitos ducenties quindecies maior quàm oporteat. Ita vt plusquam vna tota arca æqualis priori singulis bouum paribus attribueretur. Quo nihil esse potest magis absurdum. Ad hæc etiam dico: si giganteos huiusmodi cubitos receperis: ad fabulas quidem propè res redijt. Nulla si quidem opis humanæ facultate tam vastæ molis ædificium nauigationis, onerumque patiens constitui mihi posse videtur. Neque enim omnia (vt ait Vitruuius) eisdem rationibus agi possunt, nec modum quemlibet incrementi opera recipiunt: sed aut nimium crescendo dilabuntur, aut explicationem prorsus non habent. His itaque perperis diligenter, cubitos istos sexcuplices, nulla ratione fundatos, opus nostrum perdere magis quàm probare quis iam non videat? De quibus ipse etiâ Augustinus non omnino sibi confidere visus est, libro decimo quinto de ciuitate Dei, vbi solutionem questionis aliam afferre conatur, sic inquit, Qui dicunt non potuisse capere arcæ illius quantitatem animalium genera tam multa, hi mihi videntur non computare nisi trecenta cubita longitudinis, & latitudinis quinquaginta, & triginta altitudinis, nec cogitare aliud tantum esse in superioribus, itemque aliud tantum in superioribus superiorum, ac per hoc ter ducta illa cubita fieri nongenta per longum, centum quinquaginta per latum, nonaginta per altum. Ex hoc Augustinus nil aliud infert quàm tria in opere tabulata ipsi basi parallela intelligi debere, sicut antea disposui: quæ veluti tres arcas particulares diuisione sua faciant. Et ita arcæ longitudo triplicatur. De latitudine verò, & altitudine quod eodem modo simul fiant triplices (vt ipse ait.) Id omnino falsum est. Sic enim alicuius partes corporis, maiores essent suo toto. Quod est impossibile. Verissimè tamen ex hoc arguitur illorum computatio ridicula, qui citra planum & solidum dimensione sola linearum, corpus attendunt. Quod perinde valet, ac si quis ver-

quis verborum sensus solis notarum lineamentis, nihil aliud intelligendo requirat. Verum ea fuit semper hæreticorum peruersitas, vt quæ non intelligunt pertinacissimè cauillentur, nec vllis rationibus cedant. Sed maledictis potius insectentur eos à quibus de veritate dissentiunt. Quod sum expertus in quibusdam aliquando mecum super hac disputatione congressis. Nam genus serè nullum est ex damnatis olim, & explosis erroribus, quod non aliqua ex parte nunc reuocetur in medium. Et quod in nouis asserendis ingenium negat; in veteribus asserendis pertinacia supplet. Ex quibus aliud alijs placet, nec quicquam tamen omnibus vnum. Nusquam enim sibi congruit malicia. Et hæc de cubitis quæ falso dicuntur ab arte. Qua prorsus non erat opus ad obiectum tam indocti cauillatoris. Quid enim ceco cum speculo & vel graculo cum fidibus & vt habet parœmia vetus. Libet itaque nunc exarmato mihi congregi cum hoste, etiam stipato suis elephantis. Quid ais o Marcionita & quid in arcam domini hæretice garris & Immo barris, cum beluis istis non A phris, aut Indicis, sed planè monstrificis, quibus dum arcam solis quatuor impleas, non arcam bestiarum modicam, sed immodicas facis bestias arca, cõmentumque tuum beluinum equo Troiano fabulosius reddit. Nam si quatuor saltem solos elephantos (vt tu exaggeras) capere non possit; altitudinem in singulis cubitorum plusquam triginta confingis, longitudinem verò decuplò maiorem, cum crassitudine cubitorum plusquam duodecim. Vbi non tam magnitudinis prodigio, quam deformitatis vitio peccas; cum sit ista corporatura draconibus propior, quam elephantis. Quos si disponas aliter, eadè quæ prius altitudo, cum sexta longitudinis parte manebit, obtinebitque singulorum crassitudo quartam ædificii partem. Cui portento quid simile dicam, non inuenio. Constat igitur (vt tuis in te verbis concludam) fictam esse non capacitatis nostræ, sed stabulationis tuæ fabulam. Est itaque (quod tu negas, & res ipsa probat) à Deo scriptura prophetæ, tua verò, sicut ostendis, à Sathana patre, qui te, tuique similes generauit. Sed iam Momum istum sua sibi monstra fabricantem relinquamus. Et præter eam quam in præcedentibus explicauimus formam operis, alias aliorum quales sint dispiciamus.






De variis arcæ figuris, & earum scenographia.



MOSIS descriptionem interpretati doctores basim eandem omnes intelligunt, specie scilicet (vt ante dixi) rectangula, altera parte longiore sexcies altera. Sed in superstructione fundamenti quatuor ferè modis inter se varijs ædificant. Nam Origenes homilia supradicta, Arcani (inquit) ego puto, quantum ex his quæ describuntur apparet, quatuor angulis ex imo cõsurgentibus, eisdemque paulatim vsque ad summum in angustum arctatis, in spatium vnus cubiti fuisse collectam. Ita vt cubitus sit longitudo, & latitudo cacuminis. Hæc authoris descriptio nihil aliud esset quam pyramis absciso vertice, si planum sectionis non quadratum, sed altera parte sexcies longius esset. Alij porro multi satis Hugonem sequentes, arcæ dimidium altitudine cubitorum quindecim in sua basi collocarunt, reliquos totidem pyrami-

d z dato

dato fastigio, verticeq; mutilo Origenis more complentes. Hanc autem sic dimidiatam altitudinem quidam improbant, totum arcæ corpus ad suos triginta cubitos erectum decacuminata pyramide similiter contegunt. Nulla tamen altitudinis istius restudinatæ mensura constituta. Nouissimè autem recentiores aliqui, quorū est Caietanus, arcam nostram ea corporis specie transfigurant, quod à geometris prisma vocatur. Cuius duo ex opposito plana parallela, super minoribus basis lateribus, sint trigona verticibus absclis, latitudine cubitali, reliqua verò tria plana parallelogramma. Huiusmodi formas præter id quod ordinationi prophetæ nō plenè respondent, alia etiam non pauca reprobant. Primum enim pseudopyramis ista Origenis, atque etiam prisma Caietani, quid habent cum arca simile? Talis etiam cacuminis quadrata deformatio, vel deformitas potius non solum est aspectu fœda, sed etiā inutilis operi, de qua rationem nullam congruentem dicere possis. Et ipsa tota pyramis modum fabricationis habet impeditum, atque difficilem; & quo nullus ad stabulationem animalium magis ineptus, nec excogitari quidem possit. Ad nauigationem verò quod inutilia sint hæc corpora, communis nauigiorum dispositio satis ostendit. In quibus semper id quod est contractum vergit in carinam, & immergitur aquis, summa autem latitudo prodit in apertū, & suprà fluitat. Pyramis igitur, & prisma nisi statuantur inuerso corpore, vt sit infrà vertex, fundus verò suprà nihil super natabit, sed totum submergetur. Ex capacitate autem quam suprà demonstraui necessariam, tertia pars solum, nec etiam tota remanebit in pyramide. In prismate verò paululū aliquid suprà dimidium. Habet tamen hæc prima cōstitutio tam absurda assensores aliquot (quorum fuit is cuius interpretatio dicitur interlinearis) rationem friuolam omnino præposteramque sequentes. Qua & Origenes formam suam ipse commendat, inquit: Quantum ad necessitatem pluuiarum diluuii spectat, nulla potuit tam conueniens, & congrua arcæ species dari, quàm vt è summo, velut è tecto quodam in angustum culmine ducto diffunderet imbrium ruinas. Hoc ego iam à principio reprobauis satis, vbi fastigium cubitale tecto sufficere probatum est. Sed ecce dum pluuiæ guttas isti formidant, in fluctus profundos sese demergunt. In tertia verò figura, quàm Hugo cum arca dimidiatam, atq; testudine diuiduā facit, nihil sanè est aliud quàm cum verò miscere falsum. Vnde etiam quod bonū erat, mali societate viriatur. Cum enim ipsa pyramidata constructio etiam super basi solida modum habeat (sicut dixi) perplexum, atq; difficilem tum longè molestius, & operosius erit, atq; etiam deterius fiet, si super arcæ dimidio collocetur. Ipsa namq; dissimilium corporum, & contra se pugnantium commissura, nisi colligationibus robustis, crebrisq; transuersarijs, & erisnatum futuris validissimè distineatur, pars inferior pondere, violentiaq; testudinis tota protrudetur. Et huiusmodi catenationes multò plus oneris, & impedimenti nauigio præstant, quàm bona vesturæ pars. Talis præterea cōmixtio præter id quod opus corrumpit, parte etiam ferè tertia quantitatem ab arca detrahit. In qua sanè perquirenda dum opus suum recenseret Hugo non alioquin ἀναπεργίς satis sese diu frustra que fatigauit, multa super trigonis, cathetis, hypotenusis, diametris, tetragonisq; lateribus inculcās. Vnde cum se non posset extricare, nec idoneum exitum inueniret, linguam suam disputationem ita concludit. In trigonis his (inquit)



O. Arcæ forma secundum Origenem.
D. secundum aliquos doctores.
B. secundum Buteonem.

H. secundum Hugonem.
C. secundum Caietanum.

d 3 (inquit)

(inquit) & tetragonis, multa alia inuenies ad subtilitatem geometricæ disciplinæ pertinentia, quæ omnia nos propter fastidiū declinamus. Sed planè declinationem istam à proposito, non tam fastidiū quàm imperitiā fecit. Nam in ipso calculo primum turpiter errat, dicens, diametrū basis in arca, & ut ipse vocat diagonium esse longuam cubitos trecentum quatuor cum semisse cubiti. Quod non ita est, cū sit ipsa diāmetrōs, tetragonicum latus 52500. quodquidem trecentis quatuor cubitis & quadrante breuius est. Nihil itaq; mirum si nobis Hugo suæ domus interiora non ostendit, quin in ipso statim limine pedem impexit. In quarta demum constructione figuram ex præscripto, nomenq; suum obtinet arca tota præter operculum, quod super ea quæ iam notauī vitia testudinis, non magis error, quàm temeritas authorum facit asymmetron. Supradictarum autem quatuor formarum scenographias hic apposui, quibus & meam adiunxi. Super qua iam disputatione multa satis, & sensum meum comprobasse, & calumnias hereticorum cōfutasse videor.

Cæterū si in erroribus aliquorum notandis meos ipse fortassis, ut homo, protulerim, in his asserendis nihil ago perūnaciter, sed orthodoxorum sententiæ totum me planè subiūcio. Absit enim procul à me, ut arcam Domini corpoream quātum potui diligenter per scrutatus, ab ea cuius fuit ipsa typus, hoc est ab ecclesia sancta catholica diuersum quicquam, aut dissonum adstruere velim. Et in hoc habeat suum finem commentatio nostra.



Io. Bur.

IO. BUTEONIS DE SVB-
LICIO PONTE CÆSA-

RIS, LIBELLVS.

§ §




MVLIVS CAESAR in suis de bello Gallico commētarijs, formam lignei pontis descripsit, in hæc verba. Cæsar his de causis, quas commemoravi, Rhenū trāfire decreuerat. Sed nauibus transire, neq; satis tutū esse arbitrabatur, neq; suæ, neq; populi Romani dignitatis esse statuebat. Itaq; & si summa difficultas faciundi pontis proponebatur, propter latitudinem, rapiditatem, altitudinem q; fluminis: tamen id sibi contendendum, aut aliter non traducendum exercitum existimabat. Rationem igitur pontis hanc instituit. Tigna bina selsquipedalia, paululum ab imo præacuta, dimēsa ad altitudinem fluminis, interuallo pedum duorum inter se iungebat. Hæc cū machinationibus immissa in flumine defixerat, fistucisq; adegerat, non sublicæ modo directā ad perpendicularum, sed prona, ac fastigata, vt secundū naturam fluminis procumberēt. His item contraria duo ad eundem modum iuncta, interuallo pedum quadragenum ab inferiore parte, contra vim atq; impetum fluminis conuersa statuebat. Hæc vtrāq; insuper bipedalibus trabibus immisis, quantum eorum tignorū iunctura distabat: binis vtrinq; fibulis ab extrema parte distinebantur. Quibus disclusis, atq; in cōtrariam partem reuinctis, tanta erat operis firmitudo, atq; ea rerum natura, vt quò maior vis aquæ se incitauisset hoc arctius illigata tenerentur. Hæc directā materia iniecta contexebantur, ac longurijs, cratibusq; consternebantur. Ac nihil secius sublicæ ad inferiorem partem fluminis oblique adigebantur: quæ pro ariete subiectæ, & cum omni opere coniunctæ, vim fluminis exciperent. Et aliæ item supra pontem mediocri spatio, vt si ar-

d 4 borum

borum trunci, siue naues deſcendi operis cauſa eſſent à barbaris miſſæ, his deſenſoribus earum rerum viſ minueretur, neu ponti nocerent. Diebus decem, quibus materia cœpta erat comportari, omni opere effecto, exercitus traducitur.

Haſtenus Cæſar conſtructionē iſtam ſublicij pontis ſanè luculèter, & artiſcioſè cōſcripſit. Quaquidem, in fluminibus magnis nulla firmior, & ad celeritatis uſum expeditior exercitibus traducendis, nec excogitari quidē mihi poſſe videtur: dummodo rem ipſam ex Cæſaris mente capiamus: non autem ſecundū depictam formam à Io. Iocundo Veronenſi, viro quidem rationis architectonicæ non ignaro, cæterū in huius explicatione pontis tam turpiter errante, vt ſtructuram ipſam nobis tradiderit, non ſolū alienam à toto Cæſaris propoſito, ſed etiā penitus abſurdam. Quam tamen omnes, quotquot viderim harum rerum ſtudioſi recipiunt. Quidam etiā ſcriptis ſuis approbarunt. Adeò fit procliuſ in rebus ignotis errantem ſequi quā reuocare. In hoc itaq; ne quis fallatur amplius, neue poſteritas tam ingeniouſi pontis intelligentia careat. Primū traditionem iſtam Iocundi falſam eſſe monſtrabo. Deinde quantum ipſa verba Cæſaris diligenter, atq; diu ſcrutatus intelligere potui, verū pontis formam indicabo.

Pſeudographia Iocundi ex Aldinis exemplaribus ſumpta.



PONTEM eadē forma, & ratione bis fecit Cæsar supra Rhenū flumen latissimū, rapidissimū, & altissimū. Primum in Menapijs contra Sicambros. Deinde paululum supra eum locum in finibus Treuironū, ex quo transitus erat ad Vbios Cæsaris amicos. A. tignabina sesquipedalia paulū ab imo præacuta, dimensa ad altitudinem fluminis. B. trabs bipedalis immissa super vtrāq; tigna, quæ binis vtrinq; fibulis ab extrema parte distinebatur. C. fibulæ, quæ disclusæ distinent bipedales trabes. D. vbi fibulæ disclusæ in contrariam partem reuincuntur. F. sublicæ obliquæ ad inferiorem partem fluminis adactæ, quæ pro ariete subiectæ, & cum omni opere coniunctæ, vim fluminis exciperent.

BVTEO.



NON inueniens Iocundus formam pontis, quæ præscriptum Cæsar per omnia sequeretur, temperare sibi non potuit, quin verba quædam immutaret, detorquēs in suum sensum. Nam vbi dicitur, **Hæc vtraque insuper bipedalibus trabibus immixtis.** Sic corrigendum putat. Hæc vtrāq; insuper bipedales trabes immixtæ. vt, insuper, sit præpositio, & hæc vtrāq; sit accusandi casus. Et ipsum Cæsarem ait loquutum similiter, in expugnatione Massiliæ, his verbis: **Hanc insuper contignationem quantum tectum plutei, ac vinearum passum est, laterculo astruxerunt.** In hac autem pontis descriptione operis exigit ratio, vt capias, insuper, pro præterea, qui frequentior est particulæ significatus. Quem etiam locus ille alter Cæsar exposit. Nam si pro super, intelligas insuper (vt vult Iocundus) laterculum legi debet. Sic enim laterculo dicere, vix erit latinitas ferenda. In hoc ergo Iocundus suo seipse (quod aiunt) gladio iugulauit. Et secundū istiusmodi sensum figuram pontis instituit, vt crassitudinem trabium bipedalem ingredi totam faciat in capita tignorum sesquipedalia. Quod est impossibile. Præterea quæ multis inculcantur ab ipso de fibula, nihil ad propositum & intelligentiam rei faciunt. Et falsa est etiam quam posuit fibulæ forma, cū nihil ad operis firmitatem valeat. De sublicis verò quod earum positionem facit non directam, sed procumbentem instar tignorum, hoc planè est contra Cæsar præscriptū, vbi dixit: **Non sublicæ modo directæ ad perpendicularum.** Sed allucinetur in eo Iocundus, quod dicitur, **obliquè adigebantur.** putans obliquum idem esse quod primum, & opponi perpendicularo. Quod minimè verum est, sicut ostendam postea. Hæc etiam pontis structuram Albertus Leo Florentinus intelligere se simulans, in opere suo de re ædificatoria, ipse tantū reperit verba Cæsar, & nihil ultra, nisi quod immutauit quædam, atq; corripit, pro fistucis, ponens figisticis. Quod nusquam me legisse recorder. Vnde coniectat suam sententiam Iocundus. Alberto placuisse. Ego autem cū ex hoc, tum ex hominis ingenio haud temere possum affirmare, pontis istius rationem Albertum prorsus ignorasse. Hac enim simulatione frequenter aliàs vtitur, in his quæ non intelligit ex Vitruuio. Cuius totum opus architecturæ compilauit, res, & verba passim inuertens temerè: & artis

vocabula passim immutat, Vitruuij nomen vbiq; reticendo malignè. Qualis autem mihi fuisse visa sit structura pontis, expositione verborum Cæsaris, & graphi-
de simul ostendam: vnde etiam error Iocundi manifestò videbitur.

Expositio descriptionis.







ADVERTENDVM est imprimis, descriptionem istam subli-
cij pontis tam sciēter, & ex arte fieri, vt non solū operis formam,
sed etiam structuræ modum, & ordinem ostendat. **Tigna bina**
sesquipedalīa. Intellige mensuram hanc sesquipedis, esse crassitu-
dinem tigni, quā habet in diametro circuli suæ basis, prout est in
arbore natum. Nec istiusmodi tigna dolātur in quadrum, sed modicè tantūm qui-
busdam locis paululum vltra corticem delibrantur. **Dimensa ad altitudinem**
fluminis. Tignorū longitudo profundī mensuram secundū positionum lo-
ca sequebatur. Quæ cūm ferè sit inæqualis; ita & inæqualia longitudine tigna fue-
runt, ab aqua deorsum. Quicquid tamē extabat à summo flumine sursum, ex æquo
fieri debuit in omnibus tignis, vt ipsum pontis tabulatum positionem seruaret
(sicut oportuit) perlibratā. **Intervallo pedū duorū inter se iūgebat.** Ipsa duo
tigna priusquā demitterētur in alueū, copulabātur inter se trāuersarijs duobus, aut
tribus, quorum fuit longitudo bipedalis, præter cardines, quos nunc artifices vo-
cant palmas. **Hæc cūm machinationibus immissa in flumine defixerat.**
Hæc igitur duo tigna, spatio bipedali inter ipsa relicto, iugata, & in alueum demis-
sa machinationibus figebantur. Quamvis machinatio idem propemodum videat-
ur quod machina, in eo tamen differunt, quòd machinatio multiplicius, & opero-
sius aliquid in se continet, quā machina. Vt pote turris ambulatoria qualis à Vi-
truuiο describitur, cūm habeat intra se machinas multiplices, scilicet arietem, quò
murus demoliebatur, ascendente turriculam cum suis trocleis, & succulis, atq; pon-
te, quo sit in murum transitus. Item rotas cum suis arbusculis, quæ græcè dicuntur
ἀμφοπόδες, quibus turris promouebatur. Et præter hæc in tabulatis balistas, cata-
pultas, scorpiones, aliq; id genus tormenta. Pluribusq; & diuersis operis egebat.
Huiusmodi turrim machinationem rectius, quā machinam dixeris. In qua pro-
prietate loquutus est Cæsar, de Aduaticis ita scribens. Vbi turrim constitui procul
viderunt, primū irridere ex muro, atq; increpitare vocibus, quod tanta machina-
tio ab tanto spatio instrueretur. Sic in proposito dixit machinationibus, etiam nu-
mero plurali, intelligi volens machinationem illā qua disponebantur, atq; figeban-
tur in flumine tigna, grandiore esse, diuersisq; machinis cōstare. Quæ quidem ma-
chinatio naui portabatur. **Fistucisq; adegerat.** Volunt Budæus & Iocundus
authore nullo, fistucam instrumentum illud esse, (quem ligneum vectem ferratum
Vitruuius appellat) quo scilicet paui mēta calcantur. Sed ab hac significatione pror-
sus repugnat

sus repugnat locus. Quid enim organon tantillum ad sesquipedalia tigna? Ego au-
 tem ex operis ratione conijcio fistucas palos fuisse præacutos, quibus solum con-
 gesticium solidatur, ad substructiones faciendas. Nam apud Vitruuium solum fi-
 stucatum, pro solidato: & pro solidatione, fistucatio legitur. Cum enim ipsa tigna
 (vt dicitur) machinationibus figerentur, non directa ad perpendicularum, quemad-
 modum publicæ solent. Sed prona, ac fastigata, vel vt aliqui legunt fastigiata. hoc est
 more tectorum accliuia, positionis ratio non patitur ea ipsa stare tam firmiter, quàm
 si recta figerentur, arietis machina more sublicarum. Propterea necesse fuit talem
 posituram non admodum per se stabilem fistucis circa tignorum calces adactis soli-
 dari. vt distinerentur firmiter, & ea constipatione pallorum tanquam vi, ac neces-
 sitate adigerentur, hoc est in sua sede cogerentur. quæ frequentior est, ac elegans si-
 gnificatio verbi. Erant enim tignorū bases, structuræ totius fundamentum, vbi fuit
 potissimum, ac modis omnibus firmitatis ratio quærenda. **Vt secundum natu-
 ram fluminis procumberent.** hoc est secundum vim, ac decursum fluminis pro-
 clinarentur, ad aquæ superficiem, sicut ad solum parietis inclinantur scalæ, si singu-
 lus decursus aquæ, à calcibus scararum rectà ferri parietem versus. **His item
 contraria duo ad eundem modum iuncta, interuallo pedum quadra-
 genum ab inferiore parte, contra vim, atq; impetum fluminis conuer-
 sa statuebat.** Sensus est tignis duobus dispositis, vt dictum est, alia duo tigna cras-
 situdine sesquipedalia, spatio bipedali inter se iuncta, contra vim & cursum fluminis
 proclinata, sic figebantur, vt ab inferiore parte, hoc est in aquæ superficie à prioribus
 distarent, interstitio pedum quadraginta. Nec potest hic pars inferior, in aluei solo
 capi, vbi tigna figuntur, quod cum ferè non sit vbique planum, aut æquabile: non
 potuisset diuaticatio constituta per totam structuræ longitudinē seruari. Sed quan-
 tum extulerit pontem tignorum proceritas ab aqua, non dicitur. Tantum autem
 oportuit, quantum fluctus maximus assequi non posset. Cuius impetum nulla ra-
 bulati structura sustineret. **Hæc vtracq; insuper bipedalibus trabibus im-
 missis, quantum eorū tignorū iunctura distabat, binis vtrinque fibulis ab
 extrema parte distinebantur.** Hic intelligendū hæc vtracq;, scilicet duo tignorū
 paria ab extrema parte, quæ fuit summitas suprema, inter iuncturas bipedales trabi-
 bus impositis, crassitudine iuncturas implētib; & binis vtrinque fibulis cōtinebantur
 firmiter ne à suase inclinatione dimouerent. Et ipsæ etiam trabes, in sua colloca-
 tione fibulis concludebantur, prohibentibus ne deorsum prolaberentur ad aquam. Est
 autē fibula propriè circulus, vel forma quadrata ex ferro, aliove metallo axiculum
 habens in medio versatilem, quo zonæ scorreæ colligantur. Vides etiam fibula ne-
 ctebat, dicente Vergilio: Aurea purpuream subnectit fibula vestem. Vnde per simi-
 litudinem funis intortus ad tigna colliganda dicitur à Vitruuio fibula. Et ligaturas
 huiusmodi fibulationes etiam vocat. Ab hac igitur ratione colligandi tignorum ca-

pita, cum trabibus immisis, dicta est in proposito fibula. Quæquidem separatim fiebat ex tenaci materia, vt puta robore, scapis duobus validis inter se scalariforma compactis, duos tantum gradus habente. Huiusmodi autem quatuor tignorum cum sua trabe fibulationem, à similitudine iugum dicimus. Trabes tamen multitudinis numero posuit author, vel intelligens trabem trabi superpositam, & applicatam immitti vel ad multa scilicet iuga respiciens quæ per transuersum fluminis ita fuit necesse collocari, vt inter duo iuga transitus fluuiaticis nauibus laxè pateret. Neq; tamen longius quàm materia trabibus iniecta pateretur, aut oneri ferundo sufficeret.

Hæc directæ materia iniecta contexebantur, ac longurijs, cratibusq; consternebantur. In hoc loco describitur cõtabulatio pontis. Appellatione materiæ, venit omne lignum. Hæc, subintellige spatia inter iugorum trabes. Primum enim de trabe in trabem tranſiebantur tigna qui etiam cantherij dicuntur. Et super hæc in transuersum alia minora. Quæquidem constructio per metaphoram à texturis exprimitur eleganter vno verbo, contexebantur. Talis deinde materiæ texture consternebatur, hoc est contegebatur, & complanabatur longurijs, id est pericis oblongis, ac cratibus, quæ sunt tabulæ viminibus contextæ, vt glaream, & sabulum pavimenti loco superiniecta cõtinerent. **Ac nihilò secius sublicæ ad inferiorem partem fluminis obliquè adigebantur. Quæ pro ariete subiectæ, & cum omni opere coniunctæ vim fluminis exciperent.** Hoc perinde est, ac si dicat Cæsar: Quamuis ea quæ iam sunt à me præscripta sufficere videantur ad opus: nihilominus tamen, vt firmitatis, durationisque ratio maior haberetur, sublicæ, hoc est tigna minora, vt pote dodrantalia circa tignorum calces figebantur. Obliquè, id est non ordine recto, secundum aquæ decursum ad inferiorem pontis partem procedentes, sed obliquo, in trigoni speciem isopleuri, cuius duo latera respectu catheti obliqua dici possunt. Et ipsæ trabes iugorum veluti cathetos in huiusmodi trigonis faciebant. **Quæ pro ariete subiectæ, & cum omni opere coniunctæ vim fluminis exciperent.** Pro ariete, hoc est ante arietem. vt sit aries machina, quæ robusteum cylindrum validè ferratum è sublimi præcipitem demittit in capita sublicarum. vt in alueum fluminis multis ictibus adigantur rectæ, & ad perpendicularum stantes. Illud enim obliquè, ordinem posituræ tantum respicit, ne sit rectus ad cursum fluminis, sicut iam docui. non autem sublicarum inclinationem ostendit, vt putat Iocundus, & iam supra retuli. Quæ res hominem maximè turbauit ab huius intelligentia pontis. Poteris hic etiam arietè fortassis non absurdè capere, pro quolibet arboris trunco, seu rate, vel naui, quæ fluminis impetu feruntur in sublicas, instar arietis, quo muri quatiantur. **Et alia item supra pontem mediocri spatio.** Dicit author breuiter huiusmodi sublicium munimentum eodem modò supra pontem factum esse, hoc est ab anteriori parte pontis separatim ab opere reliquo, mediocri spatio, fortasse pedum triginta, vel quadraginta. Exposita sunt à me verba Cæsaris quàm potui facillimè. Sed operis huiusmodi ratio, cum non sint in vsu communi, & explicatu difficilis est, nec ad intelligendum

ligendum: per uia his præsertim qui sensus non habent in his generibus exercitatos. Per graphidem igitur, pontis membra sic ostendam, ut quæ lectorem fortasse fugerunt spectatorem latere non possint.



DE PONTE
ICNOGRAPHIA PON-
TIS AD DVO
I V G A.




INTELLIGENDVM est imprimis cursum fluminis ex P P, rectà decurrere, in partes H H. Literæ S S, indicant sesqui-pedalia tigna, in suis vestigijs, interuallo pedum duorum inter se iuncta, non directà ad perpendicularum, sed prona, ac fastigata, vt secundùm naturam fluminis procumbant. Item t t contraria tigna ad eundem modum iuncta & à superioribus pedū quadragenum interuallo disparata, ac contra vim, atque impetum fluminis conuersa. Inter SS, & t t est duorum pedum spatium, quantum scilicet tignorum iunctura distabat, intra quam trabes bipedales immisæ, fibulisque conclusæ, tabulatum pōtis excipiebant, quarum perpendicularū in solo subiecto designant lineæ S T, & S T. Trigonæ B C A, & H L K ostendunt sublicas ad perpendicularum adactas, & obliquè ad pedamenta tignorum procedentes, secundùm tignorum latera B C, B A, & H L, H K. quæ cum omni opere cōiunctæ vim fluminis excipiebant. Item in trigonis P Q R sunt aliæ sublicæ eodem modo supra pontem mediocri spatio dispositæ: vt si arborum trunci, siue nates operis deſi- ciendi causa essent à barbaris mis- sæ, his defensoribus earum re- rum vis minueretur, neu ponti no- cerent.

Scenogr.


Scenographia pontis ad vnum iugum, absq[ue] sublicis.

A. trabs bipedalis. T T. trigna fefquipedalia. F F. fibulæ.
G G. tranfuerfaria.



DE PONTE EX CARDANI LIBRO XVII:

Schæma medietatis pontis ab vno latere.



- A, Sublicæ superiores aduersus flumen.
 B. B, Sublicæ inferiores annexæ ponti.
 C, Tigna bina superiora.
 D, Trabs latitudinis duorum pedum.
 E, E, E, E, Fibulæ connectentes. D. trabem cum tignis superioribus & inferioribus.
 F, Tigna bina inferiora.



HIERONYMVS Cardanus medicus Mediolanensis librum nuper ædidi in scriptum de subtilitate, vbi super hoc ponte Cæsaris industriæ subtilitatisq; suæ neruos explicuit. Cuius hic ego verba cum ipso pontis schemate transcripsi, vt ex collatione diuersa veritas seipsa magis ostendat. Sed iam ad aliud (inquit) subtilius exemplum nec minus vtile transeamus. Eius author fuit C. Cæsar, vt in quarto de bello Gallico refert. Pontem super Rhenum in decem diebus hac ratione perfecit, quem vt à paucis bene intellectum docere instituimus. Tigna bina C litera significata sesquipedali crassitudine, longitudine tanta vt in imo fluminis fixa aquæ superficiem attingant, duorum pedum intervallo vtrunque iunge. Inde præacuta ab imo machinationibus immissa fistucisq; firmata, ad fluminis naturam prona ex vno latere figes, sic vt tignorum alterum ripæ proximius sit. Totidem, æqualiaq; similiterq; iuncta æqui distantia quadraginta pedum intervallo in inferiore fluminis parte aduersus illius impetum prona defigito, vocenturq; F. Supremas

premas iuncturas C & F, trabe latitudinis pedum duorum, scilicet pro iuncturæ magnitudine iunges, binis fibulis ex utroque latere, ex interiore parte tigni in exteriorem, ut singulæ fibulæ singula tigna amplectantur reuinctis. Æqualia his atque è directo posita ex altera parte fluminis sic, ut trabs E trabi alteri æqui distet construes similiterque iuncta. Has trabes iuxta fluminis cursum positas, multis alijs transversis superpositis inuicem etiam connexis iungito: quibus longurijs ac craticulis superstratis, pons efficitur. Ad cuius securitatem tigna plurima in superiori fluminis parte prona aduersus fluij impetum à toto opere separata: in inferiore sublicæ & ipsæ aduersus fluminis impetum, sed tignis longè proniores totique operi iunctæ, firmiter defigantur. Ita superiora tigna fluminis impetum & proiectas trabes excipient. Et ipsa moles ut magis præmetur ab undis, mutuo cõplexu firmior reddetur. Sed hic pons stabilis est, omniq; oneri sufficiens, nec cõuellendus.

At celerem fabricam explicabunt solæ funes & ergatæ, aut pelles inflatæ, aut tigna iuncta. B V T. descriptionē istā

Cardani, cūm satis præ se ferat quā sit inepta, & auersa longè prorsus à mente Cæsaris, nihil

aliter discutiendā putauī. Ex his itaq;

palā est, structurā hāc sublicij,

pontis à Cæsare scriptā,

falsis interpretatio

nibus ad no

stra tem

pora

corruptam latuisse.

f

Io. Buteonis

IO. BUTEONIS CON-
FUTATIO QUADRATV-
RÆ CIRCULI AB O-
RONTIO FINAEO
FACTÆ.



CIRCULI tetragonifmon, Opus nimirum ipsa difficultate famosum, sapientes Græcorum quam plurimos attentasse, neminem consummasse legimus. Archimedes verò prout arte fuit, & ingenio summus, ita & ad speculationem hanc, tunc inexploraram, vel deploratam potius, molliendum sibi fore putauit. In qua quidem visus est eousq; penetrasse, quatenus humanæ solertiæ penetrandum prouidentia dedit, Quod enim secundum mathematicam præcisionem dare nemo potuit vnquam (ipsum dico peripheriæ circuli rationem ad diametron) tanta vicinia demonstrando prope verū coarctauit, vt tantillum discrimē artis ratione magis intelligi, quàm vilo sensu corporis, vel organo discerni possit. Quanquàm postea non defuerunt ad ætatem vsq; nostram, qui propriā hanc illi gloriā delibare conantes, audeant profiteri, sese quæstionem hanc ad exactum, perfectumq; modum terminasse. Inter quos omnium sese maximè venditat Orontius, mathematicæ sapientiæ in vrbe regia professor, scriptorumq; multitudine iam olim clarum nomen adeptus. Is enim annis ab hinc decem librum ædedit inscriptū, Quadratura circuli tandem inuenta. A deo sibi titulo placens, atque cōfidens, vt eam Regi nostro dicauerit, epistola gloriāte supremum. Quod vix credat nisi viderit quisquam. In quam disputationem cū veritatis cognoscendæ studio diligenter inquirerem, conatus inanes, remque totam sic ab ipsa promissorū ostentatione diuersam inueni: vt me vanitatis alienæ pudeat, pigeretque bonas horas in ea disquisitione collocasse, ni laborem nostrum publicando studiosis vtilem fore putarem: ne falsa recipiēdo pro veris, alienos sequantur errores. Qui prout sophisticis argumentis adumbrantur: ita & doctos etiam fallere possunt. Quod cū ab omni disciplina sit alienum, tum à geometricis quammaximè, vbi certis elementis omnia constant. Hic igitur, sicut & aliās in studijs vbique mala cognoscere, falsaque refellere permagni semper interest, & ab authoribus magnis vsurparum. Nam & medici tractant venena, vt letalem vim ipsorum intelligentes ea vitemus. Sic Aristoteles omnium ferè qui ante se fuerunt opiniones in philosophia, & in his plerunq; præceptoris sui Platonis refutauit. Sic Galenus Thessalum medicinæ corruptorem insectatur, Sic Ptolomæus Marini tabulas emendauit. Sic Archimedes theoremata quædam Cononis, & aliorum falsitatis arguit. Id denique multi facientes, de posteris benemerendo, puriores nobis disciplinas reliquerunt. Maiorum igitur ad veri subsidium exempla sequutus, quicquid vanum, & er-

roncum


roneum in hac Orontij quadratura visum est, quàm potero facillimè, & paucis ostendam. Ipsiusq; dicta suis locis (ne quicquam demere aut affingere videar) ad literam recensebo. Ipsum itaque primum in epistola efferentem sese magnificè iam audiamus. **ORONTIVS.** Diuina prouidentia factum esse puto Franciscæ Rex christianissime, ut quæ præclara sunt, & difficilia, quâto magis ab ipsis desiderantur, & perquiruntur hominibus: tantò tardius à paucis quàm plurimum inueniantur. & in sua differuntur tempora, illisq; destinantur inuentoribus, quos solus Deus ad hæc nouit esse delectos. Cum ob multa, tum ut igneus, & plane cælestis ille diuini splendoris vigor mentibus nostris insitus, magis, atque magis elucescat. Et ad perscrutanda latentium rerum arcana, acriori nos vrgeat stimulo. In illorumque assidua contemplatione, & indagatione fixam oblectet intelligentiam. Quod si tam in diuinis, & naturalibus, quàm mechanicis, & ciuilibus rebus locum habere compertum est, in ijs artibus, quæ solæ mathematicæ, hoc est disciplinæ, nuncupari meruerunt, vsu maximè venire (opinor) negabit nemo. Quanquam enim mathematicæ medium inter intellectilia, sensiliaque locum obtinentes cæteris artibus, tum fidè & ordine, tum certitudine ac integritate (præter summam quæ illis inest utilitatem) longè præstare videntur: rariores nihilominus semper habuere professores, & insigniora theoremata maiori cum difficultate, longiorisque temporis successu adinuenta, atque demonstrata. Quemadmodum in ea disciplina, quæ geometria vocatur de circuli licet intueri quadratura. Quæ tamen ab omnibus philosophis scientia contineri fuerit existimata, & tanto tempore, à tam doctis perquisita viris, hætenus tamen videtur fuisse desiderata, facta interim non modica rerum mathematicarum accessione. Multa enim scitu dignissima, quæ prius erant abstrusa prodire nota. Cum igitur præfaram circuli quadraturam extra artem non esse intelligerem, & illius inuentionem ad me, non sine diuino numine iure quodam deuolui, qui & patre philosopho, ac mathematico insigni Francisco. Finæo sum natus, & ad has disciplinas natura factus, quas à mutis (quod aiunt) magistris acceptas octo & viginti annos, Lutetiæ publicè docendo, interpretando, scriptis, & nouis inuentionibus exornando illustraui) pretium operæ facturum me putauì, si nodum hunc dissoluerem. Et Galliam tuam, sub tuo foelici nomine hoc rarissimo munere donarem. Quòd nî me fallit ipsa veritas, & mathematicarum inexpugnabilis certitudo, à diuina tãdem impetraui clementia. Ipsam namq; circuli quadraturam, via hætenus à nemine tentata, & methòdo inaudita clarissimè demonstraui. Atque non vni tantummodo circulo æquale quadratum, sed tribus circulis, tria simul æqualia quadrata, vel diuersò figurare docui, totumque inuentionis, ac demonstrationis artificium, quinque problematibus, & vnica, eaque simplicissima conclusi figuræ cõtextura. Ex ipso autem primo problemate, à Græcis olim tot modis inuestigata, sed nondum planè demonstrata, cubi duplicatio euidentissimè colligetur. huic porrò circuli tetragonismo, duas adiunxi demonstrationes, alteram de ipsius circuli dimensione, alteram verò de ratione circumferentiæ ad diametrum. Quæ tot foelicia ingenia, ut circulo æquale darent quadratum, hætenus defatigarunt. Ego igitur tum verbis Aristotelis, tum suorum prædictorum philosophorum prouocatus exëplo, & qui sub tanto rege, ac in tanta

vniuersitate, tãtoque tempore mathematicarum interpres deputatus sum, iniquam rem, ac meo officio indignam me facturum existimaui, si id quæstionis genus intactum præmitterẽ. Et ni pro mea virili parte, ac dexteritate animi, aliquam (quæ cæteros hac in parte leuaret) excogitarem adinventionẽ: qua circulus quadrari vel facillè posset, idque prætermissa ratione circumferentiæ ad circuli diametrum, quam puto esse surdam, hoc est hominibus ignotam, & proinde sub aliqua numerorũ expressione nusquam fore reperibilem. Post varias itaque, ac subtiles, aut (si mauis) laboriosas, partimque suppressas, partim verò æditas inuestigationes, cùm ex duarum linearum rectarum adinventionẽ, quæ inter duas rectas lineas propositas sub continua eiusdem rationis proportionẽ constituuntur. Atque ex ipsa rationũ compositione multa, & sanè quàm difficilia cõprehendi suboriri, ac demonstrari sæpius animaduertèrem. Tentauì demum, earundem quatuor linearum continuè proportionalium adminiculo, ac ipsa rationum compositione mediante, hanc quæ sequitur de circuli quadratura contexere, ac tandè elucidare demonstrationem. Quæ an pro mea successerit animi sententiã, cuius æquo, ac in mathematicis vtcunq̃ versato lectori relinquimus diiudicandum. Ipsi autem inuidis, ac maleuolis nostri nominis obrectatoribus, perpetuum inuidiæ tormentũ exoptamus. **B V T E O.** Hæc & alia multa iactanter, inanisque plena gloriæ de se proxiatur Orontius. Vt taceam interim, quàm sit stolidum arbitrari inuentionem tetragonismi, iure quodam diuino deuolutam, quòd patre sit philosopho natus. Quasi Deus ista debeat philosophorum filiis, & infundat sciẽtiã genitura. Mirum autem quòd non præterea fingat mathematicam sibi fuisse matrem, vt eo posset colore gloriari geometriam se simul cum lacte bibisse. Cæterum posteaquàm (iuxta prouerbium vetus) montes parturire videmus, nascetur tandem ridiculus mus. Quem iam perquiramus. Conatur imprimis author necessarium proposito suo problema demonstrare, de quo sic loquitur. **O R O N T.** Ad construendam confirmandamque circuli quadraturam, à nobis tandem, & (ni me fallit animus) fœliciter excogitatam, necesse est imprimis, oblati duorum quadratorum lateribus, quorum alterum dato fuerit circumscriptum circulo, reliquum verò in eodem circulo descriptum, binas medias lineas rectas in eadem ratione continuè proportionales reddere notas. Qua ratione autem mathematica id problema dissoluatur, ex nemine valuimus planè deprehendere, quàmuis pleriq̃ Græci philosophi, ac mathematici, vt illud explicarẽt problema, quod cubi duplicatio dicitur, diuersis, & subtilibus admodum inuestigationibus (quas omnes Georgius Valla Placentinus capite secundo libri quarti suæ geometriæ citat, & summatim interpretatur) ostendere conati sunt, qualiter inter duas quasuis inæquales lineas rectas, duæ mediæ lineæ rectæ, sub eadem ratione continuè proportionales obtineantur. Nullam tamen illorum offendimus inuentionem, quæ alicuius instrumenti mechanici non vteretur adminiculo, & proinde quæ aperta suspicione, vel inexplicabili difficultate careat. Ne igitur infirmis adniteremur fundamentis, & mathematicam, simul, atq̃ suscepti negotij violaremus integritatem: nouum ac fidsimum modum inuestigandi eiusmodi lineas proportionales tibi demum excogitaui. Sed huic nostro tetragonismo specialiter inferuicẽtem. Habent enim

enim ipsa quadratorum circulo dato circumscriptorum latera, peculiarem quandam rationis felicitàtem, quam aliarum inæqualium linearum prorsus non admittit natura. B V T. Videmus hic authorem non probare vestigationes illas, quæ per organa mechanica fiunt, quibus mathematicam (vt ipse loquitur) integritatem violari putat. Itaque posteaquam nouum suum vt ait modum, ac fidelissimum ducentis ferme versibus inculcans, & infarciens occultauit porius, quàm demonstrauit, nihilominus tamen, vel oblitus propositi, seu magis ludificatione quadam circulatoria, id aperte facit ad finem problematis, quod in principio damnauerat. Ad hoc etiam abutens voce corollarij, sicut aliàs sæpe. O R O N T. Corollarium. Si has itaque binas lineas rectas inter ipsorum quadratorum latera cōtinuè proportionales, mechanico, promptissimoque reperire volueris artificio; fabricetur gnomō, ex dura quapiam, & electa materia ipsi r e m similis, & constitutis duobus eorundem quadratorum lateribus superscripto modo datis, cuiusmodi sunt a b, & b c, ad angulum rectum atque indirectum vtrinque productis &c. B V T. Quis igitur non videt, quàm sibi non cōstet author in hoc loco? Sed procedamus ad alia. O R O N T. Problema secundum. Dato circulo æquale quadratum, aliisque duobus circulis duo simul æqualia quadrata alterum alteri describere. Datōve quadrato circulum æqualem, aliisque duobus quadratis duos æquales circulos, alterum alteri, simul delineare.


B V T. In hoc problemate, & sequentibus non est propositum barbarissimos verborum discutere; qualis est delineare, pro deliniare, sed rerum tantum notare vitia. In quibus primum est illud ineptissimum, quod cum satis esset ita proponere. Dato circulo æquale quadratum describere. Non cōtētus hoc, intricacionem illam molestam adhibuit, de duobus alijs circulis, & quadratis, quæ non solum est superflua, sed etiam ridicula. Quasi qui vni circulo æquale quadratum describere nouerit, nesciat hoc in duobus, vel tribus, aut quotquot velit circulis facere. Aut si velit in vno tantum, cogatur in tribus. Quis itaque vel Euclidē ipsum merito nō rideat? si cum proposuit. Dato rectilineo æquale quadratum describere., Statim infarciat propositum de duobus alijs rectilineis, & quadratis, sicut hic fecit Orontius. Et tamen adeo sibi placet hoc nugamento, vt id tanquam virtutem aliquam in arte reconditam, quam non omnes aduertere possent, sæpe iactauerit. Primum quidem apud Regem in epistola, quem locum suprā retuli. Deinde & statim post hoc problema, abusus etiam loco sacræ scripturæ in hæc verba. O R O N T. Dum porro vni tantummodo circulo æquale quadratum, aut vni quadrato circulum æqualem, per hanc nostram obtinere volueris inuentionem, tria simul offendes quadrata, tribus circulis æqualia, tresve circulos tribus quadratis respondenter æquales. Quasi trinitas in vnitate, vel vnitas in ipsa trinitate, sub hoc nostro cōprehēdatur inuento. B V T. Istud etiam vocat author amplitudinē mirabilem, per scholion, hoc modo. O R O N T. De mirabili huiusce tetragonismi, tum facilitate, tum amplitudine. B V T. Solet enim appendices huiusmodi scriptis suis inserere. Et hoc iterum, atque iterum inculcans ad finem operis, quem locum infrā recitabo, appellat vbertatem huius quadraturæ. Post hæc sequitur. O R O N T. Neque hic cognitam supponimus circumferentiæ rationem ad ipsum diametrum, siue curuæ in rectam lineam conuersionem,

quæ tot felicissima hæcenus contorsit ingenia. Sed per viam proportionum à ne-
mine tentatam, nodum ipsum dissolvere feliciter (vt spero) sum adgressus. Sit igitur
imprimis datus circulus a h, cui oporteat æquum delineare quadratum. Circa
eundem itaq; circulum a h quadratum describatur a e, per septimam quarti elemen-
torum, intra verò eundem circulum a h aliud describatur quadratum d h, per sex-
tam eiusdem quarti elementorum. Inter ipsa postmodum horum duorum quadra-
torum latera, vtpote a & d binæ rectæ lineæ sub eadem ratione continuè propor-
tionales inueniantur, per antecedētis problematis traditionē, sintq; b, & c, vt quem
admodum latus a, ad lineam b, sic eadem b ad c, atq; c linea ad latus d. Ex ipsis con-
sequenter lineis rectis b, & c quadrata
describatur b f, & c g, per quadragesi-
mam sextam primi eorundem elemen-
torum, sintq; ipsorum quadratorum
b f, & c g, latera tum inuicem, tum præ-
dictorum quadratorum a e, & d h la-
teribus æquidistantia, siue parallela. In
ipsis rursus quadratis b f, & c g singu-
li describantur circuli b l, & c m, per o-
ctauam quarti prædictorum elemen-
torum. Quicquidem circuli erunt tum
inuicem, tum ipsi a h circulo concen-
trici, atq; paralleli, ob ipsam quadrato-
rum, siue laterum hypothesim. Quod
si datum fuerit imprimis quadratum
d h, cui æqualem oporteat describere
circulum: eadem figuræ resultabit con-
textura. Sed retrogrado, & paululum
variato descriptionis ordine, in hunc



qui sequitur modum. Circa datum quadratum d h, describatur a h circulus, per no-
nam quarti elementorum. Atque circa ipsum a h circulum, quadratum descri-
batur a e, per septimam eiusdem quarti. Postmodum inter eorundem quadratorum
latera, quæ sint rursus a, & d binæ reperiantur lineæ rectæ, sub eadem continua-
ratione medio loco proportionales, per ipsius antecedētis primi problematis traditio-
nem, quæ sint rursus b, & c. Ex quibus lineis rectis describantur quadrata b f, & c g,
per ipsam penultimam primi elementorum. In ipso demum quadrato b f circulus b l
describatur. Et in ipso pariter quadrato c g circulus describatur c m, per octauam
quarti eorundem elementorum. His altero duorum modorum constructis, aio qua-
dratum b f æquari, imprimis ipsi dato circulo b l, atque d h quadratum ipsi c m cir-
culo simul æquari, quemadmodum ex succedentibus problematibus manifestum fa-
ciemus. Cum igitur circulus proponitur, cui æquale quadratum desyderatur: is erit
trium circulorum in ipsa descriptione cōcurrentium primus, atque maximus. Quo-
ties autem quadratum offeretur, cui æqualem volueris dare circulum, ipsum erit qua-
tuor qua-

tuor quadratorum in eadem figuræ descriptione simul occurrentium vltimum, atque omnium minimum. Quemadmodum ex ipsa potes elicere figura, Quæ & si vtriq; & quadraturæ circuli, & ipsius quadrati circulatoræ (vt ita loquar) indifferenter inseruiat, & præposito aut (si mauis) gemino cōstruatur ordine, ipsa nihilominus figura, & proinde via demonstrationis ex omni parte manet eadem. B V T. Cū in omni problemate constructionem figuræ demonstratio sequi statim debeat, & demonstrationem conclusio: his tamen omisissis author noster ἀμετάστροφος interfert problema, quod quidem non est problema. Sed hoc vocabulo & hic, & in sequentibus abutitur nō minus imperitè quā antea corollarijs abusus est sæpe. Ait enim. ORON. Problema 3. Prædictorum quadratorum, atque circulorum inuicem accidentes proportionales in vniuersum colligere. Triaque interiora, & minora quadrata, tribus ipsis circulis, qui in tribus primis, & maioribus quadratis distribuuntur ordinatim esse proportionalia demonstrare. Problema 4. De rationum compositione pauca subnotare. Atque circulum tertium, & minimum ad secundum, quadratum eandem habere rationem, quam rectangulum triangulum ipsius maximi quadrati dimidium, ad ipsum primum, & maximum circulum consequenter ostendere. Problema 5. Quod tria interiora, & minora quadrata ipsis tribus circulis, qui in tribus primis, & maioribus quadratis describuntur singulatim, & ordine coequentur tandem efficere manifestum. B V T. Quæ autem inter istiusmodi problemata ad obscurationem potius, quā ad demonstrationem propositi constipauerit author, nihil attinet referre: satis enim intelliguntur ex consequentibus esse falsa. Sunt insuper proluxa tam immodicè, vt iustum penè librum expleant. His igitur prætermisissis conclusionem ipsam videamus, quæ sic habet. O R O N T. Dato igitur circulo a h, æquale quadratum b f, alijsq; duobus circulis b l, & c m, duo simul æqualia quadrata c g, & d h alterum alteri descripsimus. Datoue quadrato d h, æqualis circulus c m, alijsque duobus quadratis c g, & b f, duo æquales circuli b l, & a h, alter alteri simul delineati sunt. Quod secūdo, & principali problemate faciendum suscepamus. Vno igitur figuræ contextu, dato circulo hic simul quadrantur circuli, datoue quadrato tribus quadratis, tres circuli simul describuntur æquales. Eisdem insuper argumentis, & mathematicis inductionibus, ipsorum quadratorum circulatora, quibus & eorundem circulorum quadratura demonstratur. Et quod magis admirabitur aliquando posteritas, per ipsasmet figuræ partes, coassumpto solummodo extremo, & omnia complectente quadrato propositam quadratorum, & circulorum conclusimus æqualitatem. B V T. Quoniam authoris propositio quam vocat principale problema, nihil habet vnde constructio figuræ percipi valeat, quæ postea satis confusè describitur, totum istius tetragonifini sensum, quo melius intelligatur, reiectis superfluis, ita propono. Si fuerint quatuor rectæ lineæ proportionales continuè quarum prima sit ad quartam potentia dupla, circulus cuius est prima diametros, æqualis est quadrato, cuius erit latus secunda. Sine quatuor rectæ lineæ proportionales a, b, c, d. Sicut quidē a ad b, ita b ad c, & c ad d. Sitq; a ipsius d potētia dupla. Et ex lineis a, b, c, d, describātur quadrata quatuor a p, b f, c g, d h, Et intra quadratū a p describātur circulus k. Vult igitur Orōtius, vt circulus k sit æqualis quadrato b f. Ego autem dico ipsum quadratū b f, esse maius circulo k.




EST O figura T, rationē habēs ad quadratū a p, quā 11. ad 14. Igitur secundū
 per 10. ea quæ demonstravit Archimedes in dimensione circuli, ipsa figura T, maior est circū
 Quinti lo K. Et quoniam quatuor quadrata a p, b f, c g, d h, sunt proportionalia, ratio primi ad
 quartum (quæquidem est dupla) est ratio primi ad secundum triplicata. Ex ratione
 Per 11. autem 14. ad 11 triplicata, fit ratio, quæ est 2744 ad 1331, quæquidem maior est, quā
 definiti-
 onem
 Quinti dupla. Quadratum igitur a p, ad quadratum b f rationem habet minorem quā ad
 figuram T, hoc est quā 14 ad 11. maius est igitur quadratum b f figura T. Quare &
 multo magis ipsum quadratum b f, maius est circulo K. Quod erat demonstrandum.
 Descripto etiam intra quadratum b f, circulo L, & intra quadratum c g, circulo N, de
 monstrabitur quadratū c g maius esse circulo L. Et quadratum d h maius circulo N.
 Quoniam enim (sicut demonstratum est) a p ad b f rationem habet minorem, quā
 14. ad 11. Sicut autē a p ad b f, sic b f ad c g, & c g ad d h. Igitur ipsius b f ad c g, & c g
 ad d h, ratio minor est, quā 14. ad 11. Sed secundū Archimedem vtrique ratio qua
 drati b f ad circulum L, & quadrati c g ad circulum N, maior est, quā 14. ad 11. ma
 ius est ergo quadratum c g, circulo L, & quadratū d h, maius circulo N. Quod oport
 uit demonstrasse. Aliter. Pone quadratum a p esse 14. Igitur secundū ea quæ super
 dimensione circuli demonstravit Archimedes, circulus K minus erit quā 11. Et quo
 niam ratio quadrati a p ad quadratum b f, talis est quæ triplicata duplam constituit:
 impossibile est ut quadratum b f, non sit plusquam 11. Non est igitur circulus K æqua
 lis quadrato b f, sed minor. Est itaque manifestum ex istis, Orontij tetragonis non
 esse falsum, & extra fines Archimedis. Vnde etiā consequens est, ut ea quibus ad de
 monstrationem usus est author, non sint vera. Nunquam enim ex veris sequitur fal
 sum. Nihil est igitur quod amplius, ex hac inuentione sua gloriatur Orontius de phi
 losopho patre. Qui si degat adhuc in terris ætatem; simile quiddam postulet à filio,
 quod Lucianus Mercurium Pani dixisse fabulatur. Rogo te fili, ut cum istiusmodi
 tetragonis nos tuos iactabis, nunquam me patrem tuum dixeris esse. Reliquum nūc
 est, ut authoris epitogum, quam ipse vocat conclusionem audiamus. In quo iuxta so
 litum morē elephanū (quod aiunt) de musca facere conatur: inquit. O R O N.
 Habes igitur candide, ac humanissime lector à nobis tandem adinuētā, & sub com
 pendiosa admodum traditione demonstratā ipsius circuli quadraturā, quam
 philosophorum parens Aristoteles scibilem esse, ac nondum suo tempore scitam,
 pluribus in locis affirmavit. In qua circuli quadratura, non vni tantummodo circulo
 æquale quadratum, vel vni dato quadrato æqualem circulum describere, seu figurare
 docuimus.

docuimus. Sed tribus circulis tria quadrata singulatim æqualia, trēsve circulos tribus quadratis responderentur æquales (vbi nuper citatū est) inuenire, ac simul cōscribere monstrauius. Eam nanq̃ inuētum nostrum prae se ferre videtur vbertatem, vt ex vna trinam, & ex trina vnicam elicere valeamus ipsius circuli quadraturam. Adde quod vniuersum nostrae inuentionis, atq̃ demonstrationis artificium sub vnica, atq̃ simplicissima cōclusimus figuræ contextura, & ex puris geometricorum elementorū theorematibus (quæ certa, & ab omnibus recepta sunt) ipsius demonstrationis certitudinem confirmauius. Quod illius fauente clementia, qui solus trinus & vnus meretur singula facere, ac tandem ostendere posse non diffidebamus. Hunc porro laborem nostrum tibi, ac cunctis bonæ voluntatis hominibus tam gratum ac vtilem fore percipimus, quàm durum, & graue illis ad futurum non dubitamus (si palmā hanc reportauerimus) qui in foelicissimo sydere nati, dum nihil agūt, omnibus omnia inuident, & meæ inciuiliter nimium aduersantur foelicitati. Quos aut meliores reddet, aut malè perdet Dominus, cui soli sit honor & gloria. B V T. Posteaquā hanc suam quadraturam publicauit Orontius, aliam iterum paucis quibusdam commutatis emisit, eadem tamen tetragonismi substantia, formaq̃ manente, quod ad finem libri testatur, his verbis. Impressa (inquit) huius quadraturæ tabula, multa in melius commutauimus. Non miraberis igitur, si eiusdem tabulæ litera, ab ipso contextu vtcunq̃ differat. B V T. Nec post hæc dies, & annus de more solito librariorum apponitur. Sed prout vterq̃ mihi liber venit in manus, inter primam, & secundam æditionē, vix tempus bimensis intercessit. Itaq̃ miratus sum, quid sua tam citò displicuissent auctori, tanta potissimum venditione iactata. Et quid per tabulam, & contextum velit intelligi. Sed longè magis illud, quod epistolam suam, cuius suprà feci mentionem, ab operis fronte sustulerit: tanquam qui reposeret, quod Regi, Mæcenatiq̃ suo dicauerat. Quanquam magis est vt credam, id esse factum conscientia quadam vanitatis animum remordēte, quod apud regem gloriatus esset tam insolenter, super doctrina sua, natura, & ingenio. Et quod super omnia stultū erat, de patre philosopho. Nam quæ sunt huiusmodi, nec ipsis etiam auctoribus placere diu possunt. Cæterum in hac Orontius mutatione, ipsum etiam problema ad archimedis regulam examinauit. Vnde suum errorem nō solū non agnoscit: sed regulam ipsam ad propositum suum distorquet. Quod & in alijs suis scriptis semel, atque iterum antea fecit. Cū enim Archimedis viā progrediens, vel inuitus cerneret, id quod dato circulo æquale vult fieri quadratum, esse maius ipso circulo, sicut & reuera est, & iam suprà demonstraui. Ne tamen limites transgredi videretur: ipsum limitem maiore ad errati sui mēsurā extendit, inquiens. O R O N T. Ex his omnibus subsequi videtur, rationē circumferētiæ ad diametrū paulò maiorem esse tripla sesquiseptima. Et quadratū cōsequenter ad inscriptū circulū minore habere rationē quā 14. ad 11. Qualiū igitur partiū diameter est septē: taliū circumferentia erit duarū & viginti cū duabus nonis. Et proinde circumferentia ad diametrū rationem habebit tripla sesquiseptima vtcunq̃ maiorem. B V T. Post hæc autē, rem ipsam circularici quadam garrulitate multis prosequitur: nihil aliud ad probationem potissimum adducēs, quā oculorum inspectionem, & suas quasdam sinuum

Oront.
Vber-
tas hu-
ius qua-
draturæ

tabulas identidē inculcās, & errorē tabulis ipsis inesse fatetur, nihilominus tamē ita cōcludit. O R O N. Rei ergo veritas ita se habet, vt circumferētia ad diametrū rationē propemodū habeat, quā 22 cū duabus nonis ad 7. Et quadratū ad inscriptū circulum, quā 14. ad 11. cum vna nona. B V T. Quid rogo magis vnquam stultum, temerarium, & absurdum in arte fieri possit, quā propositionem ab Archimede demonstratam, ex oculorum aspectu, & à falsis te confessore tabulis reprobare? Et quod est præcipuæ leuitatis indicium? Hanc eandem propositionem Orontius aliàs approbauit in operis sui quod inscripsit Protomathesis, libro secundo. ita scribens: O R O N. Placet consequenter demonstrare circumferētiā ad circuli diametrum iuxta vulgatū ipsius Archimedis inuentum) rationem habere minorem tripla sesquiseptima, maiorem autem tripla superdecupartiente septuagesimas primas. Hoc est circumferentiā ter continere diametrum, & paulo minus septima, sed plus octaua ipsius diametri parte. B V T. Sic igitur se habet Orontij in Archimedem deprauatio iam tertia. Cū autem in hac æditione secunda nihil circa tetragonismi propositum mutauerit, & idem quod prius concludat; confutatione noua nihil est opus. Cæterum si viderit Orontius insignis iam diu, ac nunc etiam ab arte professor ista nō reprobari legitimè; in apologiam operis sui materiam habet in promptu. Nec est illi molestè ferendum si mihi de scriptis suis aliqua non probantur. Nam & dimensionem Archimedis ipse, & à Ptolomæo, & ab omni posteritate receptam, & à se etiam demonstratam, non semel postea, nec vno modo reprehendere conatus est. Quod quale sit, in alijs operibus, quæ propediem sum æditurus, ostendam. vbi multas adhuc aliorum falsas circuli quadraturas examinabo.









51

IO. BUTEONIS AD LOCVM
QVINTILIANI GEOMETRI,
CVM EXPLANATIO.




COMMODAM Oratori geome-
triam Quintilianus institutionis oratorię libro primo mul-
tis argumētis ostendit. Rē etiā prosequutus exēplo, de ter-
minis, & arę figurarum, italoquēs. Falsa quoq; veris-
similia geometria ratione deprehendit. Fit hoc
& in numeris per quasdā quas *ῥητορικὰς* voc-
cant, quibus pueri ludere solebamus. Sed alia
maiora sunt. Nam quis non ita proponēti credat? Quorum locorum
extremę lineę eandem mensuram colligunt, eorum spatium quoque,
quod ijs lineis continetur, par sit necesse est. At id falsum est. Nam plu-
rimum refert cuius sit formę ille circuitus. Reprehensiq; ab geometris
sunt historici, qui magnitudinem insularum satis significari navigatio-
nis ambitu crediderunt. Nam vt quęq; forma perfectissima: ita & ca-
pacissima est. Ideo illa circuncurrens linea si efficit orbem (quę forma
est in planis maximē perfecta) amplius spatium cōplectitur, quā si
quadratum paribus oris efficiat. Rursus quadrata triangulis, triangu-
la ipsa plus æquis lateribus, quā inæqualibus. Sed alia forsitan ob-
scuriora. Nos facillimum etiam imperitis sequamur experimentum.
Iugeri mensuram ducentos & quadraginta longitudinis pedes esse,
dimidioq; in latitudine patere, non ferē quisquam est qui ignoret. Et
qui sit circuitus, & quantum campi claudat, colligere expeditum. At
centeni & octogeni in quamq; partem pedes, idem spatium extremis
tatis: sed multo amplius clausę quatuor lineis arę faciunt. Id si com-
putare quem piget: breuioribus numeris idē discat. Nam deni in quas-
dam pedes, quadraginta per oram, intra centū erunt. At si quini deni
per latera, quini in fronte sint: ex illo quod amplectuntur, quartam de-
ducent eodem circunductu. Si verò porrecti ytrinq; vnde uiceni sin-
gulis distent: nō plures intus quadratos habebunt, quā per quot lon-

gitudo ducetur. Quæ circumibit autem linea, eiusdem spatij erit, cuius ea quæ centum continet. Itaque quicquid formæ quadrati detraxeris, amplitudini quoque peribit. Ergo & id fieri potest, ut maiore circuitus, minor loci amplitudo claudatur. Hoc in planis: nam in collibus, vallibusque etiam imperito patet plus soli esse quam cœli. Quid? quod se eadem geometria tollit ad rationem usque mundi. In qua cum syderum certos, constitutosque cursus numeris docet, discimus nihil esse inordinatum, atque fortuitum. quod ipsum nonnunquam pertinere ad orationem potest. Hucusque Fabius. Huiusmodi autem propositum parum ab his intelligi, qui geometrica non norunt, multorum experientia compertum habeo. Istis igitur succurrendum fore putavi, rem ipsam figuris, & scholijs sic explicando, ut vel solius sensum visionis latere non possit. Aduertendum imprimis locum istum à Fabio tractari more suo, hoc est rhetoricè magis, quam geometricè. Ludit enim copia verborum, quod geometra non facit. Propterea quod definita sunt in arte vocabula quorum terminos egredi non est legitimum. Hic enim quod dicitur: Quorum locorum extremæ lineæ eandem mensuram colligunt, eorum spatium quoque, quod ijs lineis continetur, par sit necesse est: sic proponeretur secundum artem. Æquales sunt planæ figuræ, quarum perimetri sunt æquales. Exempli gratia. Sint quatuor lineæ rectæ ba quidem longa tres pedes, cum nouem vndecimis vnus pedis, & df sit trium pedum, & kl quatuor, & nq quinque. Et secetur ipsa ba per æqualia in puncto c . Et centro quidem c , spatio verò cb , describatur circulus bae . Et ex linea df , describatur quadratum $d f g h$. Et super linea kl , constituatur triangulū æquilaterum klm . & ex tribus lineis $p q$ pedum 4, $p n$ pedum 3, & $n q$, construatur triangulum $n q p$. Sciendum est autem, in omni figura plana lineam, vel lineas sub quibus ipsa figura continetur, vocari perimetron, qualis est linea bae , quæ etiā peripheria dicitur in circulo. Et in quadrato $d f g h$, quatuor ipsius latera dicuntur perimetros. Et in triangulis klm , & $n q p$ similiter. Huiusmodi autem perimetron Fabius ad orationis ornatum, nominibus, & periphrasi variè ponit: modò vocans lineas locorum extremas, modò circuitum, & concurrentem lineam, aliàs spatium extremitatis, aliàs oram, & circumductum, frontem, & latera, atque etiam longitudinem. Cum autem circuli diametros ba sit pedum trium cum nouem vndecimis, erit secundum Archimedem perimetros bae pedum duodecim. Est autem & quadrati $d f g h$ perimetros pedum 12, totidemque perimetros in utroque triangulo klm , & $n q p$. Ipsæ igitur quatuor figuræ, circulus, quadratū, & duo trigona, cum perimetros habeant æquales, esse debent (ex propositione præmissa) æquales inter se. Quod minimè verum est. Quoniam (sicut ait Author) plurimum refert, cuius sit formæ ille circuitus. Datis enim in circulo, & quadrato perimetris æqualibus: circulus maior erit quadrato, & non solum quadrato, sed etiam qualibet alia plana figura isoperimetra. Datis insuper perimetris æqualibus in quadrato, & duobus trigonis, altero quidē æquilatero, & altero



& altero laterum inæqualium, quod scalenum dicitur, maius erit quadratum æquilatèro trigono, & æquilaterum maius scaleno. Hoc autē in exemplo nostro fiet evidentissimum, per tetragonismō figurarum, quem ita disposui, vt descripta sint quatuor quadrata, B quidem æquale circulo bea, & C æquale quadrato dfg h, D autem æquale trigono klm, & F æquale trigono npq. Videmus itaq; quadratum B omnium esse maximum, & quadratum C, maius quadrato D, & ipsum D maius quadrato F, vnde patet magnitudinem insularum ab historicis non rectè signari navigationis ambitu, hoc est insularum perimetro. Ponamus exempli causa, quatuor insulas forma, & ratione similes esse iam descriptis circulo, & quadrato, atque trigonis duobus. Erit ergo navigationis ubiq; circuitus dierum totidē, cum tamen sit magnitudo dispar. De qua semper erit incertum, nisi cum perimetro designetur & forma. Sed probationem istam non nescius author, his obscuram fore, qui datis figuris æqualia quadrata constituendi peritiam non habent, ad experimentum vul-

gare descendit, de iugeri mēſura, quā ſub eadē perimetro auget, vel minuit mutatio formæ. Et iſtorū figuratio talis erit. Deſcribaſ parallelogramū rectangulū, ita vt ipſi
us latitudo BD ſit dimidiū lōgitudinis BC . Et ex lineā GK , quæ ſit æqualis tribus
quartis ipſius BC deſcribatur quadratū $GKLM$, & ponatur ipſa BC eſſe pedū
240. Erit igitur BD pedū 120, & GK pedū 180. Rurſus deſcribatur quadratū NP ,
cuius latera ſingula ſecentur æqualiter in partes decem, & puncta ſectionis duorum



ex oppoſito laterum connectantur nouem parallelis. Et ſimiliter reliquorum puncta laterum totidem parallelis connectantur, quæquidem parallelos priores ita decuſſabunt, vt NP diuidatur in centū quadrata. Item deſcribatur parallelogramum rectangulū, cuius lōgitudo HQ ſit taliū quindecim, qualiū eſt NP quadrati latus decem, & latitudo HF ſimiliter taliū quinq̃, & ipſum rectangulū $FHQI$ (ductis in longum quatuor, & in latum quatuordecim parallelis) decuſſetur in quadrata ſeptuaginta.

ta septuagintaquinq̃. Rursum describatur rectangulum, cuius latitudo r t, sit vnus iam positæ mensuræ, & longitudo r X nouendecim, & ipsum rectangulum r X diuidatur in quadrata nouendecim ductis scilicet in latum parallelis decem & octo. Sic igitur se habent demonstratiōis huius quinq̃ figuræ, quas vnâ cum ipsius verbis authoris breuiter explicabo.


Expositio verborum Fabii.



O C O R V M. id est figurarum, quæ & aliquando dicuntur ab Euclide $\chi\alpha\gamma\iota\alpha$, id est loca. **Extremæ linæ.** id est perimetri. **Ean dem mensuram colligunt.** id est sunt æquales. **Eorum spatium quoq̃.** Spatium figuræ nihil aliud est quàm ipsa figura, & aliàs dicitur area, græcè $\epsilon\mu\epsilon\alpha\delta\omicron\nu$. **Par sit,** id est æquale. Par autem in arte, nunquam refertur ad quantitatem continuam, sed solùm ad numerum, cui opponitur impar. **Plurimum refert.** id est multum facit ad quantitatem. **Cuius sit formæ ille circuitus.** id est quam figuram contineat perimetros, hoc est vtrum rotundam, an quadratam, an trigonam, & sic de alijs. Forma, & figura id significant, quod græcè dicitur $\sigma\chi\eta\mu\alpha$, & ita definitur in elementis. Figura est quæ sub aliquo, vel aliquibus terminis continetur. Perfectissima est omnium in planis figura circulus: in solidis autem sphaera. Et cæteræ quò magis ad istas accedunt, eò perfectiores dicuntur. vt puta, exagonon æquilaterum, & æquiangulum perfectius est penthagono, & penthagono quadrato, quadratum autem trigono. In solidis autem perfectius est eicosædron dodecædro, & dodecædron octædro, & octædron cubo, cubus, pyramide. **Orbem.** quanuis latinè dicatur orbis pro circulo; nō tamen geometricè. **Amplius spatium cōplectitur.** id est maius $\epsilon\mu\beta\epsilon\alpha\delta\omicron\nu$ facit. **Quadratum paribus oris,** id est æqualium laterum. Cū autem ex definitione Euclidis quadratum sit æquilaterum, superfluit paribus oris. Sed in hoc ad vulgi consuetudinem respectum habuit author, quia putat omne rectangulum esse quadratum. Non ita tamen Columella, dum ait. Quadrati mensura facilima est. nam cū sit vndiq̃ pedum totidem. **Sed alia.** hic puto reponendum illa, loco alia, vt sit sensus: illa scilicet quæ dicta sunt. **Dimidioq̃ in latitudine patere.** id est centum viginti pedum latitudinē habere, sicut in rectangulo B D C notatur numeris ad latera minora. **Qui sit circuitus.** id est quanta sit perimetros, vt pote, quæ est pedum 720. **Quantum campi claudat.** id est quantum habeat area, quæquidem per quadratos pedes exprimitur, & inuestigatur hoc modò. Numerū latitudinis B D in numerum lōgitudinis B C sic multiplicabis. centies viciēs duceni quadragenī fiunt viginti octo millia & octingenti. Dicemus itaq̃ rectangulū B D C, hoc est agri iugerum tot pedes quadratos habere, qui notantur intra figuram sic 28800. Et ita semper nu-

meratio fiet in omni parallelogrammo rectangulo. Quare & in quadrato $g l m k$ multiplicatis duobus inuicem lateribus, colligetur area pedum quadratorum triginta duorum millium & quadringentorum. **At centum & octogeni in quaque partem pedes.** id est quadratum cuius latus pedes habet 180 quale est $g l m k$. **Idem spatium extremitatis,** id est perimetron habet æqualem perimetro rectanguli $b d c$, quæ quidem sicut iam dixi pedes habet. 720. Quater autem centeni & octogeni fiunt etiam 720. **Multo amplius clausæ quatuor lineis area faciunt.** Sensus est perimetros pedum 720 continens quadratum quale est $g l m k$, multò plus facit area clausæ quatuor lineis, hoc est plus pedum quadratorum, quam perimetros 720 continens rectangulum altera parte longius, quale est $b d c$. Nam area quadrati $g m$, aream rectanguli $d c$ superat pedibus 3600. **Deni in quadram pedes.** id est quadratum cuius latus est pedum 10, quale est $n p$. **Quadragesima per oram.** id est perimetros erit ped. 40. **Intra.** id est area quadrati erit ped. 100. sicut ex decussatione manifestum est. **Si quinideni per latera, quini in fronte sint.** Hic loquitur author de rectangulo $q h f i$, vocans latera (prout sunt) duas lineas $q h$, & $f i$, quarum simul est longitudo ped. 30. Intelligit autem per frontem reliqua duo latera $q i$, & $h f$, quorum simul est longitudo ped. 10. Quare & in ipso rectangulo $q h f i$ erit perimetros ped. 40, sicut in quadrato $n p$. Sed ipsius area rectanguli $q i h$ cum sit ped. 75, sicut decussatio monstrat, quarta parte minor est area quadrati $n p$. Si enim ex 100. quartam auferas, quæ est 25. residuum erit. 75. & hoc est quod dicitur quartam deducunt eodẽ circumductu. **Si verò porrecti vtrinque vndeiceni singulis distet.** Hoc intellige de rectangulo $r t x v$, in quo vndeiceni pedes vtrinque porrecti, quæ sunt duæ lineæ $r x$, & $t v$, vtraque pedum 19, & distat inter se singulis pedibus, vt sunt latera $r t$, & $x v$. Et ipsum $r v$ rectangulum non plures habet intra se pedes quadratos, qui sunt 19, quam habeat ipsius longitudo, q sunt etiã 19. Est tñ perimetros rectanguli $r t v$, æqualis perimetro quadrati $n p$, vtraque enim pedum 40. **Quicquid formæ quadrati detraxeris, amplitudini quoque peribit.** Sensus est, quomodocunque sub æquali perimetro quadratum in aliam formam rectangulam mutaueris, minuetur area quadrati. **Ergo & id fieri potest, vt maiore circuitu minor loci amplitudo claudatur.** Illationem huiusmodi vocant geometræ corollarium. Patuit enim ex demonstratione planas figuras isoperimétras non esse æquales. vnde facile sequitur colligere, duas planas figuras ita dari posse, vt sub perimetro maiori contineatur area minor. Exempli causa, extendatur rectangulum $r t x v$, ita vt ipsius longitudo $r a$ fiat pedum 20; erit itaque perimetros ipsius pedum 42, & area pedum quadratorum 20. Est igitur in rectangulo $r t a$, & maior perimetros, & area minor, quam in quadrato $n p$. Quod erat demonstrandum. **Hoc in planis, nam in collibus, vallibusque etiam imperito patet plus soli esse quam cœli.** His verbis præscribere

scribere videtur author corollarium præmissum non esse verum vniuersaliter in figuris, sed in planis tantum. Vult enim intelligi per colles, superficiem conuexam, per valles autem concauam, quæquidem non sunt superficies planæ. Sed falsa est huiusmodi limitatio: quia verum etiam habet corollarium in non planis figuris, quod sic ostēdo. Describatur semicirculus F H G, cuius diametros F G ponatur longitudinē habere stadiorum septem. Et intelligatur F H G esse collis in hemispherij formā à planicie confurgens. Erit itaq; ad collis radices circuitus, hoc est perimetros stadiorum 22. Et quoniam sicut ostendit Archimedes, omnis sphaeræ superficies quadrupla est maximi eorū qui sunt in ipsa circuli, erit in colle F H G superficies (quam solum vocat author) æqualis areæ continenti stadia quadrata septuaginta septem. Rursus describatur parallelogrammū rectangulum, cuius latitudo L N sit vnius stadij, longitudo autem L M stadiorū duodecim. Et super rectangulo intelligatur collis assurgens forma similis hemicylindro. Erit itaque collis huius perimetros stadiorū 26. & conuexa superficies stadiorum quadratorum 18. cum sex septimis. Est igitur in hemicylindro n. m., & maior circuitus, & area minor quam in hemispherio F H G. Quod erat demonstrandū. Eadem quoque demonstratio fiet in vallibus, hoc est in superficie concaua, per iam descriptas figuras hemispherij, & hemicylindri, si resupinatam positionem ipsarum intelligamus.





Ex istis ergo patet corollarium præmissum vniuersaliter verum habere. Quare falso limitaretur in planis. Et allegata ratio scilicet, quod in collibus, vallibusque plus sit soli quam cœli: nihil ad propositum probationemque pertinet. In hac autem significatione cœlum intelligitur aer, & in iure ciuili dicitur. Cuius est solū, eius est cœlum. Cuius regulæ sensus habet, vt si quis solum aliquod possideat, & totū illum aerem recte superstantem solo suo possidebit. Cœlum igitur secundum hoc erit corpus aerem recte superstantem altitudine quātalibet solo subiecto. Vult tamen Fabius in hoc loco cœlum esse non corpus, sed planum in sublimi isoperimetron solo directe subiecto. Nam nisi sic intelligas, non potest esse verum, vt in vallibus, collibusque plus sit soli quam cœli. Effer etiam absurdum dicere, corpus aliquod esse plus, aut minus superficie, quod solum dicitur. Quoniam diuersi generis quantitates non comparantur inter se. Quis itaq; non videt rationem istam de solo & cœlo nihil obstare? quominus maiore circuitu minor amplitudo loci claudatur, in non planis etiam figuris, sicut demonstrauī. Vt autem stare possit exceptio Fabij, sic est interpretandum, vt hoc verum habeat, nō solum in figuris quarum vna sit planum, & altera collis, seu vallis, quod est euidentius, sed etiam in planis, quod magis est incredibile. Reperatur exempli causa superior collis F H G, hemispherij forma cōsistēs, cuius est circuitus stadiorum 22. solum autem stad. quadrata cōrinet 77. Item esto circulus b c d e, diametron habes stad. octo. Erit igitur perimetros stadiis. & septime parvis vnius. & quadratura

h. stad.

AD LOCVM QVINTILIANI.

stad. 50 cum duabus septimis Patet igitur in circulo b c d e, & maiorem esse circum-
tum, & amplitudinē loci minorem, quā in hemisphærio f g h. cuius cœlum est æqua-
le ipsius basi, qui est circulus in diametro f g, cōtinens stad. quadrata $38\frac{1}{2}$. Et sic plus
est in colle solis, quā in cœli. In planis verò tantundem est cœli quantum soli. Hæc ad
explicationem rei susceptæ dicenda putavi.



IO. BVTEONIS AD
PROBLEMA CVBI DVPLI-
CANDI INVENTVM
PRIVS, ET PO-
STERIVS.



DOST circuli tetragonismon, aliud ha-

bent geometræ problema, quod Academiā totā aliquādiu sua difficultate vexauit. Id autem cubi duplicatio dicitur. In quo quæritur, quemadmodum cubo dato duplum cubum constituas. Et huius quidem vestigationis causa fuisse memoratur, quod cum Delo pestilentia grassante, consultus Apollo respondisset, finem mali futurum, si quandam aram (cuius erat cubica forma) duplicassent. At Delij cum cubū cubo superposuissent, nec pestis cessaret, rogatus iterū Apollo, negauit eos cōpleuisse respōsa. Se quidem iussisse, vt non corpus aræ tantum, sed & cubum duplicarent. Delij vero duplicationis rationem huiusmodi non habentes, ad consulendum Platonem miserunt Athenas. Qui primū respondit, eos videri sibi persecutionem talem ab numine pati, quod geometriam ignorarēt. Deinde & quæstionem illis absoluit, & eam insuper geometris in Academiā vestigandā tradidit. Quod digna res esset, in quā industria quisque suæ nervos intenderet. Itaque multi postea viri cælebres in disciplinis, hoc problema tractarūt. Vt fuit ipse Plato, Herō, Philō Bisantijs, Apollonius, Diodorus, Pappus, Sporus, Menechmus, Architas, Eratostenes, Nicomedes. Quorū omnium inuenta collegit Eutocius, in commentario quem ædidi ipse in primum Archimedis de sphaera, & cylindro. Quisquis autem illa scrutabitur quā non sit ipsum facile problema, vel ex hoc intelliget. Quod cum traditiones omnium demonstrentur optimè, nullius tamen est vsus in expedito, vt quibus est opus organo quopiam mechanico, ad id peculiariter fabricato, vel indagine repetita sæpius. Qui modus non probatur in arte, nisi cum præstare non possis aliās quod quæritur. Hanc etiam negotij difficultatem, Pythius ille dæmon oraculi sui mendacio prætendisse videtur: vt qui coniectaret verisimiliter morbo prius finem, quā quæstioni tempus allaturum. Suos interim consultores inquisitione molesta ludificans. Sic enim futuri nescius obscura semper respondebat, vel dubia. Et mihi quidē res ipsa negotij plurimum aliquando præbuit, dum proponerem cubos deformare quatuor, in ea ratione quæ est 1, 2, 3, 4. Persuasum enim habebam, omnia geometrica posse præstari per Euclidis elementa, quæ sola tunc videram, & in quibus ipse mihi fui semper ἀντίδοκον. Quid igitur ad problema cubi duplicandi tunc inuenerim, & quid postea visis aliorum scriptis, ad inuentum prius addiderim, breuiter explicabo.


AD PROBLEMA Datum cubum duplicare.

Per 32.
pri. soli
dorum.

Per 17
Sexti




EST O DATVS cubus A, quem oportet duplicare. Describa-
tur rectangulum b a c d, cuius latus b a sit æquale lateri cubi A. La-
tus verò b c, sit duplum ipsius b a. Et super rectangulo b a c d, con-
stituatur solidum orthogonium æquè altū cubo A, quod quidem
vocetur primum. Hoc itaq; solidum primum duplum est cubi A.
Solida namq; parallelepipeda æquè alta, sunt sicut ipsæ bases. Nūc
inter inæqualia duo latera basis solidi primi, quæ sunt b a, & b c adinueniatur mediā
proportionalis lineā b f. Ex qua describatur quadratum, quod sit b g h f. Quod qui-
dem est æquale basi solidi primi, quæ est b a d c. Nā si tres lineæ proportionales fue-
rint, quod sub extremis continetur rectangulū, æquale est ei, quod ex mediā quadra-
to describitur. Et super basi b g h f, constituatur solidum rectangulum æquè altum





solido primo. Quod quidem vocetur secundum. Erit itaque solidum secundū æqua-
le solido primo, & proinde duplum cubi A. Solida namque parallelepipeda in basi-
bus æqualibus constituta, & sub eadem altitudine, sunt inuicem æqualia. Rursus in-

Per 31.
Pri. soli
dorum.





ter inæ-

ter inæqualia duo latera solidi secundi inuenta media proportionali linea kl , & ex ipsa kl descripto quadrato, quod sit klm , & super basi klm constituto tertio solido rectangulo, cuius altitudo sit æqualis vni ex lateribus quadrati solidi secundi, demonstrabitur sicut prius, solidum tertium esse æquale solido secundo, & duplū cubi A. Quemadmodum autem in solido secundo inæqualitas laterum minor est, quàm in primo, & minor in tertio, quàm in secundo. Ita & deinceps, si in huiusmodifiguratione solidorum, secundum formam datam perstiterimus, sicut hic ad septimum vsque solidum feci, inæqualitas ipsa laterum sensim minuetur: vt sit tandem insensibilis. Quod autem extra sensum est, quo ad vsum rei, nihil impedit quo minus asse-



quamur propositum, sicut ab Archimede, & Ptolomæo in dimensione circuli fieri videmus. Erit igitur in exemplo nostro, vbi est solidum septimum cubus, qui duplus est ad datum cubum A. Quod oportuit fecisse. Ex hac autem formula nō solum duplicabitur cubus, sed & triplicabitur, & ad rationem quamlibet nominatim datam



fieri poterit. Qui sanè scopus erat in hoc problemate. Exēpli causa, si proponeretur datum cubum A. triplicare: faciendum esset in solido primo latus bc , triplum lateris ba , & reliqua deinde ad triplicationem sequerentur, sicut in duplicatione posui, nisi quod

nisi quod figuratio procederet in longius. Quanquam & in hoc quoque compendium dabitur, hoc modo. Intelligatur ipsum cubi A latus esse duorum pedum. habet igitur ipse cubus A, pedes cubos 8, quare & triplum ipsius pedes cubos 24. Inueniatur tetragonum latus 8, quod sit $d a$: & describatur ex $d a$ basis quadrata $b a d c$, super qua statuatur primum solidum orthogonium, cuius sit altitudo $a l$ pedum 3. Cum sit igitur solidum primum pedum cub. 24. ipsum est triplum cubi A. Rursus

inter latera $d a$, & $a l$ inuenta media proportionali linea $p a$, & super quadrata basi descripta ex ipsa $p a$, constituto solido orthogonio, cuius altitudo sit æqualis ipsi $d a$, erit ipsum solidum secundum, æquale solido primo, & triplum cubi A.

Rursus ad eundem modum descripto solido tertio, inæqualitas ipsa laterum prorsus erit insensibilis. Et sic triplicatus erit cubus A. Quod oportuit fecisse. Quisquis autem numeros, simul cum lineis tractare no-



uerit: huiusmodi compendia facili sibi constituet: ita vt intra paucas lineas propositum assequatur. Hæc sunt à nobis inuenta primum. Cum autem visis postea super hoc scriptis

aliorum, intelligerem negotium totum in hoc consistere, vt inter duas quæ dantur lineas rectas, inuenirentur aliæ duæ proportionales continuæ. Quod primus omnium animaduertisse fertur Hippocrates. Cœpi


mecum ipse diligenter inquirere, num & istud per elementa dari posset. Nam & obiurgat Philoponus Euclidem, quod duabus rectis lineis datis vnam tantum mediam, &

nō etiam duas proportionales continuas docuerit inuenire, tanquam si Philoponus ipse, vel alius quisquam, elementum huiusmodi legitime tradidisset. Quanquam etiam non concedo Philopono, vt hoc omnino verè dicatur in Euclidem. Nam & ex ipsius elementis talis inuentio constat. Sint datæ duæ lineæ rectæ $b c$, & $c d$: & sit nunc $c d$ duplum ipsius $b c$: oportet iam inter lineas $b c$, & $c d$ duas medias proportionales continenter inuenire. Disponantur ipsæ lineæ $b c$, & $c d$, vt sint in

lineam



lineam rectam $b d$. Et ipsa $b d$ secta per æqualia in signo g , centro quidem g , spatio verò $g b$, describatur circulus $b e d f$. Et a centro g , ipsi $b d$ pros orthas erigatur linea $g e$. Et in peripheria $e d$ pauxillum extra è sumpto signo agatur intra circulum linea recta $e c f$. Et ex linea $c d$ abscindatur ipsi $c f$ æqualis $c h$, & connectantur $h e$, & $f h$. Aut igitur linea recta $b f$, ipsi $e h$ est parallelus, aut non est. Sint ergo primùm ipsæ lineæ $b f$, & $e h$ inuicem paralleli. Dico quòd duæ lineæ $f c$, & $c e$ inter datas lineas $b c$, & $c d$ sunt continuè proportionales: hoc est sicut se habet $b c$, ad $c f$. Ita $c f$, ad $c e$, & $c e$, ad $c d$. Quoniã enim in circulo duæ lineæ rectæ $b d$, & $f e$ se inuicè secant, in pũcto c , quod igitur sub $b c$ & $c d$ rectangulum, æquale est ei, quod sub $f c$, & $c e$ rectangulo continetur. Est igitur sicut $b c$ ad $c f$: ita $c e$, ad $c d$. Et quoniã $b f$ ipsi $e h$ est parallelus, angulus qui sub $b f c$, æqualis est angulo, qui sub $c e h$. Et angulus qui sub $f b c$, æqualis angulo qui sub $c h e$. Est autè & qui sub $b c f$, ei qui sub $e h a$ æqualis. Duo igitur trigona $b c f$, & $c e h$ sunt æquiangula, & quæ circum angulos æquales latera proportionalia. Sicut igitur $b c$ ad $c f$: ita $h c$ ad $c e$. Est autè $h c$, ipsi $c f$ æqualis. Sicut igitur $b c$ ad $c f$: ita $c f$ ad $c e$. Ostensum est autem, quòd sicut $b c$ ad $c f$: ita $c e$ ad $c d$. Quare sicut $b c$ ad $c f$: ita $c f$ ad $c e$, & $c e$ ad $c d$. Inuentæ sunt igitur duæ lineæ $f c$, & $c e$ inter datas lineas $b c$, & $c d$ continuè proportionales. Quod oportuit fecisse. Si verò linea $b f$, non fuerit ipsi $e h$ parallelus: tunc duæ lineæ $f c$, & $c e$, inter datas lineas $b c$, & $c d$ proportionales quidem erunt, sicut demonstratum est, sed non continenter proportionales. Est igitur in hac inuentione necessarium semper, vt cum ex linea $c d$ ablata fuerit $c h$ æqualis ipsi lineæ $c f$, sit $b f$, ipsi $e h$ parallelus. Hoc autem in proposito nostro fiet: si a centro g , ipsi diametro $b d$ erecta linea pros orthas peripheriam secet pauxillum aliquid extra signum e , versus b , quod quidem est, insensibile visui. Si enim intelligas trigonum orthogonium $c g e$ verticem habens ad e : fiet linea $c e$ tetragonicum latus $2 \frac{1}{2}$. Lineam autem tertio loco continenter proportionalem inter $b c$, & $c d$, paululo maiorem esse oportet tetragonico latere $2 \frac{1}{2}$. Talem autem excessum deprehendere circino vix possumus. Descripro igitur ex linea $f c$ cubo: ipse erit duplum cubi descripti ex linea $b c$. Nam si fuerint quatuor lineæ rectæ proportionales cõtinenter, sicut se habet prima ad quartam: sic cubus ex prima descriptus, ad cubum ex secunda descriptum. Quãdoquidem ipsi cubi rationem habent inter se laterum triplicatam. Sed docendum est vniuersaliter, quemadmodum ipsius lineæ $f c e$ inclinatio ad diametrum, citra reiterationem nimiam fieri possit. Sint igitur datæ lineæ $b c$, & $c d$, inter quas propositum sit duas lineas proportionales continuas inuenire. disponantur datæ lineæ $b c$, & $c d$ in vnam lineam rectam

Per 35.
Tertij.Per 36
Sexti.
Per 29
primi.
Per 15
Primi.Per 4.
Sexti.Per 40.
rolla 33.
primi
solido-
rum.

leli, quæ cùm plures sint, omnium tamen erit expeditissima, quæ sequitur. Produca-
tur linea e h in peripheriâ circuli ad signum q, & ipsa e q secetur per æqualia in pun-
cto s, & connexas g extendatur in lineam b f, ad signum t. Aut igitur linea s g t secat
lineam b f per æqualia, aut per inæqualia. Sit ergo primum vt lineas g t, lineam b f
per æqualia secet, in signo t. Dico quod linea b f, ipsi e h est parallelus. Quoniã enim
linea s t acta per centrum g, duas lineas b f, & e q extra centrum per æqualia secat, &
ipsas etiam pros orthas secat. Cùm igitur anguli qui sunt ad t, & s sint æquales inter
se, quia recti, ipsæ lineæ b f, & e q sunt inuicem paralleli. Si verò linea s g t non secet li-
neam b f per æqualia, sed b t sit minor ipsa t f: indicium erit punctum f, accedere ni-
mis ad b. Si autem b t sit maior t f, indicabit punctum f recessisse nimium à pun-
cto b. Hoc autem cognito, facilis erit emendatio positionis lineæ f c e, ita vt sit b f, ipsi
e h parallelus, fietq; problema. Eritq; sicut linea b c, ad lineam c d: ita cubus lateris
f c, ad cubum lateris b c. Et si quis ex tribus lineis proportionalibus b c, c f, c e soli-
dum orthogonium constituat; ipsum erit æquale cubo lateris f c. Omne siquidem
solidum orthogonium, tribus lineis proportionalibus contentum, æquale est cu-
bo, quod ex mediâ describitur. Ex hoc igitur probatio fiet, an linea f c positionem
debitam teneat. Oportet enim, vt inter lineas b c, & c e, ipsa linea c f sit mediâ pro-
portionalis. Quod experiri quis statim poterit in ipsa etiam figura. Et ita se habet
primus & secundus inuenti nostri processus ad problema cubi duplicandi.


Per 3
TertijPer 36.
Pri. so-
lidorū.

Ad problema Stifelii Confutatio.



OC INSUPER problema tractauit Stifelius Germanus, in
libro cui titulum fecit, Arithmetica integra. vbi etiam multa super
geometricis inculcauit, ab Euclide (vt ipse iactat) omissa. Cuius
propositiones (inquit) non sunt euangelium Christi. Huiusmodi
autem Arithmetica multiplici rerum, verborumq; barbarie, rãtũ
inter alias quascunq; legeri. n, caput extulit omnes (vt cum poëta
dicam) Quantum lenta solent inter viburna cupressi. Ipsum ergo problema, sen-
sum rei potius, quàm authoris verba sequutus ita propono. Datum cubum P dupli-
care. Disponantur duæ lineæ rectæ L A, & K C, sese decussantes angulis rectis ad
signum B, & vni ex lateribus dati cubi P, ponatur æqualis B A. Quæquidem se-
cetur æqualiter in partes octo, quæ dicantur esse pedes. & ipsius lateris B A Duplum
fiat linea B C. Cuius dimidium B D, secetur per æqualia, in signo E. Et B E per æ-
qualia, in puncto F. Et iterum F E per æqualia, in puncto I. Hæc autem per æqualia
sectio quater repetita, nihil aliud est, quã in linea B C signare tres pedes lineæ B A,
qui sunt B I. Et centro quidem I, spatio verò I C, describatur semicirculus C L K. I-
tem super linea L A describatur semicirculus L G K A. Et ex linea K B describa-
tur cubus R. Dicit Stifelius cubum R esse duplum dati cubi P, Item si ex linea B L
fiat cubus: erit etiam duplus ad cubum R. Huius propositi demonstrationem dixit
author esse facilem ex ipsa figura, intelligenti propositionem Euclidis nonam sexti.

Quod nō est verum simpliciter, si non & corollarium accedat trigesima tertiæ primi solidorum, & etiam 37 eiusdem. Sed ita fieri solet vt facilitatem incitiæ prætendamus. Talis autem demonstratio sic erit. Quoniam enim linea BK est media proportionalis inter duas lineas BA, & BL. Item ipsa BL media proportionalis inter duas lineas KB, & BC. Est igitur sicut BA ad BK, ita BK ad BL. Et sicut BK ad BL, ita BL ad BC. Ipsæ igitur quatuor lineæ BA, BK, BL, BC sunt proportionales continuæ. Quare sicut prima BA, ad quartam BC sub dupla est: ita & cubus descriptus ex prima BA, qui est P, ad cubum descriptum ex secūda, qui est R, subduplus




est. Quare & cubus R, cubi P duplus. Et etiā cubus si fuerit descriptus ex linea BL, cubi R duplus. Quod oportuit fecisse. Hæc autem demonstratio, quamuis recta sit, & ex geometricis principiis legitimè procedat, inest tamen illi vitium illud, quod ab Aristotele dicitur *ψαλλογὰφικὰ πρὸς ἀληθεῖς*. Habet enim descriptio falsum id, quod peripheria semicirculi super linea LAB, non transit per terminum K. Vnde cum nō possit dici linea BK media proportionalis inter lineas BA, Et BL: ex hoc demonstratio tota corrui, & nulla est. Sed cum talis error tantillo discrimine fiat, vt mediocriter etiam intelligentes fallere possit: ipsam problematis falsitatem per numeros sic ostendo. Quoniam enim linea BA octo pedibus constat, & ipsius duplum BC, sexdecim, & BI tribus, vtracq; igitur linearum IC, & IK, tredecim continet.

Quare

Quare & B K linea decem. Quod est latus cubi R. Facit ergo cubicatio in corpus R, pedes solidos mille. Et item cubicatio in corpus P, pedes cubos quingentos duos decim. Quod est plus quam dimidium mille. Falsum est igitur Stifelij problema. Ex quo sequitur, quod numerus decem sit cubicum latus numeri mille quatuor & viginti. Quod est impossibile. Si autem ad triplicationem, & alias deinde multiplicationes numero non cubo productas processerit opus: prout etiam voluit author vniuersaliter verum haberi: ipsa se statim falsitas interstitio notabili monstrabit, qualis est in schemate ad cubi triplicationem hic infra disposito. Vbi constructio in eo solum est à priore diuersa, quod linea B C triplum est lineæ B A: & apparet manifestè peripheriam semicirculi L G A non transire per signum K, sicut voluit Stifelius. quod nemo vnquam nisi cæcus admittere possit. Mirum est igitur hominem, cui nec Euclides quidem propositionibus satisfacit, & qui numerorum artem integram proficitur circa numeros & lineas tam pueriliter errasse.

i *

Io. Butconis



IO. BUTEONIS DE FLV-
ENTIS AQVÆ MEN-
SVRA, LIBELLVS.



CV M MVLTA geometræ subtiliter in mensionibus aqua ministrante docuerint, ut postea tempus ipsum partiri, solis, ac lunæ diametros intelligere, aurum misturam cum argento de tegere, libramenta disponere. Et plura præter hæc alia miraculo digna, hydraulicis organis, & engibatum generibus varijs ostendunt. Nullum tamen est inuenire qui fluentis aquæ menturas indubitato, certoque modo tradiderit. Quæquidem cognitio, sicut ex usu vitæ est: ita & ignoratio turpis, nec ferenda disciplinis. Nam & Archimedi laus est numerum arenæ, non alioquin visibus aptum libello docuisse. Gratum igitur, nec inutile studiosis arbitror fore, si fallacem, & incertum apud antiquos labentis aquæ modum solida, stabilique ratione constituam.

IVLIVS FRONTINVS Vir consularis, cum ab imperatore Nerua delegatum aquarum officium accepisset, quæ tum ad usum, tum ad salubritatē, atque etiam ad securitatem urbis pertinebant, commentarium de aquæ ductibus, in administrationis suæ formulam scripsit. In quo quicquid ad rem pertinere putauit: non doctè minus, quam diligenter est exequutus. Vnde multa mihi ad intelligentiā propositi, sunt in hanc lucubrationem referenda. Imprimis igitur aquarum nomina, quæ in urbem Romam influebant fuerunt huiusmodi. Appia, Anio vetus, Martia, Tepula, Iulia, Virgo, Alsetina, quæ eadem vocabatur Augusta, Claudia, Anio nouus. Narrat præterea quibus ex locis, & à quoto milliario duci cœpissent, quantum subter raneo specu, quantum substructione, quantum opere arcuato. Postea altitudinem cuiusque, modulorumque rationē, & ab illis erogationes, quantum extra urbem, quantum intra quicque modus, cuique regioni pro suo modulo vnaquæque aquarum seruiat, quot castella publica, priuataque fuerint. Et ex his quantum publicis operibus, quantum muneribus, quantum lacubus, quantum nomine Cæsaris, quantum priuatorum vsui, beneficio principis daretur, pari diligentia prosequitur. Porro fiebant distributiones finitis, constitutisque modulis, quos plumbeæ fistulæ castellis exceptæ terminabant, vocabulo secundum magnitudines ipsarum progressu numerali crescente. Nam quæ minima fuit, & usu frequentissima, dicebatur quinaría, ab ipsius diametro quinque quadrantum vnius digiti. Quæquidem ratio in sequentibus quoque modulis, ad vicensariam usque procedit, diametro per singulas, adiectione singulorum quadrantum crescente. Ut in senaria, quæ sex scilicet quadrantes in diametro habet, & septenaria quæ septem. Et deinceps incremento simili usque ad vicensariam, quæ quinquarias sexdecim capit. Etenim circuli inuicem se habent, sicut quæ ab ipsorum diametris quadrata. Ab hac autem ad maiores subsequentes procedit aliter ratio, constans

constans ex numero digitorum quadratorum, qui area, id est lumine cuiusq; moduli continentur, à quibus & nomen fistulæ capiunt. Nam quæ habet luminis in rotundum coacti digitos quadratos viginti quinque, vicenum quinum appellatur. Similiter tricenaria, & deinceps per incrementum quadraturæ digitorum, vsq; ad centum vicenum. Vltra quod embadon non erat progressus modulorum in erogatorijs fistulis, isto quo dixi modo terminatis. Vitruuius autem à fistulis quinarijs intra centenarias consistit, denum pedum longitudinem omnibus præfiniens, singulisq; secundum capacitatem pondera. Vult etiam ex latitudine laminarum quot digitos habuerint antequam in rotundum flectantur magnitudinum nomina concipi. Vt pote, cum lamina fuerit digitorum quinque, & fistula perficietur ex ea, vocari quinariam. Et a digitorum quinquaginta latitudine, quinquagenariam. Itemq; reliquas similiter. Sed rationem hanc non sequitur Frontinus, nec etiã probat, propterea quod (vt ipse ait) hoc incertum est. Quoniam cum circunagitur lamina plumbea, sicut in teriore parte contrahitur, ita & per illam quæ foras spectat extenditur. Ex istis igitur apparet, circa modos fistularum temporibus variatum, quinariamq; Vitruuij capaciores fuisse, etiam senaria Frontini. Nam cum laminæ quinque digitorum, hoc est viginti quadrantum latitudo curuatur in cylindrum, fit in ipsa basi diametros quadrantum sex cum quatuor vndecimis. Nec vlla fit ex tali curuamine (vt putat Frontinus) contractio, in quinarijs potissimè, cū tenui corio fundatur. Nec etiam in grandioribus, si peritè tractetur opus à plumbarijs. Erat autem quinarie modus omnium maximè notus, ac receptus. Propterea cæteri omnes, nō solum fistularum, sed etiam canalium moduli, in commentarijs principis ad quinarias redigebantur. Idq; cum in alijs, tum in Appia fecit Frontinus. Nam hic vbi iungebatur cum ramo Augustæ, inueniri dicit altitudinem aquæ pedum quinque, latitudinem verò pedis vnus & dodrantis. Fiunt (inquit) areæ pedes octo & dodrans, quæ sunt quinarie millæ octingentæ viginti quinque. Cui quidem summæ pauxillulum quiddam à vero superfluit. Nam cum sit digitus pars decima sexta pedis, & quinarie lumen sit digiti, & quinquaginta vnus ducentesimæ vicesimæ quartæ partis: ex area iam dicta pedum octo & dodrantis, hoc est digitorum 2240, colliguntur quinarie mille octingentæ viginti quatuor, cum triginta duabus quinquagesimis quintis, & non 1325. Sed tantillum differentie, aut non curauit author, quod & in alijs ipsius calculis, perscrutando diligenter inueni, aut est locus corruptus: sicut passim toto libro numeri deprauatissimè leguntur. Modificabantur etiam aliter in augmentum fistulæ, per quinarias, cum eodē scilicet lumine plures includerentur, in quibus secundum adiectionem quinarum amplitudo luminis crescebat. Vt pote, fistula capiēs octoginta quinarias, diametrum suæ basis habebat medium proportionale, inter lineam quinque quadrantum, & lineam ceterum digitorum, vel (quod eodem recidit) inter lineas, alteram duorum cum semisse digitorum, & alteram quinquaginta. Et sic in alijs. Quæ quidem modulatio quamuis sit omnium artificiosa maximè, & ad computationem expedita, minimū tamen vsurpara. Idque, sicut existimo, propter ignorantiam artis. Rarissimi enim semper fuerunt omnibus seculis geometræ. Fundebantur præterea ex ære fistulæ, qui calices dicti sunt, longitudine quidem breuiores, sed eadem luminis ra-

tione cum cæteris, induci riuo, vel castello, quibus applicabantur eadem apertura fistulæ plumbeæ. Et erat excogitatus calix: quoniam rigor æris contumacior ad flexuram non temerè potest laxari, vel coarctari. Aquam insuper non nisi ex castello duci senatusconsultum permittebat priuatis, ne aut riuus, aut fistulæ publicæ frequenter lacerarentur. Sic igitur per riuorum, & fistularum modulos aquæ dimensio procedebat. Nunc autem sequitur, vt ostendam, quibus modis fallant in hoc genere mensuræ. Certum est imprimis referre plurimum, quam positione fistulæ producatur aqua. Datis enim fistulis æqualibus, quæ deuexa fuerit, modum suum ipsa velocitate profluuij, faciet ampliorem, quàm quæ perlibrata iacebit. Cuiusmodi fallacia, cum non sit in obscuro, nullam tamen cautionem super hac Frontinus adhibuit. Rursumq; in eadem positione fistularum, longiorem breuior fusione superabit. Propterea quod, quò longioribus obstaculis inhietur aquæ meatus; eò vis ipsa decursus rardior fertur, quare & parcius defluit aqua. Huic autem vitio sic occurrebant. Nam per quinquaginta pedes, ab eo castello vnde sumeretur aqua, edicto senatus ius non erat laxiorem fistulam subijcere, quàm quæ fuerat impetrata. Sed ista cautio quamuis aliquid adhibeat temperamenti: non tamen omnino vitium tollit. Nam si post quinquaginta pedes, ex duabus quinarijs altera spatium notabili procedat longius: nihil obstat, secundum rationes iam supra datas, quò minus etiam ab istis fusio proueniat inæqualiter. Alios etiam errores adnotauit Frontinus, in hæc verba. Calicis (inquit) appositio habet momentum. Nam si in rectum, & ad libellam sit collocatus: suum modum seruat. Et ad cursum aquæ, si oppositus, deuexatusq; fuerit: amplius rapit. Ad latus autem prætereuntis aquæ conuersus, & supinus, nec ad haustum pronus: segniter, exiguumq; sumit. Ad hæc igitur præcauenda, circa locandos calices obferuari iubet, vt ad lineam ordinentur, nec alterius fistulæ calix inferior, alterius superior statuatur. Inferior (inquit) plus trahit: superior minus ducit. Quia cursus aque ab inferiore rapitur. Talis autem ordinatio Frontini sicut inæqualitatem conceptus à calicibus auferit: ita & eam quam de fistulis prouenire iam supra docui nihil emendat. Sunt & aliæ præter has erroris causæ, quas idem commemorat. Afferens omnem aquam quoties ex erogatorio veniens, intra breue spatium in castellum cadit, non tantum respondere modulo suo, sed etiam exuperare. Quoties verò ex humiliore, id est ex minore pressura longius ducitur, segnitia ductus, modum quoque deperdere. Ideo secundum hanc rationem (inquit) aut oneranda esset erogatio, aut releuanda. Hic igitur manifestè fatetur author, quinariarum modulos variari, & adiectione, vel detractione corrigendos. Sed quatenus, vel quomodo, nihil docet. Vnde fit remedium ipso confusus errore. Hoc insuper addidit author. Si fuerit ad ductuum capita vis aquæ rapacior, vt ex largo, & celeri flumine excepta, velocitate ipsa modum ampliat. Ego autem & aliam erroris causam inueni, de qua Frontinus alloquin acutus homo, ne leuiter quidem suspicatur, quàmuis errorem ipse videat. Cum enim ad capita ductuum per alueos struiles exciperetur aqua, ex ipsorum latitudine luminis, atque profundo, conceptionis modus quinariarum numero statuebatur, sicut in Appia dictum fuit. Cuius dimensio pedum quadratorum octo & dodrantis efficiebat quinarijs, vt iam dixi, mille octingentas viginti quatuor, cum triginta duabus quinquagesimis.


quagesimis quintis. Sed huiusmodi productum, quāuis areæ canalīs ex vero respon-
deat; maiori tamen semper multitudine quīnarias dabit erogatio, quā ex leuissimis
partitione colligantur. & huius rei causa est. Quoniam cū aquæ multitudo magna
vno riuo ducitur, ipsa se sui copia, & quasi pondere, ad celeritatem magis procrudit,
quā cū eadem positione, per exiguam fistulam deriuatur. Et sicut velocitas mo-
dum ampliatur: sic & tarditas minuit. Necesse est igitur grādiōres ductus pluribus sem-
per quīnarijs, quā pro ratione luminis erogari. Vnde cū in principalibus com-
mentarijs Frontinus inueniret aquarum conceptionem, in vniuerso facere quīnarias
1275. Erogationem verò, quīnarias 14018: plus scilicet in distributione, quā in acce-
pto, quīnarijs mille ducentum sexaginta tribus: talis excessus causam non intelligens
nihil aliud hoc esse putauit, quā errorem eorum, qui ab initio parum diligēter æsti-
mationem aquarum fecerāt. Ipse igitur capita ductuum metiri voluit, vbi circiter qui-
narijs decem millibus amplio-rem, quā in commentarijs modum inuenit. Ego au-
tem, sicut non negauerim aliquid falsi circa mensuras accidere potuisse: ita vix con-
cedam, vt ad decem quīnariarum millia processerit error. Sed credo potius, in eo deci-
pi Frontinum, quòd in constitutione quīnariarū ab ea moduli ratione discedit, quā
à Vitruuio, & plumbarijs institutam esse fateretur. Et aliam paulò minorem ipse per-
scribit: sicut iam supra recitauī. Fit autē maximè probabile, modulos aquarum com-
mentarijs ascriptos circa Vitruuij tempora, qui Frontinum lōgè præcessit, ipsius Vi-
truuij quīnarijs respondere. Frontinus autem suis quīnarijs, hoc est minoribus du-
ctuum podisinos recensuit. Fuit ergo necesse in cisdem canalium mensuris, minores
quīnarias numero superare maiores. Quare Frontinus mensores ante se non rectè
damnauit erroris. Ex superioribus itaque satis videor ostendisse, quā multipliciter
fallax, neque sibi constans fuerit apud antiquos fluentis aquæ dimensio. Quod cū
ex parte magna cognoscerent: nullum tamen remedium vniuersaliter in re tantī mo-
menti, homines docti, & ingenio perspicaces excogitare potuerunt. Cuius admira-
tio rei, tum & inuentionis amor non mediocriter me ad scrutandum incitauit, qua-
nam emendationis via, inueteratis vitij occurrī posset. Multa igitur scrupulosè mihi
diuque cogitanti, illa tandem subiit animus cogitatio: vt quemadmodum tempus
ipsū aqua stillante metitur: sic & fluentis aquæ modū mensura tēporis, veluti mu-
tua posse constitui. Quod dico fiet ita. Deformetur vrceus ex materia qualibet, vel
potius ex ære malleato, alicuius dimensionis notæ, vt puta, pedum quinque cubico-
rum. Habeatur item clepsydra, horarium tempus etiā particulatim ostendens, qui-
bus præparatis facies, vt eodem momento, & ea quæ metitur aqua in vrceum subie-
ctum defluere, & clepsydra stillare incipiat. Vase autem ad summa labra repleto, aut
si mauis ter, quater, pluriesve depleto, ex totius aquæ cubis, profluuijque tempore,
nomen aliquod mensuræ constitues. Quod numero multiplicatum vniuersale fiet
in cæteris. Exempli gratia. Ponatur, vt quadrantis horæ curriculo, vrceum quater sa-
liens aqua repleuerit: fiunt in corpus cubici pedes viginti. Et tale demensum vocetur
quīnaria. Cū igitur tempore iam dicto, aliqua fistula compleuerit vrceos octo, seu
duplo minore tempore vrceos quatuor: vtroque modo duas quīnarias perficiet. Et
ita deinceps. Nec erit operosum fistularum lumina ad rationem constitutam modu-

lari: si modò paululùm fiant laxiores quàm debeant. Paruulo siquidem obthura-
 mento, & experimentis aliquot, ad destinatum modum facilè temperabuntur. Cæ-
 terum si fuerit abundantior aqua, quàm vt mobili vase concipi sit expeditum, deriue-
 tur in fossam, creta, siue glarea constiparam diligēter, ne facilè combibat humorem.
 Cuius forma si fuerit rectangula, directisq; ad perpēdiculum marginibus, fundoque
 librato, patēs in longum pedes ducentos, in latum verò pedes centū; & in eam
 fluentis aquæ riuus quadrātis horæ spatio, altitudinē aquæ fecerit, ad pe-
 des quinque. Dicemus totius aquæ solidum, efficere pedum cubico-
 rum millia cētum. Quare & ex institutione nostra, quinariarū
 millia quinque. His itaque rationibus, & exemplis (ni fal-
 lor) & antiquorum error manifestus, & emendatio
 probabilis erit. Et ita ad fluentis aquæ mensu-
ram. se nostrum habet inuentum.



7

IO. BVTEONIS EMENDATIO
FIGVRATIONIS ORGANI A COLUMELLA
DESCRIPTI, QVOD CICONIAM
RVSTICI VOCANT.




V^M inter legendum opus Columellæ de re rustica, in locum incidissem, vbi rationem culturæ tractat agrorum: eam, quæ pastinatio dicitur, animaduerti formam illam instrumenti, quam dicunt ciconiam, non esse depictam legitimè. Quisquis enim fuerit author figuræ, nec vsum rei, nec pastinationis modum, nec Columellæ verba deniq; satis intellexit. Sicut statim perspiciet, quisquis illa mecum attentius paulò scrutabitur. Sic enim habent. Primum autem prædicti operis exordium est, non vt huius temporis pleriq; faciunt agricolæ, sulcum paulatim exaltare, & ita secundo, vel tertio gradu peruenire ad destinatam pastinationis altitudinē. Sed protinus æqualiter linea posita, rectis lateribus perpetuam fossam educere, & post tergum motam humum componere, atq; tantum deprimere donec altitudinis mensuram datam cœperit. Tunc per omne spatium gradus æqualiter mouenda linea est, obtinendumq; vt eadem latitudo in imo reddatur, quæ cœpta est in summo. Opus est autem perito, ac vigilante exactore qui ripam erigi iubeat, sulcumq; vacuari, ac totum spatium crudi soli cum emota iam terra committi, sicut præcepi superiore libro, cum arandi rationem traderem: monendo necubi scamna omittantur, & quod est durum summis glebis obtegatur. Sed huic operi exigendo, quasi quandam machinam commenti maiores nostri regulam fabricarunt, in cuius latere virgula prominens ad eam altitudinem, qua deprimi sulcum oportet, contingit summam ripæ partem. Id genus mensuræ ciconiam vo-

cant rustici


cant rustici. Sed ea quoque fraudem recipit. Quoniam plurimum inter est, utrum eam pronam, an rectam ponas. Nos itaque huic machinae quasdam partes adiecit, quae contententium litem, disputationemque dirimerent. Nam duas regulas eius latitudinis qua pastinator sulcum facturum est, in speciem graecae litterae X decussauimus. Atque ita mediae parti, qua regulae committuntur, antiquam illam ciconiam infiximus, ut tanquam suppositae basi ad perpendicularum normata insisteret. Deinde transversae, quae est in latere virgulae, fabrilem libellam supposuimus. Sic compositum organum cum in sulcum demissum est, litem domini, & conductoris sine iniuria deducit. Nam stella quam diximus graecae litterae faciem obtinere, pariter imae fossae solum metitur, atque per librat: quia siue pronum, siue resupinum est, positione machinae deprehenditur. Quippe praedictae virgulae superposita libella alterutrum ostendit, nec patitur exactorem operis decipi. Sic per mensuram, & per libratum opus, in similitudinem veruacti semper procedit, tantumque spatii linea pro motu occupatur, quantum effossus sulcus longitudinis ac latitudinis obtinet. Atque id genus praeparandi soli probatissimum est.

Haecenus Columella pastinationis formam, operis ordinem, mensurae modum, & instrumentum graphicè descripsit. Cuius fabrica praescriptum operis subsequi debet, in hunc modum. Esto defodiendi sulci data latitudo pedum quatuor, altitudo autem dimidio minor. Doletur regula in latitudinem trium, quatuorve digitorum, crassitudine tali, ut facile flecti nequeat. Cuius longitudo ad pedes resecta quatuor sit BA. & in alterutro regulae capite B vel A, coagmentetur ad normam virgula tenuis, sic tamen ut firmitati sufficiat. Cuius virgulae longitudo, addita crassitudine regulae, rescindatur ad duos pedes, sitque BM. Sic igitur compositum organon ABM, ciconiae nomen apud rusticos obtinuit. Videbatur enim regulam BA esse veluti columam auis, quod habet ipsa prolixius: & virgulam BM, prominentis rostri faciem habere. Vfus autem mensurae sic erat. Regula BA in sulcum demissa iacebat, rectos faciens angulos cum plano ripae, cuius summum labrum secundum lineam extensam si virgula BM contingeret, aliam quam in termino M non iustam altitudinem arguebat: sicut & regula BA latitudinem, si tota non reciperetur. Sed quoniam huiusmodi positio machinae fraudem recipiebat, fecit author additamentum, cuius haec erit ichnographia. Sit linea D longa pedes quatuor, ex qua descripto quadrato DFGH, agantur diametri DG & FH, sese decussantes in signo K: & agatur in unum quadrati latus cathetos KL. Compactis igitur regulis secundum positionem, longitudinemque diametrorum DG & FH, facta erit ex praescripto basis in speciem graecae


FIGVRATIONIS




græcæ literæ X. Regula autem B A decurtata ad duos pedes, instructaque perpen-
diculo figenda erit in decussi regularum, sic vt recta sit ad basim D F G H. Et hoc
est quod dicitur. Vt basi suppositæ ad perpendiculum normata insistat.
Et in termino virgulę punctus M ipsi signo L rectè superster. Videtur autem in au-
thoris descriptione dictio, superposita, mēdosè scribi, & reponendum, supposita.
Nam paulò suprà dixerat, Transuersa quæ est in lateræ virgulæ fabrilem
libellam supposuimus. Sic igitur cōstructum organon, & in fossam demissum,
si punctus M contingat summum marginis angulū, & perpēdiculum congruit, exa-
ctum opus probabit,
sine fraude. Isti orū sce-
nographiā apposui si-
gnatā N P, vt etiā ocu-
lorum sensu percipian-
tur. Adieci præterea il-
lam quā habent exem-
plaria Columellę pseu-
dographiam ciconiæ
C, & H O. Quæ cūm
sit in speciem deforma-
ta literæ T, quid habet
cū ciconia simile? nec
est etiā ad exigendum
opus habilis hac for-



ma. Et talem rustici vocassent terebrā, aut crucem, aut quidvis
certè potius quàm ciconiam. Nec alioqui literæ similitudinem
tam opportunā tacuisset author in descriptione, si vera fuisset,
sicut & græcæ literæ comparationem non omisit in basi. Quod
insuper additamenti figuratio sit etiam falsa, res apparet. Fuit e-
nim consequens, ut qui formam simplicem non intellexit, com-
positam multo magis ignoraret. In hunc autem ludere tetrasti-
co placuit.



Quisquis in hac forma te falsa ciconia pinxit
Rusticus, atque parum rusticus ille fuit.
Verba nec authoris norat, nec vitibus vnquam
Sulcum pangendis viderat is fieri.



Ex istis itaque satis mihi videor errorem hunc emendasse publi-
cum, veram atque falsam organi constructionē demonstrando.
Io. Buteoni.

IO. BUTEONIS DE LI- BRA, ET STATERA, LIBELLVS.

* *
*




AR TIS ingeniiq; vigor organicis rationibus ad vitam vtiliter multa suppeditauit. Quæ modicis primùm inicijs orta, ad admirationē vsq; processerunt: vt in his non subtilitas minor, quàm vtilitas spectetur. Id genus autem sunt trutinæ, quæ & stateræ dicuntur, librarum similitudinem proximè referentes, sed operis commoditate potiores. In libra enim nullus est vsus, nisi paria semper pondera pensionibus habeantur. Quorum apparatus, atq; tractatio, in grandioribus præsertim, operosior est, atq; molestior. In stateris autem illud est mirum præcipuè, quòd appensiones tum minores, tum maiores vnico pondere tantùm, discretionē sola punctorum examinantur. Quæ super altera scapi longiore parte, spatijs æqualibus inter se collocata, quò longiore serie procedunt, eò magis in pondera valent. Ita, vt in quibusdam libratio, ad quadringenta, & eo amplius pondo perueniat. Factum est igitur tam opportuno pensitandi cõpendio: vt sit stateræ, quam libræ frequentior vsus. Nisi quod in appensionibus minutis & preciosis libra potius vtimur. De cuius constitutione cum sit in aperto, vulgoq; notissima tractare superfluum puto. De stateris autem, quarum est intelligentia subtilior, quonammodo ad exactissimam amplissimamq; ponderum rationem fieri possint commentationem breuiter instituiam. Vbi multa meis inuentis, veteribus adiecta monstrabo.

Statera quo modo fiat.



LI B R A vocabulum est ponderis, quod aliàs indeclinata voce dicitur pondo. Est etiam organi nomen, quo pondus ignotum examinatur. Sed additamento numeri, discernitur à significatione prior. Dicimus enim tres, quatuor, vel quinque libras: cum tria, quatuor, vel quinque pondo significamus. Fiunt autem stateræ maiores, & minores, prout maiori, vel minori ponderum numero destinantur. Sed nunc stateræ mediocris symmetrias ostendam, quæ ab vno libræ quadrante ad quantamuis librarum multitudinem exactè procedat. Erit igitur deformatio talis. Fabricetur ex ferro regula tetragona beffali crassitudine digiti, longa duos pedes, caput habens insuper ab ipsius extremo crescens in pyramida leniter paulò minus semipede

mipede longam. Cuius in vertice latera rectanguli diagonios ex regula fecet æqualiter. Et ad ipsam capitis cum regula commissuram infigatur axis. Et tam in axem, quàm regulæ cacumē lingula pros orthas erigatur. Post hæc ansa, siue dicatur agina, qualis est in libra, inditur axi. Et in aginam supernè fibula versatilis, vnde suspendatur scapus, quod etiā librile vocatur. Alter item axis in extremo capite finietur, priori parallelus, & ab eo distans quāta fuerit quintę partis in regula longitudo, in quem voluitur ansa pendula cum vncino, excipiendis oneribus accommodato. Ad oppo-



situm etiā librilis extremū aptāus erit vncinus alter exiguus. Paretur deinde ferrea massa, quod æquipondium vocatur, ea temperatura, vti cū annulo (cuius nulla sit interioris peripheriæ latitudo) fuerit immissa regulę, proximè lingulam scapus suspensus, librata positione consistat. Quod indicabit lingula statim dum rectè stabit in ansa. Aliàs enim partem subsequitur inclinata grauiorem. Propter hoc, & æquamenti, & æquilibrii nomen accepit, quod æquabilem & perlibratam staterę faciem ostendat. Ad hæc preparandum erit libræ pondus vnum, & item plura separatim, siue coniunctim, examinatione diligenti, vt sint æqualia lingula singulis, & eadem multitudine plura pluribus. His ita dispositis suspendatur statera per fibulā, & sit annulus æquipondij proximè lingulam. Erit itaque secundū constructionis præscriptum, talis collocatio perlibrata. Appendatur vncino grādiōri libræ pondus. Egre dietur propter hoc lingula perpendiculum aginę, & inclinatio fiet in caput. Reducatur æquipondium sensim, donec iterū fiat examinatio librata, & vbi erit annuli contactus in angulo regulę, quod est cacumen: ibi punctus acuto stilo notetur. Applicato rursum pondere bilibri, signetur æquilibrii locus. Deinde spatium id, quod est inter duo

ter duo signa, si transferatur æqualiter, & in continuum, per totum regulæ cacumen siue dorsum vocetur vnusquisq; punctus in ordine; talium totidem librarum pondus ostendet, qualium sunt hæc, quibus est examen à principio factum. Tutius tamen erit, & errori minus obnoxium, huiusmodi signa suis pensionibus examinare sedulo. Quibus emēdatē dispositis, scalpenda sunt tenui lima, singula lineis vtrinque descendantibus ab angulo rectē in duo contigua regulæ plana. Et ipse decades decussi notandæ, interstitia quoque singula tribus inciluris in quatuor partes inuicem æquales diuidenda. Quarum mediæ selibras, aliæ quadrantes indicabunt. Et ita se habet deformatio stateræ quam institui. Cuius examen ab vno quadrante ad triginta pondo aliarum vulgato more procedit. Nunc autem quemadmodū & vltra quantumlibet ad grauiora progrediatur ostendam. Esto datum pondus aliquod grauius pondo triginta, examinādum statera nostra. Fiat primū cuiuslibet alterius ponderis appensio leuior, vt pote librarum viginti, eaq; ex vncino maiore transferatur in minorem, & datum pondus in maiori collocetur, æquipondioque extra signa iuxta lingulam stante, æquilibris trutrina consistat. Dico datum onus pondere libras centum. Quoniam enim in librilī longitudo regulæ, ad longitudinem capitis inter duos axes est quincupla; ita & grauius onus in ansa pensili, ad oppositum leuius grauitate quincuplum esse oportet. Cū sit igitur leuius librarum viginti: erit grauius quinquies viginti, hoc est, centum librarum. Hoc autem demonstrauit Iordanus in libello de ponderibus, ita proponens. Si fuerint brachia libræ proportionalia ponderibus appensorum, ita vt in breuiori grauius appēdatur; æque graua erunt secundū situm.

Rursum applicetur aliquid oneris ad grauius pondus, cæteris immotis præter æquipondium quod in prima decadis incisura cōsistens æquilibrium faciat: tunc manifestum est appendicem huiusmodi libras pendere decem, & totum esse librarum centum decem. Quæquidem si cum alijs viginti, hoc est centum triginta simul in vncino minore stauantur: & iterum pōdus aliud ex opposito constitutum, æquipondio in decade secunda collocato, æquilibrium fecerit. Iterum dico onus ipsum à capite quinquies alterum pendit, & insuper pondo viginti: quod fit in summam, pondo sexcentum septuaginta. Et sic in huiusce modulationis statera, translatio ponderis ab extremo breuiori in longius, appensionis ex ipso rationem quincuplō semper adauget: præter id quod ex æquipondio super accedit. Si autem symmetrijs quales sunt præscriptæ stantibus, ex hoc fiat mutatio tātū, vt sit in organo regula sexquiplum vel octuplum eius spatij, quod est inter duos axes, semper ad rationem positam translationis augmentum exactē procedet. Quod cū hucusque fuerit ignotum: qui stateras vulgares fabricant, ad huius incrementi subsidium, aginam alteram ex aduerso constituunt, semidigito, vel ad summum digito ab ansa pendula distantem: & item alia pensionum signa prioribus opposita scalpunt. Eò tamen plura, quò crebriora disponi res ipsa compellit. Et sic vno scapo, & æquipondio duas veluti stateras in uersione sola conficiunt. Quarum posterior, quam fortiolem vocant maiori ponderum numero, ad quem non peruenit altera deseruit, sed non tam exactē, propterea quòd ipsa duo scapi brachia nimia longitudinis inter se differentia distant, vnde fit motus ab appensi parte durior, & æquilibrium morosius constat. Nam & Aristoteles in

Mechanicis ostendit, modicam etiam brachiorum inæqualitatem in libra, impedimento fieri, quominus ad exactum modum pensiones intelligantur. Ac proinde quibus trutinandæ purpuræ quæstus est, hoc inæqualitatis commentum, ad imposturam abuti in qua detegenda (vt hoc obiter ostēdam) iubendum erit mercedem ex vna lance transponi in alteram. Tunc enim fraus ipsa manifestò prodetur indicio. Si cui tamen vetus institutio placet; nihil impedit, cum vacet locus, & hæc etiā in statera nostra cōstitui. Sed quò fiat exactius, ita modulandum, vt axis istius aginæ secundæ, inter duos reliquos medius, æqualiter, & rectè consistat: sicque fiet, vt pars scapi longior sit decuplum breuioris. Quare & inuersione facta, translatum pondus decuplò tantò rependet, quanti prius erat appensum.


Alios insuper modos excogitauī, quibus & statera quælibet ad ampliorē multo, quam sit incisa modū possit extrēdi. Esto statera quælibet alymmetros, in qua sit necesse pōdus aliquod examinare grauius, quàm admittat notatio scapi. Fiat alia primū appensio vtcunq; puta librarum quatuor & viginti: & æquilibrium manente, statuatur appendix cuiuslibet ponderis ad extremum scapi, funiculo suspensa. Quæquidem inclinationem ad se faciet. Reducatur æquipondium, donec in æquilibri signo cōsistat: quod ponamus esse pondo quatuor. Appendix igitur in suo loco libramentum habet ad pondo viginti. Applicetur vncino datum pondus, æquipondioque ex nota pondo quadraginta signante, fiat æquilibrium. Tunc dico datum pōdus, ab æquipondio libras pendere quadraginta, & ab appendice viginti, hoc est in totum sexaginta. Si autem duplicetur appendix in suo situ, duplicabuntur & libræ viginti, quas ab vncino rependit. Et ita deinceps quantum quisque velit, ratione seruata progredietur augmentum.

Aliud præterea genus incrementi fieri poterit in stateris quibuscunq; hoc modo. Paretur massa quælibet æquè grauis æquipondio, pensilis vncino instar annuli. Cuius æqualitatem cum æquipondio sic inuestigabis. Statera in æquilibrio stante, notetur æquipondij locus, quem nunc ponamus esse signum pondo viginti. Et alligetur æquipondio massa, annulumq; reducendo caput versus, tentetur æquilibrium, quod si consistat in nota decem pondo, inuenta erit æqualitas quæ sita. Si autem citrà, vel vltrà steterit: adiectione, vel detractioe temperandum erit. Quæ si prout est æquipondio iuncta pensionem fecerit: omnia scapi signa valore duplicabit: hoc est, ex se libri faciet libræ, & ex libræ bilibre. Si verò talis massa separatim vncino suo suspendatur in regula: tunc ipsius notæ, cum æquipondij notis vnà iunctæ, pēlionis numerum indicabunt. Et generaliter, quotquot simul æquipondij inuicem æqualibus trutinatio fiet, tot singulorum puncta collectim, appensi grauitatem ostendent: inter quos si fuerit vnum alterius quadruplum: ex suis quadrantalibus signis libras singulatim efficiet.

Quæ super statarum addimentis hucusque descripsi, ad ponderationis augmentum eatenus valent, quatenus aginæ firmitas sufficere possit. Nunc autem & alia subiiciam, quibus etiā vltra trutinæ robur, onera pensentur. Sublica doletur in quadrum siue rotundum æqualiter, ea crassitudine quæ sufficiat oneri ferundo, terebraris, atque conclusis lamina ferrea capitibus. Et per terebrationes trahciatur funis, seu transversaria, vnde suspendium fiat vtrinque sublicij. Quod quò longius erit, eò subseruiet facilius vsui nostro. Rationem enim vectis obseruat.

Sed nunc

Sed nunc ponatur esse inter duo foramina longitudine pedum quatuor & viginti. Quod totum spatiū quoruīs portionibus æquis inter se notetur, vt pote duodecim. Sic igitur vecte parato, & ad libellam suspenso, ita vt caput alterum catena pensili, siue fultura teneatur: alterū autem vncino statere. Ponamus indicium in scapo fieri librarū sexaginta. Hoc igitur erit dimidiatum publicæ pondus. Nam alteram ex æquo partem sustinet catena. Esto nunc propositum fufuram aliquam æris appendere, cuius




non sit onus aginæ committendum. Alligetur ipsum æs in diuisione prima publici propè catenam: vnde duo velut ipsius brachia fient, alterum vndecies altero maius. Et caput alterum vncino statere subleuetur, situ librato. Sciendum est autem in appensionibus istis, sicut onus alligatum duabus vtrinque partibus sustinetur, catenæ scilicet, & stateræ: ita & ipsius gravitatem in duas veluti diuidi partes. Quæ quidem semper duobus ipsis publicæ brachijs sunt proportionales: ita tamen vt partem maiorem brachium minus, & minorem maius sustineat. Sit igitur exempli causa nunc, vt brachium maius, hoc est statera demonstret libras ducentum sexaginta. Ad inuestigatio

nem hanc detrahe primum ab indicatura 260 dimidiatū publicæ pondus 60, restant librarum ducentum, quæ pars est ponderis minor, quā appendit brachium maius. Quod cum sit vndecies altero longius; pars ponderis maior adhuc ignota vndecies minorem iam inuentam in se continet. Multiplicabis itaque libras ducentum ad numerum vndecim; fientque librarum duo millia ducentæ. Adde ducentas, fit æris appensi vna cum vinculis summa pondo duo millia quadringenta. Quam quærebat. Fac rursus aliud corpus ex diuisione secunda pendulum iuxta catenam, & indicium trutinæ fieri libras tercentū quadraginta. Aufer sexaginta; restant ducentæ octoginta. Et quoniam brachium publicæ minus, raliū est 2 qualiū maius est 10. Dispone regulā. Si 2 esset 10, quid librarum 280? Operare multiplicando 280 in 10; fit 2800. Partire in 2, prouenit 1400, adde 280, fit corporis appensi grauitas pondo mille sexcentum octoginta. Quod si ex diuisione quarta penderet; tunc demonstraret statera pondo 620, vnde sublatis 60 restat 560. Dispone regulam. Si 4 esset 8, quid 560? Operare multiplicans 560 in 8, & productū 4480 partiens in 4, prouenietque 1120; adde 560; fit summa sicut prius pondo 1680. Si autem & ex medio publicæ penderet onus; indicatio dimidium totius haberet. Et ita semper rationum similitudo dicta procedit. Neque tamen fieri debet alligatio ultra dimidium vestis à catena. Sic enim pars ponderis maior in stateram recumberet. Veluti si corpus iam dictum ab octaua diuisione pensaretur. Tunc statera libras indicaret 1120; vnde sublatis 60, residuum esset 1120. Et dispositio regulæ fieret ita. Si 8 esset 4, quid 1120? & reliqua sicut ante monstrauī. Pensionis huius rationem experimento facili capies hoc modo. Suspende baculum duabus hinc inde stateris, situ librato, in cuius medio, si pondus aliquod notum constiterit, ut pote librarum duo decim; videbis in vtraque statera pondo sex indicari, cum dimidiato pondere ligni. Et si in quadrante baculi steterit pondus; statera prior dodrantem, altera quadrantē sustinebit. Alterū enim ex vncinis catenæ vicem præstat. Hæc autē inuentio publicæ non solum ad pensionis valet augmentum, sed vsum insuper ad onera tractanda facilem præbet. Porro autem constat ex supradictis, vnum aliquod onus pluribus stateris posse simul examinari. Eo enim quotlibet funibus ad totidem stateras suspensio; omnes simul pensionem totam indicabunt, retinaculorum tamen grauitate semper adempta.

Sed accidit aliquando ea quæ sunt in vfu sacrorum æramenta sonantia pensari. Quæ si fuerint collosæ; erit alio genere quàm publica machinandum, vel hoc qui sequitur modo. Expediatur tignum grandius, instar mali naualis, ad cuius calcem axes duo ferrei quadrantes semicirculi curuatura, ne, tignum perforetur, spatio quatuor inter se pedum disponantur, clauis aliquot validè conclusi, ne suo se loco dimoueāt. Eritque talis deformatio tigni, veluti stateræ scapus grandioris. Sed aginæ loco duobus hinc inde fulcimentis, trabali pedamento conclusis, feratisque lamina transversa capitibus sustinebitur axis. Ex quo ad summitatem vsque tigni longitudo ponatur esse pedum quadraginta octo, vbi per circulum ferreum, vtrinque perforatum transciatur sesquidigitali crassitudine clauus, vel annulus ad excipiendum pensilem arcam, quæ lapidum congestione æquipondij vicem præstabit. Sed ea ipsa prius examinata, ad mali calcem appendi debet, notisque ponderibus aggrauanda, donec per librato situ scapus ipse consistat. sintque talia pondera cum arca

simul

simul exempli causa, quatercentum sexaginta librarum, sic igitur statera parata, collosicum onus propositum ad axem qui est in calce mali quantum sit opus inclinati, firmiter religetur. Et ipsum æquipondium arcæ ad clauum, qui est in summo suspen datur, pensatisque lapidibus, alijs super alijs infarciatur arca, eousque dum alligata moles à terra subleuetur, situ scapi perlibrato. Et quoniam pars ipsius longior, quam fecimus esse pedum quadraginta octo, ad breuiorem duodecupla est longitudine, ita



& moles ad calcem suspensa, ad æquipondium erit duodecupla grauitate. Et insuper librarum quatercentum sexaginta, ad quas ipse scapus suo se pondere librat. Nunc igitur exempli causa ponamus ipsum æquipondium fuisse mille triginta pondo. Multiplica duodecies: fiunt duodecim millia trecentum sexaginta. Adde scapi libramen tum, quadringenta sexaginta: fit summa duodecim millia octingenta viginti pondo. Quod est pondus æramenti quæsitum. Ex his itaque rationem statarum & pensio nis amplissimæ formas, antehac ignotæ satis explicasse mihi videor.


Deponde

SSS

De ponderum intra se congruentium forma.



V'M SIT opus ad vsum libræ plura simul atq; disunctim pondera parari, vt sit eorum tractatio commodior, custodiaque facilis, ingenioso quidem inuēto talibus ex orichalco conoidibus formis absicilis instituuntur, quarum semper maior intra se duplo minorem aptè recipiens, & omnes simul in maximam congruentes vnum sit omnium veluti corpus in pyxide cōcretum. Vnde separatim, siue coniunctim prout exigit vsum in libræ lancem ad examina producantur. Quænam sit autem deformationis istius ratio patet ostendam. Quam nullus hucusq; scriptis quem viderim docuit. Cū alioquin non cuiuslibet etiam geometræ sit inuentum. Id autem postea videntur opifices experimentis & imitatione sequuti. Sit ergo propositum quotlibet ponderum intra se congruentium formas in ratione dupla continua delinire. Esto quælibet linea recta ba , in tres partes æqualiter diuisa quæ sint b, c, d, a . Et iterum diuisa linea Ba per æqualia in signo e . centro quidem e , spatio verò be , describatur circulus $bfa g$, & ex centro e agatur ipsi diametro pros orthas linea ef . Et in peripheria fa pauxillum extra f sumpto signo, agatur intra circulum linea recta $fc g$. Dico quatuor lineas b, c, cg, ca esse in ratione dupla cōtinuè proportionales inter se; ita vt sicut se habet b ad c ; ita c ad cg ; ita cg ad cf , & cf ad ca . Et quoniam quarta linea ca ad primam b dupla est, quatuor quælibet corpora similia, vt puta cubi, sphaeræ, conī, cylindri; ipsa inquam inter se corpora rationem duplam habebūt: ita vt corpus ex ca , sit duplum ad corpus ex cf . Et id quod ex cf duplum, ad id quod ex cg , & quod ex cg , ad id quod ex cb duplum. Hæc ego demonstraui in eo quem præmissi tractatu, ad problema cubi duplicandi. Is ita descriptis: ducatur linea recta HCA . Et vtræq; linearū HC , & CA ipsi c a ponatur æqualis. Et ex signo C agatur ipsi lineæ HA pros orthas CF , & ponatur ipsi CA æqualis CF , & per signū F ducatur ipsi lineæ HA parallelos KFc . Et ponatur vtræq; linearum Fc , & FK æqualis ei quæ est in circulo lineæ cf , & connectantur KH & cA . Et ipsæ lineæ HK & cA producantur ad partes F , donec coincident in puncto L . & producat CF in L . Itaq; si trigonum HAL intelligas esse corpus solidum super basi circuli cuius est HA diametros, id erit ex definitione quod dicitur conus: cuius est axis linea $CF L$. Fundatur ex orichalco segmentum conī quale est $KcHA$. Quod quidem torno poliatur vndiq; ita tamen vt detractioe facta, residuum semper relinquatur simile priori. Vt autem similitudo talis tornando seruetur, fiat ex lamina tenui norma non angulo recto qualis esse solet, sed acuto, & æquali angulo conī qui est sub cAH . Huiusmodi autem organon vocant artifices normam falsam, siue buuellū. Ad quam examinandum erit segmentum tornando frequenter, vt semper angulus basis organo congruat. Et quæ ex centro linea basis, qualis est CA relinquatur æqualis altitudini segmenti, sicut est CF æqualis ipsi CA . Sit igitur vt tale corpus, siue solidum dicatur, ita politum & appositum libræ lanci, æquilibrium faciat libris sexdecim, vnciarum totidem singulis more nostro. Erit igitur sic examinatum solidum KcH , veluti modulus, ad deformationes quotlibet ponderum in maius, &




minus quales diximus faciendas, in hunc qui sequitur modum. Abscindatur ex axe FL ipsi FK æqualis pars FI, & per signum I agatur ipsi KFc parallelos QIG. Et similiter ex axe LI abscindatur lineæ IG æqualis IB, & per signum B agatur ipsi QIG parallelos PBN. Et eodem modo actis ipsi PBN parallelis YRV, ZSO, DTX, hoc est, ut sit æqualis RB ipsi BH, & SR ipsi RV, & TS ipsi SO æqualis. Quoniam igitur in triangulo LC A lineæ Fc basi CA est parallelus, duo anguli qui sunt ad F, & c sunt æquales alter alteri, & opposito, his qui sunt supra basim ad C & A. Est autem angulus ad L communis. Duo igitur trianguli LC A, & LFc sunt similes. Quare si-

cut LC ad CA; ita Lf ad Fc. Similiter etiam demonstrabitur de triangulis LFc,

1 3 LIG,

LIG, LBN, LRV, LSO, LTX, quod inter se sunt similes. Et eodem modo in sextriangulis ex altera parte contiguīs, & oppositis demonstratio similitudinū inter se procedet. Itē in cōiunctis trigonis similiter. scilicet q̄ triagulus LHA, sit similis triagulo LKc, & triagulus LKc, triagulo LQG similis. Et idē in quatuor reliquis. Quare sicut axis LC ad basim diametrū HA: ita LF ad Kc, & sicut LF. ad Kc: ita LI ad QG, & etiā LB ad PN. Quare sicut HA ad Kc: ita Kc ad QG. & etiam QG ad PN. Ipse igitur quatuor lineæ HA, Kc, QG, PN sunt inter se proportionales continuē. Et ipsarum etiam dimidia. Et quoniam posita fuit linea CA, ei quæ est in circulo lineæ ca æqualis, & Fc ipsi etiam fc æqualis, erunt duæ lineæ IG, & BH, duabus cg & bc altera alteri æquales. Et sicut CA ipsius BH est dupla: ita & HA ipsius PN dupla, & eodē modo linea Kc quartæ lineæ YV dupla. Et ita deinceps in reliquis parallelis duplicatio duabus intermissis constabit. Cum itaq; quatuor lineæ HA, Kc, QG, PN, sint continuē proportionales, & prima HA ad quartā PN sit dupla, conus igitur LHA, coni LKc duplus est. Quare vtrinq; sublato communi cono LQG, segmentum KcHA, segmenti QGKc duplum erit. Et eodem modo reliqua coni segmenta rationem inter se dupli continuabunt. Hoc est QGKc, duplum erit PNQG. Et ipsum PNQG ipsius YV PN duplum. Et in reliquis segmentis similiter, eadem dupli continuas perseverabit. Sed positum fuit ex oricalcho solidum KcHA pendere libras sexdecim. Igitur solidum QGKc pendebit libras octo, & PNQG libras quatuor, & YV PN duas, & id quod proximē sequitur vnam. Itaq; si solidum QGKc auferatur ex solido KcHA excauabitur quale positum est hic vasculum primum HKcA pondere librarum octo. Et rursus auferendo solidum PNQG ex solido QGKc relinquetur vasculum secundum, librarum quatuor. Item sublato solido YV PN ex solido PNQG, & solido ZOYV ex solido YV PN, & DXZO ex ZOYV, tria sese vascula mutuo detracta cauabunt, tertium quidem pondus habens libras duas, quartum vnam, quintum selibram, & id quod intra quintum est solidum p̄debit etiam, si relinquantur ita, selibram. Et sic ponderum sex formas duplæ rationis inuicem, & intra se congruētes habemus. Quarum est vnaquæq; sua grauitate, omnibus simul quæ sequuntur æqualis. Quod si totidem alias intra solidum sextum collocare proponas: tunc more iam satis dicto, ad segmenta coni procedens vascula designabis, qualia iam facta sunt. Sed cum vasculum sextum sit pondus selibræ, hoc est vnciarum octo, secundum erit quatuor, tertium duarum, quartum vnus, quintum semuncia, sextum autem si solidum relinquantur, etiam semunciæ pondus æquabit. Et ita deinceps ad coni verticem sectiones continuando ad pōduscula subduplæ rationis fiet progressus. Si autem ad maiora sit veniendum: ita facies. Producat axis LC sub basi HCA ad φ, ita vt linea Cφ sit dupla lineæ BL, & per signum φ agatur ipsi HCA parallelus ψφω, & productis lineis KH, & cA compleatur segmentum HA ψφω. Dico solidum istud segmentum HA ψφω esse duplum solidi KcHA. Nam secundum prius demonstrata, quoniam linea Cφ dupla est lineæ BL: ipsa linea ψφω dupla est lineæ QG. Quare quatuor lineæ ψφ, HA, Kc, QG cum sint continuē proportionales, & prima sit ad quartam dupla, solidum HA ψφω solidi KcHA duplum erit.

Sublato.



Sublato igitur solido KCHA pondo 16, ex solido HA ψω pondo 32; residuum fit
 et vasculum pondo 16. Et ita semper conum dilatando, duplicatio ponderū crescit.
 Ut autem deformata iam vascula intra pyxidem (vt fieri solet) concludantur; ipsam
 pyxidem ex vasculo HA ψω perficies; cui cum addatur operculum cum ansula, ra-
 dendum erit ab exteriori crassitudine torno paulatim, donec ipsa per se ad omnia si-
 mul decem vascula, hoc est ad pondo 16 æquilibrium perficiat. Et sic omnia intra py-
 xidem vascula vnum constituent veluti solidum, & exemptile corpus pondo 32. Ex
 his igitur pater, quemadmodum quotlibet ponderum intra se congruenti-
 um formas in ratione dupla continua deliniemus. Quod erat proposi-
 tum. Ex hac insuper pyxide nostra ad examen grauius, quam
 possit ipsa sola, peruenimus hoc modo. Sit in libra pon-
 dus aliquod pyxidem eleuans, addantur ad partem
 elatam cuiuslibet rei pondera donec æquili-
 brium fiat. Et post hæc addititia pon-
 dera vasculis examinentur quo-
 ties opus erit. Hæc
 habui quæ super li-
 bra, & state-
 ra, partim noua, partim
 vetera tracta-
 rem.

IO. BVTEONIS DE PRE-
CIO MARGARITARVM.
LIBELLVS.



OS OMNIS margaritarum (autore Plinio) qui & vniones dicuntur, in candore, magnitudine, orbe, lae- uore, pondere consistit. Indicus maximè has mittit ocea- nus. Quæ principium, atq; culmen omnium rerum pre- cij quondam tenuerunt, quod institores ponderibus hoc tempore finiunt, ceratijs exprimentes. Sed more quodam peculiarij, nec aliàs vsquam mercimonijs vsur- pato. Refert enim Budæus libro ii. de asse, percunctan- do gemmarium quendam primi nominis, se comperi s- se margaritam suis constantem dotibus, pondere cera- tiorum quatuor, aureis taxari triginta, octonariam ve- rò pari bonitate aureis ducentis. Cùm vltcrius (inquit) rogitando per accessiones pergerem, ita respondit, vt intelligerem accessionem pretij deinceps ex pondere, non numero, sed proportionem fieri. Vt quomodo duplicando pondere supradictò, octo- naria margarita paulominus septuplex quaternariæ æstimatione facta esset, sic in duodenaria, & vicensaria, & vltcrioribus maiore deinceps, maioreq; sursum versus incremêto precium augesceret. Et ita Budæus rem obscuram, atq; multiplicem vno solum tetigit exêplo, nullum vltra pretium secundùm pondera faciès. Quod vnum restabat, vt manifestò teneret in datæ rationis progressu nihil vltra principia cogno- scere. Nam quod ait accessionem pretij non numero, sed proportionem fieri, Id obscu- rè nimis, & implicitè dictum, si non ostendatur exemplis. Quæ autem à gemmarijs accepisse postea refert, vnde rationem suam iniri posse putauit, id longè secus euenire suis locis indicabo. Cæterum, cùm super hoc diligentius inq. uirerem, gemmarios eti- am inueni paucis quibusdam exemplis subindicare rem, magis quàm intelligere, & à vero plurimùm longius errare. In hoc tamen conueniunt, vt ad duplicatum gem- mæ pondus precium extendant, nō paulominus septuplo more Budæi, sed quincup- lo tantùm. Quod & Lucas Pacciolus, Stephanus Lugdunēsis, aliq; logistici sequun- tur. Istorum igitur æstimatione recepta, ponamus margaritam primæ notæ, penden- tem ceratia duo aureis quinq; mercari. Aliam verò eiusdem notæ ceratiorum quatu- or, quincuplo pluris, hoc est aureis viginti quinq;. Quæro, secūdum hanc incremen- ti formulam quanti debeat vendi margarita pendens ceratia octo: pari bonitate cum cæteris, quod semper intelligo. Ad hoc autem si quis via logistica procedat, vt fieri solet in mercimonijs aliàs semper, regulam ita disponens. Si ceratia 4. valent aureis 20, quid ceratia 8. inueniet operando aureos quinquaginta. Quod est pretium duplo, di- midioq; minis, quàm exigit formulæ ratio data. Quæ talis est, vt ad pondus ge- minatum, quincuplo pretium crescat. Quoniam igitur pondus 8, duplum est ad 4, ita & precium

& precii ipsius ad precium pōderis 4, quod est 25, quincuplex esse oportet. Ipsum igitur octonariæ margaritæ precii erit aureorū centū viginti quinq. Quod erat quæsitum. Patet itaq; ad inuestigationem hanc non esse communi regula procedendū, ex qua semper diuersi sequentur errores. Aliter igitur inuestigabis, disponens proportionem duplam cōtinuē à duobus ceratijs incipientem, ad quot libuerit terminos: sed satis erunt septem. Et quorum regione directio proportionem quincuplam ab aureorū quinq; principio totidem terminorū collocabis, sicut hic tabellā apposui. Ex qua statim erit in promptu vnionū valores cognoscere, quorum pondera cadunt in numeros dupla ratione digestos. Vt pote, ceratia sexdecim precium habere videbis aureos sexcētos viginti quinq; ceratia verò 32, aureos 3125. Et ita deinceps. Quorum ex prædictis demonstratio facillè patet. In alijs autem ponderibus, quæ sunt inter media tabulæ terminis, veluti sunt 35. 6. 7. 9. 12. 27. & similia, non sine difficultate, molestiaque procedit opus. Propterea quod istorum precia fere non cadunt in numeros, sed in latera numerorum, & quātitates alias, quæ dicuntur irrationales, quarum explicatio semper est molesta. Sed res tota melius patebit exemplis. Esto datum pondus vnionis ceratiorum vndecim cum triente, cuius precium oporteat inuenire. Cum igitur pōdus vndecim cum triente cadat inter duos rationis duplæ terminos, 8 & 16: ita & ipsius ponderis precium inter duos quincuplæ rationis terminos, 125 & 625 cadere necesse est. Sic igitur in proposito facies. Multiplica 8 in 16, fit 128. Huius numeri latus propinquum est vndecim cum triente. Rursum multiplica 125 in 625, fit 78125. Huius latus prope verum, est 279. Itaq; cum inter duo pondera 8 & 16, & inter ipsorum precia 125 & 625 inueniantur secundum propinquitatem duo media proportionalia vndecim cum triente & 279. Nihil est quod dubites in margarita pēdente ceratia ii cum triente ponere precium aureos 279. Quod erat quæsitum. Et ita semper inter rationum numeros media proportionalia proximè capientur. Quæ si quis interserat suis locis: ipsæ rationes dupla, & quincupla per medium diuisiones habebunt. Et tabula facta prius, à terminis septem vtrinque progredietur ad tredecim. Quod si positis iam terminis tredecim, alia rursus interserantur media proportionalia, & iterum alia, atq; alia legitimè secundum propinquitatem tabula replebitur. Sed est opus ipsum non minoris industriæ, quàm negocij: propterea quod per quadraturas in ipsis etiam laterum lateribus, & alijs, atq; alijs inde productis operari necesse est. Et quod crebrius quæras, eò difficilius inuenias. Id tamen quicquid est molestiæ subire res ipsa cogit. Nam si quis dato pondere gemmæ, vt puta ceratiorum sex aliquem numerum, siue quantitatem ad precium dati ponderis inquirat, cuius interpositio rationem quincuplam ita partiatur, sicut ratio dupla partitur interposito pondere 6: solerter quidem, & ingeniosè rem nouam, & qua nulla potior, excogitabit, vt quam hucusq; nemo tradiderit. Et Lucas ipse logistorum facillè princeps ad hoc sese frustra defatigauit. Cuius regulam exemplo faciliiori quam Dist. vj. ipse faciat indicabo. Vnde falsitas statim apparebit. Disponantur duæ quælibet rationes inter se diuersæ, prima scilicet 2 ad 32. secunda 2, ad 162. Et ipsis terminis primæ interponatur numerus 4. Quæro, quis numerus interponi debeat terminis secundæ?

m

Ipsam

Ipsam ita diuidens, sicut 4 diuidit primam. Ad hoc (inquit Lucas) quære duo mediâ proportionalia inter rationum terminos. Quæquidem inueniuntur multiplicando 2 in 32, & 2 in 162, fiunt 64, & 324. Horum latera tetragonica sunt 8, & 18, quorum 8 est medium proportionale inter 2, & 32. Et 18 inter 2, & 162. Nam quæ ratio est 2 ad 8, eadem est 8 ad 32. Et quæ 2 ad 18, eadem & 18 ad 162. His inuentis dispone regulam, ita ratiocinando. Si 8 esset 4, quid 18? Operare, & habebis 9. Vult itaq; Lucas, vt numerus 9 ita diuidat rationem secundam, sicut numerus 4 diuidit primam. Quod minimè verum esse, sic ostendo. Multiplica duo media 8, & 18 in vltimum suæ cuiusque rationis terminum 32, & 162: fientque producta 256, & 2916. Horum latera tetragonica sunt 16, & 54. Est igitur 16 mediū proportionale inter 8, & 32: & 54 medium inter 18, & 162. Ducito 2 in 18: fit 36, cuius tetragonicum latus est 6. Ipsum igitur est medium proportionale inter 2, & 18. Dispone sex numeros iam inuentos, inter suæ cuiusque rationis extrema ordinatim, hoc modo: 2, 4, 8, 16, 32. Item: 2, 6, 18, 54, 162. Eruntq; in vtraque rationum quinq; termini continuè proportionales. Quæquidem trium vtrobiq; terminorum interpositio, nihil aliud est, quàm rationem primam in quinq; partes æquales inter se partiri. Et item secundam, in alias quinque partes æquales inter se. Quare secundum definitiones Quinti elementorū, ratio 2 ad 4, est ratio 2 ad 32 quadruplicata, hoc est, quarta pars ipsius. Et similiter ratio 2 ad 6, est ratio 2 ad 162 quadruplicata. Ergo sicut numerus 4 diuidit rationem primam: ita & 6 rationem secundam. Sed secundum Lucam inuentus est numerus 9 ita diuidere rationem secundam, sicut 4 diuidit primam. Nulla est igitur inter 9 & 6 differentia: quod est penitus absurdum. Non est præterea ratio 2 ad 9 quarta pars eius rationis, quam habet 2 ad 162, sed illius quam habet 2 ad 820 cū vna octaua, hoc est in minimis numeris, 16 ad 6561. & in quinque terminis ita disponitur 16, 72, 324. 1458, 5561. Cū igitur ex regula quam tradit Lucas falsum, & absurdū manifestè sequatur, non est ipsa vera. Quod oportuit demonstrasse. Erroris causa fuit authori, quòd affectatione quadam praua subtilitatis, atque præpostera exemplum regulæ suæ posuit in lateribus numerorum, quæ radices surdæ arabico more vocantur. Cuiusmodi vitium (vt nunc est) nimium multi sectantur, & in hoc sibi valde placent. Quod certè nihil est aliud quàm tenebras, vbi lumine fuit opus offundere nocti. Vnde frequenter tam se ipsi, quàm alios fallunt. Cæterum in proposito cū doctrinam talem diuidendi nō habeamus, superest eius quem iam institui traditionis modum vltra proficui. Cuius morosa difficultate vt leuarem studiosos, tabulam nostram ita munire non piguit, vt inter duos quoscunq; ponderum, pretiorumq; numeros, alij quindecim secundum verū propinquitatem interponantur, longè tamen exactius quàm ipsi gemmarū facere, aut intelligere possint. Est enim impossibile quenquam, qui non calleat artem, ratiocinium ex formula tam subtiliter inire. Habet etiam in gemmis licitatio locum, sic tamē, vt in summis quæ sunt super aureos viginti, auctuarium mercatores non faciant, aut recipiant, quod sit minus aureo, in his verò quæ sunt supra centum, quod sit minus aureis quinq;. Et sic deinceps in grandioribus numeris, incremento maiori licitatio crescit. Et quod ex hoc sequitur solent etiam ex iusto precio vicesimam totius deducere partem. Nunc ergo tabula sequitur, quam geometricis methodis quanta facere potui sedulitate digessi,

curiosius

curiosius etiam, quam vsus ipse requirat. Nam in ceratijs, & aureis particulas sexagenaria minutorum distributione astronomico more prosequimur, non tamen vltra minuti semissem. Sciendum est autem in proposito, vnciam octo drachmis constitui, & drachmam ceratijs viginti. Quare & centum sexaginta ceratijs vncia constat. Alia etiam diuisione drachma secatur in scrupula tria, quæ Græci $\gamma\gamma\alpha\mu\alpha\lambda\lambda\alpha$, hoc est literas, propterea vocant quod eo numero literas habent in alphabeto, quo & scrupulos in vncia, qui sunt quatuor & viginti. Huiusmodi propinquitatem veri sæpius iam antea dictam qualis sit, vt etiam geometricæ consuetudinis inscî quodammodo capiant, exemplo facili docebo. Sit propositum aliquem numerum inuenire qui multiplicatus in se producat viginti. Disposito primum numero 20, latus ipsius secundum artis regulas inquirens, inuenio numerum 4 in se ductum producere, & esse latus 16, maximi scilicet quadrati quod sit infra numerum 20. Vnde statim intelligo ipsum 20 non esse quadratum, & propterea non habere latus, qui numero possit explicari. Et ideo superest, vt quod habere non datur, huic propinquum aliquod inueniam, vnde nullus error de quo sit curandum proveniat. Iam igitur ex inquisitione compertum habeo, tale latus esse maius 4, & minus 5, Nam 5 in se ductum producit 25. Quare veri conclusio iam intra monadē consistit. Quæ si fuerit laxior quàm voluero, vel propositi necessitas patiatur, alia rursus disquisitione reperio, latus questum esse minus $4\frac{1}{2}$, & maius 4 cum triente. Nam $4\frac{1}{2}$ in se multiplicatū producit 20 cum quadrante. Et 4 cum triente in se ductum facit 18 cum septem nonis. Si non fuero cōtentus hac propinquitate quam habet $4\frac{1}{2}$. Rursus operatus inuenio 4 cum septemdecim trigessimis sextis, qui numerus in se multiplicatus producit 20, cum particula quæ est vna millesima ducentesima nonagesima sexta. Quicquid excessus longe minor est priore, qui fuit quadrans. Et ita semper arte procedens, quousq; velis, ad verum propius accedes. Nulla tamen vnquam numeratione iustum latus in istis assequi datur. Cū pro certo nō habeatur in rerum natura. Sic igitur videre est quantum discrimine propinquitas ista distet à vero. Qua & astronomi, & geodætæ facilioris calculi gratia sæpius vtuntur. Et ipsæ etiam Archimedes ad dimensionem circuli veri vicinitate processit.

m

2

Tabula.

Sequitur Tabula.

DE PRECIO
TABVLA.

Pondera Pretia.				Pondera Pretia.				Pondera Pretia.			
Ce- ra- tia	Mi- nu- ta	Au- rei	Mi- nu- ta	Ce- ra- tia	Mi- nu- ta	Au- rei	Mi- nu- ta	Ce- ra- tia	Mi- nu- ta	Au- rei	Mi- nu- ta
4	0	25	0	8	0	125	0	16	0	625	0
4	11	27	30	8	22	137	30	16	44	687	30
4	22½	30	37½	8	45	153	7½	17	30	765	37½
4	34	33	57½	9	8	169	47½	18	16	848	57½
4	47	37	30	9	34	187	30	19	8	937	30
5	0	41	15	10	0	206	15	20	0	1031	15
5	12	45	50	10	24	229	10	20	48	1145	50
5	25½	50	25	10	51	252	5	21	42	1260	25
5	39	55	54	11	18	279	30	22	37½	1397	32½
5	56	60	25	11	52	302	5	23	44	1510	25
6	10½	68	20	12	21	341	40	24	42	1708	20
6	28	75	37½	12	56	378	7½	25	52	1890	37½
6	44	83	45	13	28	418	45	26	56	2093	45
7	4½	92	30	14	9	462	30	28	18	2312	30
7	22	102	30	14	44	512	30	29	28	2562	30
7	42	112	30	15	24	562	30	30	48	2812	30
8	0	125	0	16	0	625	0	32	0	3125	0
32	0	3125	0	64	0	15625	0	128	0	78125	0
33	28	3437	30	66	52	17187	30	133	44	85937	30
35	0	3828	7½	70	0	19140	37½	140	0	95703	7½
36	32	4244	47½	73	4	21223	57½	146	8	106119	47½
38	16	4687	30	76	32	23437	30	153	4	117187	30
40	0	5156	15	80	0	25781	15	160	0	128906	15
41	36	5729	10	83	12	28645	50	166	24	143229	10
43	24	6302	5	86	48	31510	25	173	36	157552	5
45	15	6987	42	90	32	34938	33½	181	1	174689	35
47	28	7552	5	94	56	37760	25	189	52	188802	5
49	24	8541	40	98	48	42708	20	197	36	213541	40
51	44	9453	7½	103	28	47265	37½	206	56	236328	7½
53	52	10468	45	107	44	52343	45	215	28	261718	45
56	36	11562	30	113	12	57812	30	226	24	289062	30
58	56	12812	30	117	52	64062	30	235	44	320312	30
61	36	14062	30	123	12	70312	30	246	24	351562	30
64	0	15625	0	128	0	78125	0	256	0	390625	0

Vfus



SVS tabulæ sic habet. Detur margarita ponderis ceratiorum viginti, cuius precium volo scire. Quæro in tabulæ ponderibus numerum viginti. Et è regione statim video precium esse aureos mille triginta vnum cum minutis quindecim, qui est aurei quadrans. Cuiusmodi particulas in gemmarum precijs consuetudo non recipit. Et viceversa dato precio inuenietur & pondus. Sed, ponamus id dari ponderis, quod nõ habeatur in tabula, vt pote viginti cum semisse. Quare numerum ponderis huic proximè maiorem, qui est viginti, sequens autè est viginti, cum quadraginta octo minutis. Horum præcia sunt 1031.15. & 1145.50. Quæquidem vt expeditior calculus sequatur, redigenda sunt in minuta, fientq; 61875, & 68750, horum differentia est 6875, proueniens ex differentia ponderum, quæ est minuta 48. Dispone regulam dicendo. Si ponderum differentia 48, dat preciorum differentiam 6875, quid differentia semissis? hoc est minutorum 30. Operare, & inuenies 4296 cum particula. Ex his minutis, neglecta particula, fac aureos, partiens in 60: & prouenient aurei 71, adde ad precium 1031, fiunt 1102. Quod erat quæsitum. Est tamen quòd intelligas huiusmodi ratiocinium plusculum semper aliquid quàm oporteat afferre precij. Sed adeò modicè vt prorsus negligi possit. Sic igitur omnes ponderum defectus in tabula supplebuntur, & præcia prope verum obtinebunt. Accidit autem rerum omnium vicissitudine, vt gemmarum honor, & æstimatio temporibus varietur. Sed non propterea venditionis forma mutatur. Quare & tabula nostra ad omnem preciorum mutabilitatem accommodari potest, in hunc modum. Esto igitur, vt in margarita quaternaria id quod prius aureorum quinque p. etiam fuit: nunc fiat aureorum quatuor. Erit itaque secundum formulam, octonariæ valor, aurei viginti, qui prius erat viginti quinque. Hunc ex tabula sic inuenies disponendo regulam. Si aurei quinque fiant quatuor, quid aurei 25? Operare, & habebis 20. Et ita per totam tabulam præcia ypothesi mutatae respondebunt, formula seruata. Quod oportuit ostendisse. Si verò formula data mutaretur, esset necesse tabulam quoque mutari. Cuiusmodi secundum Budæum in quinque terminis hic ego subieci. Quicquid (sicut iam antea dixi) precium supra pondus duplicatum, ad eam rationem vult augeri, quæ est ductum ad triginta, hoc est in minimis numeris 20.

4	30
8	200
16	1333 $\frac{1}{3}$
32	8888 $\frac{2}{3}$
64	59259 $\frac{7}{27}$

ad 3. Quæ est sexcupla superbipartiens tertias. Sed hanc velut immodicam, nec scriptorum quisquã, nec mercatorum quem sim percontatus recipit. Immo nec Budæus ipse, nec gemmarum, à quibus accepit placiti sui legem, ne prope quidem obseruant, sed interuallo magno relinquunt. Ait enim gemmarium vidisse, qui se diceret vnionem tenuisse quadraginta ceratia pendente, tribus aureorum millibus emprum, & esse in dactylothea principali. Quod quidem precium, secundum Budæi formulam, non longè à viginti millibus aureorum debuit esse. Nisi forte ad excusationem dicamus, vnionem istum aliqua sui dote caruisse, vt septuplo ferè minoris venderetur quàm ex pondere debuit. Quamuis & orbicula tus, nucis auelanæ magnitudine, & eximie pulchritudinis fuisse dicatur. Alium (inquit) gemmarium, quo familiariter utebar, dicentem audiui vnã se margaritam tenuisse, exquisita bonitate, ponderis ceratiorum triginta, quatuor aureorum millibus

emptam, à dūce Borboniana Ludouici regis vndecimi filia. Quæquidē summa dimidio ferè minor est, quàm ex decreto debuit. Videmus enim in tabella secundū Budæum facta, pondus 32, pretiū habere aureos 8888 cū 8 nonis. Nec excusari potest indicatio gemmæ, cum dicatur exquisita bonitate fuisse. Vnde patet apertè Budæum, suos quæ gemmarios rationem incrementi non intelligendo, in constitutione formulæ non parum allucinatos. Sed nunc disputationē vertamus ad ea, quæ de margaritis antiquo more leguntur, Plinius libro nono de vnionibus scribens. Pondus (inquit) ad hoc æui semuncię pauci singulis scrupulis excessere. Quod quidem pondus sex & octoginta ceratia, & quadraginta cerati minuta continet. Apud Tranquillum legitur, Iulium Cæsarem ante alias dilexisse Marci Bruti matrem Seruilian, cui & primo suo consulatu sexagies sestertium margaritam mercatus est. Quod pecuniæ genus supputatione Budæi, cētum quinquaginta millibus aureis æstimatur. Est autem ob precij magnitudinem verisimile, & margaritam hanc nihil infra Pliniani ponderis limites fuisse. Et luxum temporibus illis, imperij felicitàte, aurique & argenti copia, gemmarum taxationes, sicut & rerum aliarum, quæ legentes vix credimus, super hanc æui nostri tenuitatem longè prouexisse. Etenim si summam centum quinquaginta millium ad tabulæ modum expenderis, inuenies vnionē istum plusquam vnciale fuisse. Et ita summum pensionis antiquæ duplo transgredi. Quod certè nimio fidem excedit. Hac igitur ex Plinio veluti lege conclusi, statuamus margaritam Seruiliæ semunciam scrupulo superasse. Quæ sunt ceratia 86, cum minutis 40. Huius precium hoc tempore secundum tabulam, fuissent aurei circiter 31403. Sed commodioris calculi gratia ad ea quæ sequuntur, relictis hinc 1403, quæ non est pars vicesima totius, quam institores (sicut antea dixi) de iusto precio ferè deducunt, restant ad Seruiliæ margaritæ valorem, aurei triginta millia. Sed fuit olim centum quinquaginta millium. Venditiones igitur antiquæ nostras (vt apparet) quincuplo vicerunt, eadem semper mercaturæ forma durante. Quare & tabulæ nostræ constitutio ad omnem preciorum varietatem, vt nunc est, & vt olim fuit, utilis erit. Atque vt in hoc augmento quincupli datur experimentum. Quæro, quāti fuisset olim margarita ceratiorum viginti? Cum in tabula videas pondus 20 precij habere 1031, 15. multiplica quinquies, fit 5156, 15. Vel quod idem, & expeditius erit. Quare duplicatum pondus ad viginti, quod est quadraginta, in cuius pretio idem quod prius habebis, aureos quinque millia centum quinquaginta sex, antiquum scilicet precium margaritæ vicenariæ, quod nunc esset aureorum mille triginta vnus. Semper igitur hoc additamento ad vtrunque tēpus tabula seruiet. Superest nunc, vt vniones illos Cleopatæ reginæ celebratissimos etiam cōsideremus. Quos per omne æuum Plinius maximos fuisse testatur. Et alter illorum quem aceto liquefactum absorbuī ipsa, tum maxime (vt idem ait) singulare, ac verè vnicum naturæ opus, centies sestertium, hoc est ducentis quinquaginta millibus aureis æstimatus est. Fuit autem hæc circa tempora Cæsaris æstimatio, qui vnionem Seruiliæ (sicut dictum est) centū quinquaginta millibus emit. Eadem igitur in vtroque pondus ratione quærendum. Sed in hoc Cleopatæ, maximi ponderis limitem, à Plinio datum, superari velle supradictis ipsius verbis satis est credibile. Sic igitur inuestigabis. Accipe quintam partem precij

250000, quæ est 50000. Et quoniam inter duo tabulæ precia 47265, & 52343, inuenitur esse quinta precij 250000: ita & eo modo quem in margarita Seruiliæ tenui, vnionis Cleopatrar pondus inter duo pondera consistit, quæ sunt 103.28, & 107.44. Adhibita autem supputatione, quam in præcedentibus monstraui, huius vnionis Cleopatrar pondus dicere possumus fuisse centum quinque ceratia. Quod erat quæsitum. Hoc autem semunciam, & scrupulū excedit ceratijs 13 cum triēte. Aliter ratiocinatur Budæus, volens vnionē istum Cleopatrar altero tanto (inquit) pondere præstare quem preciosissimum memoriæ nostræ vnionem gemmarum institores meminerunt, atque eo amplius scrupulo. Talis autem vnio preciosissimus fuit is de quo iam antea dixerat exquisita bonitate fuisse, pondere tricenarium, aureorum quatuor millibus comparatum. Erat igitur vnio Cleopatrar secundum Budæum pendens ceratia sex & sexaginta cum minutis 40. Vnde ex sua ipsius formula sequitur, premium fuisse aureorum minus quam septuaginta millium, quæ nō est ad Plinij summam pars tricesima quinta, aureorum scilicet ducentum quinquaginta millium, ad quam sua se finitione ponderis Budæus pertigisse putauit. Iam etiam in superioribus ostendi, valorem istum quatuor millium in tricenaria margarita ab authoris placito longè deficere. Ex quibus apparet Budæum institutionis suæ progressum non intelligendo, rationem totam margaritarum & suis, & antiquorum exemplis cōtradictione magna turbasse. Ad postremū dispiciamus, quid super argumento margaritarum tradiderit Lucas. Cuius hic ego sententiā Italica lingua scriptam (ne quid affingere videar) sum interpretatus ad verbum. Gemmarius (inquit) tres habet margaritas eiusdem notæ, quarum primæ quidem pondus est C.1. premium verò aurei ducenti. Secundæ autem pōdus est C.2. premium verò aurei mille, quod est quincuplum precij secundæ. Tertia autem pōdus habet C.3. Quæritur, quanti debeat esse premium istius tertiæ, ad rationem aliarum? Ad solutionem (inquit) istius, & similium disponenda est quarta margarita, quæ sit ad secundam dupla pondere, hoc est C.4. Erit igitur ex formula premium istius quartæ, ad premium secundæ quincuplum, hoc est aurei 5000. Tertiæ igitur pondus cum sit C.3. medium scilicet inter pondera 2 & 4: ita & eiusdem premium debet esse medium inter precia 1000, & 5000. Igitur multiplica 1000 in 5000, fiunt 5000000, & huius radicem, quod est medium proportionale inter 1000, & 5000 dices esse iustum premium margaritæ tertiæ. Et sic tradit Lucas, nec amplius quicquam, nisi quod hanc inuestigationem dicit fieri secundum eam regulam, cuius falsitatem antea demonstraui, cum tamen, sicut apparet, non ita sit. Ipse igitur in hoc aliud dicit, & aliud facit. Non est etiam quæstionis solutio legitima, seu verum, seu verò proximum respondeas. Quamuis enim numerus 3 sit in medio 2 & 4: nequaquam tamen est id quod medium proportionale vocatur; cum ratio non sit eadem 2 ad 3, quæ est 3 ad 4. Tale autem medium (vt ipsius more dicam) est radix numeri 8: quoniam ipsius precij ponitur esse radix numeri 5000000. Sed radices huiusmodi cæcas, ac (vt dicunt) surdas sensilia non recipiunt, veluti sunt pecuniæ, ponderumq; nomina, quæ numero aliquo dicere vsus necessitas cogit. Si verò secundum propinquitatem C.3 accipi voluit, exprimendū erat, ne pondus similiter, ac premium caperemus. Tamen si propius vero fuit dicere C.2 cū 3 quartis quā C.3. Rectū igitur, ac secundum naturā fuisse

utrunq; proximè numeris explicare, videlicet margaritæ pendentis C. $2\frac{3}{4}$ pretium esse aureos 2236 & ferè $\frac{1}{4}$. Videmus itaq; quàm negligenter, parumq; legitimè ratiocinium istud multiplex, atque reconditum, vna solùm quæstione tractauerit Lucas. Quem etiam in hoc, sicut aliàs ferè sequitur Stephanus, qui lingua nostra gallica scripsit, locum post Lucam secundum facillè tenens, idem propositum eisdem quos suprà posui numeris referendo. Quod & alij quotquot legerim de suo nihil adiñciētes faciunt. Imitati grues in pascuis, quæ ducem, aut aliam vtcunque digressam, volatu statim comitantur. Hæc sunt à nobis in proposito conquiſita de margaritis. Vnde legentes (vt opinor) viam prius salebrosam nimis, & asperam, nostro nunc labore munitam inuenient.

IO. BUTEONIS DE FLUVIA
TICIS INSVLIS SECVNDVM
IVS CIVILE DIVIDEN-
DIS LIBER I.

PROOEMIUM.



INTER MVLTÀ QVÆ SVNT

exquisitæ subtilitatis in iure civili res p̄osa prudentum, nec adhuc satis explorata studio sis, illa cēsentur imprimis, quæ super diuidendis inter vicinos insulis, & alueo fluminum regulam, modumq; præscribunt. Cū sit autem materia partim geometrica, partimq; civilis, vtramq; cum altera iure reconsulti dexteritate tanta communicant, vt dubium sit, maior in illis artis peritiā, iurisve prudentia constet. Sed diuisionem ipsam paucis indicare (qui mos antiquus, ac peculiaris habetur in disciplinis) velut intelligētibus satis esse putarūt. Vnde res & sui natura, iurisq; communione, traditionisq; compendio, tota sit obscurior. Huc accedit, quod in tanta doctorum interpretantium turba, nullus vnquam præter Bartolum, explicationem istam ausus est attingere. Is nempe sicut fuit ingenio, doctrinaq; præcipuus: ita & hanc iuris partem, dissimulatione præterire, ignominiosum quodammodo sibi fore putauit. Quam cū intelligeret geometricis esse cōiunctam: non piguit hominem, in sua iam professione magistrū, in his sese literis abstrusioribus fieri discipulum, sine quibus legum prudentiam consummari non posse videbat. Quod & in tractatus sui principio, quem inscripsit Tyberias, ipse testatur. In quo sanè vir natura solers, & artis meditatione iam factus acutior, super huiusmodi partitione rerum subtiliter quidē, & ingeniosè multa disputauit, adhibitis frequēter (sicut pro rei demonstratione fuit opus) geometrici figuris. Sed longè tamen à legislatorum mēte ac veri scopo Bartolus ipse (ni fallor) aberrauit. Fuit enim sicuti res apparet, & in sequentibus ostendam, in dimensionum elementis leuiter institutus, quarum vix satis erat mediocris etiam cognitio. Cū igitur ipse me semper ab adoleſcētia geometricis speculationibus oblectauerim, veritatis asserendæ studio ductus: visum est, vt quæ super his peruestigatione diligenti sunt à me cōquisita, proferrem in mediū. Primum itaq; diuisionum regulas, prout habentur libro quadragesimo primo digestorum, ordine transcribam: vt veluti totus ex se constet libellus, suasq; sibi gerat probationes in fronte. Deinde ad legem Cāij, in qua totius propositi summa complectitur, interpretationē meā, quemadmodū & suā ipse Bartolus, breuiter indicabo. Ad posseremū, ex formula quā institui partitiones figurationibus necessarijs explicabuntur: & eas quæ sunt à Bartolo positæ, iuris, artisq; rationibus nō esse veras ostendam.

n. Sequuntur

SEQUUNTUR ALIQVOT LEGES de acquirendo rerum dominio, ad instituti propositum facientes, ex libro quadragesimo primo digestorum.

Primum legis caput est, Adeo.

C A I V S.



PER ALIQUA quod per alluvionem agro nostro flumen adiecit: iure gentium acquiritur nobis. Per alluvionem autem id videtur adijci, quod ita paulatim adijcitur, ut intelligere non possimus, quantum quoquo momento temporis adijciatur. Quod si vis fluminis partem aliquam ex tuo praedio detraxerit, & meo praedio appulerit: palam est, eam tuam permanere. Planè si longiori tempore fundo meo haeserit, arboresque quas secum traxerat, in meum fundum radices egerint: ex eo tempore videntur fundo meo acquisitae esse. Insula quae in mari nascitur, quod raro accidit, occupatis sit. Nullius enim esse creditur. At in flumine nata, quod frequenter accidit, siquidem mediam partem fluminis tenet: communis sit eorum, qui ab utraque parte fluminis prope ripam praedia possident: pro modo latitudinis cuiusque praedij, quae latitudo prope ripam sit. Quod si alteri parti proximior sit: eorum est tantum, qui ab ea parte prope ripam praedia possident. Quod si ex vno latere prorupit flumen, & alia parte nouo alueo fluere coeperit: deinde infra nouus iste riuus in veterem se conuerterit, ager qui à

qui à duobus riuis comprehensus in formam insulæ redactus est, eius est scilicet, cuius & fuit. Quòd si toto alueo naturali relicto flumen aliàs fluere coeperit: prior quidem alueus eorū est, qui propè ripam prædia possident: pro modo scilicet latitudinis cuiusq; prædij, quæ latitudo prope ripam sit. Nouus autem alueus eius incipit iuris esse, cuius & ipsum flumen, id est publici iuris gentiū. Quòd si post aliquod tempus ad priorem alueum reuersum fuerit flumen, & rursus nouus alueus eorum esse incipit, qui prope ripam eius prædia possident. Si cuius tamen nouus alueus totum agrum occupauerit, licet ad priorem alueum reuersum fuerit flumen: non tamen is cuius ager fuerat, stricta ratione, quicquam in eo alueo habere potest. Quia & ager ille qui fuerat, & delinit esse, amissa propria forma: & qui vicinum prædium nulum habet: non potest ratione vicinitatis, vllam partem in eo alueo habere. Sed vix est vt id obtineat. Aliud sanè est, si cuius ager totus inundatus fuerit. Namq; inundatio speciem fundi non mutat. Ob id cum recesserit aqua, palam est, eiusdem esse, cuius & fuit.

CALISTRATVS.



ACVS, & stagna, licet interdum crescant, interdum exarescant, suos terminos tamen retinēt. Ideoq; in his alluuiōis ius non agnoscitur.

PAVLVS.



INTER eos qui secundum vnā ripā prædia habent, insula in flumine nata, non pro indiuiso communis fit: sed regionibus quoq; diuisis. Quantum enim antè, cuiusq; eorum iuxta ripam est, tantum (veluti linea in directum per insulam trāsducta) quisq; eorum in ea habebit certis regionibus.

DE FLUVIATICIS
POMPONIUS.



ERGO si insula nata accreuerit fundo meo, & inferior rem partem fundi vendidero, ad cuius frontē insula non respicit: nihil ex ea insula pertinebit ad emptorē. Ex eadem causa, quia nec ab initio quidem eius fieret, si iam tunc cum insula nasceretur, eiusdem partis dominus fuisset.

CELSVS FILIVS.



In ripa fluminis, quæ secundum agrum meum sit, arbor nata sit, meam esse ait. Quia solum ipsum meum priuatum est, vsus autem eius publicus intelligitur. Et ideo cum excicatus esset alueus, proximiorum fit: quia iam populus eo non vitur.

POMPONIUS.



RIBVS modis insula in flumine fit. Vno modo, cum agrum qui aluei non fuit amnis circumfluit. Altero, cum locū qui aluei esset siccum reliquit & circumfluere coepit. Tertio, cum paulatim coalluendo locum eminentem supra alueum fecit, & eum alluendo auxit. Duobus posterioribus modis, priuata insula fit eius, cuius ager propior fuerat, cum primū extitit. Nam natura fluminis hæc est, vt cursu suo mutato aluei causam mutet. Nec quicquā intersit, vtrum de aluei duntaxat solo mutato, an de eo, quod superfluum solo veteri sit, queratur. Vtrumque enim eiusdem generis est. Primo autē illo modo, causa proprietatis non mutatur. Alluuio agrum restituit, eum quem impetus fluminis totum abstulit. Itaque si ager, qui inter viam publicā, & flumen fuit, inundatione fluminis occupatus est, siue paulatim occupatus est, siue non paulatim, sed eodem impetu, recessu fluminis restitutus est, ad pristinum dominum pertinet. Flumina enim censitorum vice fun-
guntur

guntur, vt ex priuato in publicum adducant, & ex publico in priuatum. Itaq; sicut hic fundus cum alueus fluminis factus esset, fuisset publicus; ita nunc priuatus eius esse debet, cuius antea fuit.

ALPHENVS.



ATTIVS fundum habebat secundum viam publicam; ultra viam publicam flumē erat, & ager Lucij Titij. Flumen fluit paulatim. primum omnem agrum, qui inter viam, & flumen esset ambedit, & viam sustulit. postea rursus minutatim recessit, & alluione in antiquum locum rediit. Respondit. Cum flumen agrum, & viam publicam abstulisset; eum agrum eius factum esse, qui trans flumen fundum habuisset. Postea cum paulatim retro rediisset; ademisse ei, cuius factus esset, & addidisse ei cuius trans viam esset, quoniam eius fundus proximus flumini esset. Id autem quod publicum fuisset, nemini accreuisse. Nec tamen impedimento viam esse ait, quo minus ager, qui trans viam alluione fluminis relictus esset, Attij fieret. Nam ipsa quoq; via fundi esset.

FLORENTINVS.



KN agris limitatis, ius alluionis locum non habet. Idemq; & D. Pius constituit. Et Trebatius ait agrum, qui hostibus deuictis ea conditione concessus sit, vt in ciuitate veniret, habere alluionem, neq; esse limitatum. Agrum autem mancipatum limitatum fuisse, vt sciretur quid cuique datum esset, quidq; venisset, & quid in publico relictum esset.

PROCVLVVS.



INSVLA est nata in flumine contra frontem agri mei, ita vt nihil excederet longitudo regionem predij mei; & postea aucta est paulatim, & processit contra frontem agri, & su-

terioris vicini, & inferioris. Quæro, quod accreuit vtrum meum sit: quoniam meo adiunctum est: an eius iuris sit, cuius esset, si in initio nata, eius longitudinis fuisset? Proculus respondit. Flumen istud, in quo insulam contra frontem agri tui natam esse scripsimus, ita vt non excederet longitudinem agri tui, si alluisionis ius habeat. Et insula in initio propior fundo tuo fuit, quam eius qui trans flumen habeat: tota tua facta est. Et quod postea ei insulæ alluione accrescit: id tuum est, etiam si ita accreuisset, vt procederet insula contra frontem vicinorum superioris, vel inferioris, vel etiam vt propior esset fundo eius qui trans flumen habet. Item quæro, si cum, propior ripæ meæ est nata insula, & postea totum flumen inter eam, & insulam fluere cœpit, relicto suo alueo, quo maior amnis fluxerat, nunquid dubites, quin etiam insula mea maneat? Et nihilominus eius soli, quod flumen reliquit, pars fiat mea? Rogo te, quid sentias rescribas mihi. Proculus respōdet. Si cum fundo meo propior in initio fuisset insula, flumen relicto alueo maiore, qui inter eam insulam fuerat, & eum fundum vicini, qui trans flumen erat, fluere cœperit inter eam insulam, & fundum tuum: nihilominus insula tua manet. Sed alueus qui fuit inter eam insulam, & vicini fundum, medius diuidi debet: ita vt pars propior insulæ tuæ, tua sit. Pars autē propior agro vicini, eius esse intelligitur. Intellico enim, vt cū ex altera parte insulæ alueus fluminis exaruerit, desinere insulam esse. Sed quò facilius res intelligeretur, eum agrum, qui insula fuerat, insulam appellasti.

Primum legis caput est, Si epistolam.

L A B E O.



I Q V A insula in flumine nata, ppria tua sit: nihil in ea publicū est. Paulus. Immo in eo genere insula est, quo ripa in flumine est. Et litora mari, pxima publica sunt, nō secus atq; in cōtinenti agro. Idē iuris est, si qua insula in flumine publico, pxima tuo fundo nata est, ea tua est.

Paulus.

Paulus. Videamus ne hoc falsum sit, de ea insula, quæ non ipsi alveo fluminis adhæret, sed virgultis, aut qualibet aliâ leui materia, ita sustinetur in flumine, vt solum eius nō tangat, atq; ipsa mouet. Hæc enim propemodū publica, ac ipsius fluminis est insula. Paulus respondet. Si insula in flumine nata tua fuerit, deinde inter eam insulam, & contrariam ripam, alia insula nata fuerit, mēsurā eo nomine erit instruenda à tua insula, non ab agro tuo, propter quem ea insula tua facta fuerit. Nam quid interest, qualis ager sit? propter cuius propinquitatem posterior insula cuius sit queritur. Si id quod in publico natū, aut ædificatū est, publicū est: insula quoq; que in publico nata est, publica esse debet.

DE FLUVIATICIS Ad Legem Cui interpretatio.



PER alluionem. Alluio ab alluo, verbo venit, quod est iuxta fluo. Cicero de legibus. Fluius (inquit) diuisus latera insulae aluit. Et Caesar de bello ciuili. Massilia ferè ex tribus oppidi partibus mari alluitur. Alluionem periphrasi descripsit Lucanus, inquit. Illos fugit terra dominos, his rura colonis accedunt donante Pado. Dicitur & alluuius apud Columellam. Vel etià (inquit) ualles, quae fluminum alluuiis, & inundationibus concreuerunt.



AGRO nostro. Ager in proposito, pro omnis generis possessione, quam quis iuxta flumen habet, accipitur. Et in sequentibus, modò fundus, modò prædium indifferenter appellatur.



ADIECIT. Intellige adiunxit, & applicauit, & non sicut Accur-
lius in institutionibus, ubi de alluione etiam agitur, explicat, inquit, Adiecit, ponendo iuxta tuum prædium. Quod manifestè falsum est. Si quid enim iuxta meum fundum apponat, nec applicet fluuius, id non acquiritur mihi iure alluionis: quia meo non est adiunctum (ut ait Proculus). Sed eiusdem generis est, (ut Celsus placuit) ac si esset alueus relictus. Quod sane permagni interest, sicut plenius ex subiectis apparebit.



IUREGENTIVM. Quod (inquit Paulus) ratione naturali inter omnes homines peræque seruatur. Et semper ab æquitate manifesta, confessaque procedit. Aquisimū siquidem apud omnes gentes visum, atque semper obtinuit, ut qui fluuiorum vicinitate detrimentum paterentur, commodis etiam eorum, ac ueluti fortunæ beneficio non priuari. Nam secundum naturam est, & etiam regula iuris, commoda cuiusque rei, eum sequi, quem sequuntur incommoda. Et propterea adiectio per alluionem facta, ipso iure gentium acquiritur nobis, hoc est (ut rectissime, & scienter Bartolus exponit) sine alicuius hominis facto. Quod etiam Caius in hac lege satis ostendit. Quoties enim, vel de insula in flumine nata, vel de fluminis alueo relictio determinat, toties acquisitionis modum inter vicinos, formamque præscribit. In alluionibus autem de solo iure gentium meminit. Nihil igitur opus habet alluio mensuris opera. Cum enim fiat paulatim, atque minutatim, sitque (ut in institutionibus dicitur) incrementum latens, quod quidem omni momento temporis, quo meo adiunctum est, meum statim efficitur, etiam si contra frontes prædiorum superioris, & inferioris vicini processerit, ut Proculo, & Labeoni visum est. Quod in alueo relictio non habet locum, ut infra videbitur. Cum igitur Bartolus uiderit istud (neque enim erat in obscuris, scilicet alluionis incrementum, ipso iure gentium prædijs acquiri, sine alicuius
(ut ipse

(vt ipse dixit) hominis facti: mirari satis non possum, quomodo primum suæ Tyberiadis librum, de alluuiionibus inscripserit. In quo toto nihil aliud, quàm super incrementis alluuiione factis disputat, suas cōstitutiones vbiq; geodaticis figuris, quantum in se fuit, diligenter ostendens. Quæquidem præter alios errores, quos postea quàm eò ventum erit, ostendā, omnes ad vnam aut falsæ sunt, aut superflua, nisi quoties notatur alluuiō, ibi semper intelligas alueum relictum. In tertio autem eiusdem operis libro, cui titulum fecit, de alueo, ipsius tantū iureconsulti super alueo dicta prosequitur nullis figurationibus, vbi fuerat opus, & locus proprius, adhibitis. Iam enim in tractatus diuisione prædixerat, suas ibi se primi libri figuras cōsyderaturum. Quo sanè quid vanum magis, atq; præposterum fieri potuit: vt sciens, atq; videns rei propositum euertas.



QUOD si vis fluminis. Hucusq; Caius ius ipsum quod proprie dicitur alluuiōis determinauit. Et deinceps ad alia, quæ fluminis natura contingunt agris additamenta transitum facit. Quorum quod primo loco proponitur, longius à vero distrahit Accursius, exponens partem aliquam: Puta (inquit) crustam terræ, forte vineatæ, & arboratæ. Est autem crusta proprie operimentū tenuē, quo quid tegitur: veluti sunt crustæ parietum, vnde & incrustationes, quæ speciem tantum ornant: de quibus meminit Paulus in significatione verborum. Et in aquis frigore concretis, etiam crusta dicitur. Virg, Concresecunt subitæ currenti in fluminæ crustæ. Partem autem istam hic intelligendum crassius aliquid, quàm crusta eò maximè, quod arbores secum trahat, quibus terræ crusta non sufficit.



APPVLERIT. Intellige cōduxerit, vel adduxerit. Nā appellere secundum Donatum proprie dicitur, cum ex pelago quis ad litus accesserit. Verg. Hinc me digressum vestris deus appulit oris: In institutionibus legitur, applicuit. Et in exemplaribus pandectarum, ex antiquo libro Florentiæ nuper æditis, attulerit. Sed elegantius, & proprie magis est, appulerit. Videtur enim pars huiusmodi, impetu fluminis auulsa, tãquàm ratis appellere fundo. Hic tamen Accursius appulerit interpretatur, imposuerit, vel apposuerit super fundo meo, ita vt superficiē operiat. Quod & Bartolus approbat in hæc verba. Secundum hoc (inquit) hæc pars differt à præcedenti: quia ibi adiecit à latere, hic super imposuit. Et licet hoc in se verum sit: non tamen puto curandum. Siue enim à latere, siue super fundo talem crustam imposuerit: idem iuris est. Hactenus Bartolus: Qui dum alieno subscribit errori, proprium & ipse demonstrat: dum ait idem iuris esse in eo quod superimpositum sit, vel appulsum. Longè siquidem inter se differunt, sicut ex Vlpiani lege sequenti constat euidenter. Si ex fundo tuo (inquit) crusta lapsa sit in fundum meum, eamq; petes, dandum in te iudicium de damno infecto: idq; Labeo probat. Nam arbitrio iudicis, apud quē res prolapsa petetur, L. hoc
ampli.
de dam.
infect. damnum quod ante sensu non contineri, nec aliter dandā actionem, quàm vt omnia
ollantur.

tollantur, quæ sunt prolapsa. Ita demum autem crustam vendicari posse. Alphenus. Si non coaluerit, nec unitatem cum terra mea fecerit. Nec arbor potest vendicari à te, quæ translata in agrum meum, cum terra mea coaluerit. Sed nec ego potero tecum agere, ius tibi non esse ita crustam habere, si iam cum terra mea coaluerit: quia mea facta est. Ex his itaq; palam est, non idem iuris esse in eo quod à latere positum fundi, & in eo quod superimpositum fundo, vt asserit Bartolus. Vnde etiam error Accursij constat euidenter.



PERMANERE. Hoc est semper manere tuam esse, sicut erat ante conuulsionem à fundo tuo. Arbores autem quas secum pars auulsa traxerit non semper, sed tantisper tuæ manēt, donec in meū fundum radices egerint. Hoc enim infert præpositio per, adiuncta verbo maneo. Sicut peruigilare significat semper, hoc est totam noctē vigilare. Vnde Martialis. Nam vigilare leuē est, peruigilare grauē. Et apud Ouidiū, peruigil draco dicitur, qui semper vigilaret. Inde est perduro, ad finem vsq; duro. Et alia multa, vt luti pernocto, per, enim (vt ait Pomponius in significatione verborum) totam noctem significat. Sed quænam est, dicet aliquis, diuersitatis ratio? vt arbores tempore perdas, & non terram. Quoniam, vt ad finem legis Caius inquit, ratio non permittit vt alterius arbor intelligatur, quàm cuius in fundum radices egerit. Et ideo (inquit) prope confinium arbor posita, etiam si in vicini fundum radices egerit, communis est. Quod ita Marcellus explicat. Pro regione cuiusq; prædij. Hoc autem quomodo sit, in figuris sequentibus ostendam. Sed propositum istud de terra cum arboribus auulsa sicut exposui, Bartolus Accursium sequutus à sensu legis ita distorquet, vt velit huiusmodi terram non semper eius esse, cuius ante conuulsionem fuerat, sed vnā cum arboribus ad alium dominum transire. quod ex supradictis falsum esse liquidò constat. Sed tamen verum habebit, si lectionem Florentini codicis recipias: vbi dicitur: Ex eo tempore videtur fundo meo acquisita esse. Et sic acquisitionē istam, non ad arbores, sed ad terræ partem appulsam referri latinitas cogit. Vnde fiet, vt ex meo prædio terra detracta, mea non permaneat, sicut lex voluit, sed mihi deperdatur: & hoc solum propter arbores quas secum traxit. Quæ quidem diuersi iuris causa, quid habet (quæso) rationis, aut æqui? Probabilior itaq; videtur lectio communis. Arbores autem postquam radices egerint acquiri fundo, intellige nō quidem totas, sed in partem, de Marcelli sententia, quam ante recitavi, pro cuiusq; scilicet regione confini. Quid si dominus ignoretur cuius sit ea pars agri appulsa fundo meo? Dicendum eodem iure senseri, ac si esset arceus relictus, vt Pomponio placuit,

L. vrba
na.



INSULA in mari. Insula dicitur terra quæ vndiq; concluditur aquis. Proprie autem in mari. Vnde sunt, qui velint insulas à salo deduci, quod in salo, hoc est in mari sitæ sint. Insulæ etiam nomine vocantur domus in vrbe ab alijs ædificijs discretæ, vicos habentes vndiq;: vt his Vlpiani verbis apparet. Planē si insulam fulciri quis stipulatus sit: non est expe-

est expectandum vt insula ruat.

QUOD raro accidit. Apud Plinium libro secundo, claræ iam pridem insulæ Delos, & Rhodos leguntur enatæ, & aliæ postea minores.



OCCUPANTIS fit. Occupo ex ob, & capio cōpositum, significat propriè (vt ait Valla) quod in commune, siue in medio positum erat ante alios capio. Cice, Sunt autē nulla priuata natura, sed aut veteri occupatione, aut ijs qui quondam in vacua venerunt. Quinti.

Multa quæ nihilominus libera fuerant transeunt in ius occupantium. Insulæ igitur in mari natæ, ideo fiunt occupantium, quod nullius esse credantur. Iam etiam supra dixerat Caius. Quod nullius est, id ratione naturali occupati cōceditur.



A**T** in flumine nata. Exponit Accursius, in medio fluminis. Si enim ita voluisset intelligi iureconsultus: ineptum, ac superfluum esset, quod statim subdit: Si quidem mediam partem fluminis tenet. Quomodo autem pars media fluminis in dimensionem veniat, infra videbitur in figuris.

T**E****N****E****T**. Hoc est operit, occupat, tegit. Sic exponit Seruius poetæ locum in Georgicis: Et obducto latè tenet omnia limo.

A**B** vtraque parte. Id est ab vtroque fluminis latere, vltiori scilicet, & citeriori.



ROPE ripam. Ripa est extremitas terræ, aquæ vicina, dicta quod aquarum agitatione rumpatur. Et propriè est fluminum, vel fontium, sicut litus maris: quâuis interdum pro eodem accipiuntur. Ripa autem fluminis, secundum Vlpianum, ita rectè diffinitur: id quod flumen continet naturalem rigorem cursus sui tenens.

Atq; (vt ait Paulus) ripa ea putatur esse, quæ plenissimum flumen continet. Sunt autem in fluminibus ripæ, veluti margines in libris, ab adiacentibus agris albido colore differentes, propter lapidum & arenæ misturam. Vnde & pro ripis mergines ponuntur. Varro de re rustica. Flumen (inquit) quod per villam fluit liquidum marginibus lapideis. Et vtrunque iunxit Ouidius, illo veru: Popule viuæ precor quæ consita margine ripæ. Et sunt ipsæ ripæ alibi latiores, & alibi contractiores. Alicubi etiam latitudine nullæ: vt pote, cum præruptis hincinde crepidinibus flumen cohibetur, ne se possit extra suum alueum explicare. Bartolus tamen toto suo tractatu mensuras instituit, perinde quasi nullius vnquam latitudinis ripas flumen haberet. Quod est rei propositum negligenter attendisse. Et inde causas habuit erroris, sicut infra videbitur. Prope ripam, intellige iuxta, vel secundum ripam, vt dicunt Paulus, & Alphenus. Nam quod secundo loco positum est, prope est. Vl-

L.j. de
flu.
L.pen.
eo. titu.

l. vaica. pianus etiam vbi de ripa munienda tractatur, dixit eodem sensu circa ripas. Quid si fuerit in ipsa ripa latitudo? Idem iuris esse dicendum. Quod enim in ripa consistit: adeo propè est, vt nihil possit propius esse. Sed lex ita non posuit, vt generaliter magis loqueretur. Non est igitur necessarium, quamuis eueniat sæpe, vt ipsam ripam prædia contingant. Propterea si vel aquæ ductus, vel fossa, seu vallum, aut agger aliquid ve simile ripam discreuerit à fundis, vel etiam via publica, (vt Alpheno placet) horum nihil erit impedimento. Nam ipsa solum vicinitate etiam sine contactu ius prædijs acquiri lex voluit.



QUOD si alteri parti proximior sit. Intellige alteri parti, scilicet fluminis, ad superiora referendo. vbi dicitur, ab vtraque parte fluminis, Necesse est enim de vtraque dictum, ad alteram repeti. Quod cum sit in aperto, Accursius tamen subintelligit alteri parti, scilicet agrorum. dum ait: Hoc poterit sciri accepta chordula, & posito puncto in medio inter vtrunque agrum. Quod nequaquam verum est generaliter, scilicet punctum medium inter vtrunque agrum, citeriorem, & vltiorem huiusmodi propinquitatem de terminare. Nam si ab alterutra parte fluminis ripa aliquanto fuerit latior altera, & ex oppositis agris hoc Accursij modo mensura procedat: ita poterit euenire, vt punctus iste medius nec ad flumen quidem perueniat. Vult enim lex vt si nata sit insula tota extra medium fluminis, & sit proximior alteri parti, eorum sit tantum, qui ab ea parte possident agros. Etiam si longius alijs ex opposito distent ab insula. Quod fieri potest propter ripam, sicut dixi, ab hac parte latiore. Medium namque fluminis nihil prorsus habet commune cum ripa: sed in aqua tantum accipi debet, prout in si mili Vlpianus interdictum prætoris, de fluminibus exponit. Instituenda igitur erit mensura propinquitatis istius, secundum vtrunque fluminis latus in aqua. Et non inter vtrunque agrum, vt falso putat Accursius, & item Bartolus: qui tanquam addictus iuravit in verba magistri, nusquam non sequitur errantem. Hoc autem euidentius figuræ monstrabunt.



QUOD si ex vno latere. Quod antea nominauit partem fluminis, hic dicit latus. Duo enim latera flumen habet, secundum ipsius longitudinem vtrinque procurentia semper, vltius videlicet, atque citerius.



PRORVIT. Prorumpere est cum impetu, & violentia ferri. Vt apud Vergilium. hæc ait: Et medius densos prorumpit in hostes. Significat etiam à recta via, solitatem deflectere: vt est apud eundem, in Ceorgicis. Rursus in obliquum verso prorumpit aratro. Et mirè congruunt ambo significatus huic loco.

Et alia

ET alia parte. Non intelligas fluminis: sed alio loco, vel alia via, qua prius non fluebat. Quod statim explicat dicens: Nouo aluco.

FLVMEN. Hoc est pars fluminis, prout rectè & scienter exponit Accursius: Quod est rarum.

IN veterem. Exponit Accursius, id est alueum, sed non bene. Intelligit enim iureconsultus flumen in duos se scindere riuos. Quorum vnum appellat nouum, & alterum veterem. Et debet ad proxima semper fieri relatio, nisi repugnet locus.

IN formam insulæ redactus est. Dicit Accursius: non tamen est insula, vt hic, & I. ergo. §. tribus modis. Locus iste quem citat cōtra ipsum facit. Ait enim Celsus. Tribus modis insula in flumine fit. Vno modo, cum agrum, qui aluei non fuit amnis circumfluit. Quid vnquam explicatius dici poruit? agrum scilicet scissura fluminis circūdatum esse insulam. Hoc autem est (quod aiunt) suo se gladio iugulare.

RO modo latitudinis. Hoc est secundum rationem, vel formam siue mensuram latitudinis. Et in hoc intellectu totius propositi cardo vertitur. Quem deformationibus grammicis, prout res exigit ostendam in sequentibus. Vbi etiam multa quæ restant super legum explicatu commodius multo, quàm citra figuras intelliguntur. Cæterum antequam diuisionum proferamus exempla, consentaneum fore putavi, quænam sint instrumenta operi nostro necessaria breuiter indicare.

De quibusdam geodæticis instrumentis.

CIRCINVS instrumentum est vulgo notissimum, quem Ouidius de ipsius loquens inuentore Dedalo graphæ descripsit, in hæc verba. Primus & ex vno duo ferrea brachia nodo iunxit, vt æquali spatio distantibus iisdem, altera pars faret, pars altera duceret orbem. Ex his igitur habes non solum organi formam, sed etiam vsum, quomodo circuli designentur. Circino autem grandiore geodætes opus habet: qui vt sit parabilis, & expeditus ad vsum, ita facies. Sumatur hastile longum pedes decem, aut etiam vltra. Nam quò longius, eò melius. Ferratis deinde pertusisq; in transuersum capitibus, coniciuntur in foramina ferrei styli, in eandem partem semipede prominentes. Et sic ad opus nostrum cōueniens erit circinus. Ipsum etiam hastile diuisum æqualiter in pedes, vsum regulæ præstabit, cui nomen est ab antiquo decempeda. Lineas insuper aliquot conuolutas mensor noster habebit, quas



L. lineā bit, quas in longitudines operi necessarias explicabit. Hic ego more Pauli iurecon-
 ad legē sulti, Vlpiani etiam, atq; Vitruuij, aliorumq; veterum, lineam appello, funiculum ex
 falcidi. lino, quem barbarē chordulam dixit Accursius. Sunt etiam chordæ, quas in musicis
 instrumentis


instrumentis tendimus ad sonos, quæ & alio nomine dicuntur fides. Ad operis etiam compendium non erit inutile normam sibi parare, sed longè grandiorē, quā quæ est in vsu fabrorum, & quæ regulam habeat subtenfam angulo recto, vt firmior, & emendata perduret. Et si ad angulum applicetur tessella, rimulis sese rectè decussantibus, atq; directis ad ancones extremos, multa per hoc additamentum, solo prospectu dirigi poterunt. Perpendiculo etiam opus erit aliquando. Multa præter hæc alia fieri possunt extra vulgarem vsu artis instrumenta, quorum est tractatio subtilior. Ea nunc intempestiue persequenda non putauī, cū iam dicta sufficiant instituto. listorum hic formas apposui.

L. Si qd
vxoii
deturr.
L. iter-
nus ad
legem a
quiliā.

Geometrica quædam problemata.



DE ORVM quæ sequuntur opus intelligendum, necesse est, imprimis scire angulos rectos quomodo facias. Sit ergo propositū. Duas lineas rectas, ad angulos rectos inter se collocare. Intendatur vna linearum validè, necubi solum, nisi leuiter contingat: aliās enim vix erit recta. Et super ea, vtroq; simul stylo circini signentur rubrica, vel atramento duo puncta. b & a. & stante stylo in puncto b, describatur circulus: & viceversa stante stylo in a, describatur alter circulus, secans priorem in signis d & f: quæquidem sectio decussis, vel decussatio vocatur. Et per ipsa decussium puncta d & f, extendatur altera linea, secans priorem in signo e. Eruntq; quatuor qui sunt ad e anguli recti. Dico igitur duas lineas b a, & d f, ad angulos rectos esse collocatas. Quod oportuit fecisse. Aduertendū est tamen, vt ista fiant



legitimè ipsum solum vbi fit opus esse complanandum, vel quod erit expeditius, clauis quatuor sesquipedales habentur, scalptra centra capitibus habentes, & sub ipsis capitibus semicirculares incisuras, quæ clauis in terrā adactis lineas excipiant ad quatuor signa b, a, d, f. Et sic emendabitur asperitas soli, & centra decussescq; firmius stabunt.

Quod autem dicitur ad angulos rectos, id græca voce tanquam expeditiori Vitruuius pros orthas semper appellat. Ex hoc manifestum est punctum sectionis linearum pros orthas, qualis est e, lineā inter duo cētra circulorum secare per æqualia.




INCIDIT ple-
rumque necessitas,
ut ab aliquo signo
extra lineam rectā
posito, ad ipsam ducēda sit a-
lia linea recta ad angulos re-
ctos; quæquidem peculiari no-
mine cathetos vocatur. Esto
linea recta c d, & signum extra
positum sit f. Oportet iam ex
signo f ad lineam c d cathetō
ducere. Facto centro in f, de-
scribatur circulus secans lineā
c d in signis b & a, & linea b a
secetur per æqualia in puncto
g, & ex signo f in g agatur li-
nea recta f g. Dico. ex signo f
ad lineam c d ductam esse ca-
theton f g. Quod oportuit fe-
cisse. Si autem signum f, sit re-
motius a linea c d, quāmv̄t eō
circini longitudo pertingat.
Ad hoc erit subsidio norma,
quam ad lineam c d sic appli-
cabis, ut per fissuram per spi-
ciatur signum f. Et ex fissuræ
contactu in linea c d; ducetur
sicut prius linea ad signum f.
Semper enim oculorū radij,
rectā procedunt.




RELIQUVM
nunc est, ut scia-
mus per signa da-
ta eiusmodi line-
as rectas ducere, quæ paralle-
li vocantur. Sint data tria si-
gna b, c, d: oportet iam per si-
gna b, c, d parallelos inuicem
ducere. Agatur per vnum

quodlibet ex datis signis, ut pote c, linea recta c f. Et ad lineā c f ponatur pro orthas
linea g f h. Post deinde ex reliquis signis b & d, ducantur ad lineam g f h catheti b g,
& d h.



& d h. Dico tres lineas b g, & c f, & d h esse inuicem parallelos. Quod oportuit fecisse. Et verum est vniuersaliter, vt quotquot lineæ rectæ ad vnā lineam rectam fuerint pros orthas, eas inuicē esse parallelos. Proinde si ad lineam c f, ponatur pros orthas linea b c d: ipsa erit parallelos lineæ g f h. Sciendum est insuper, lineā b c esse æqualem contra positæ sibi lineæ g f. Et lineam f h, æqualem lineæ c d. Sunt etiam tres paralleli g b, f c, h d inuicem æquales. & talis æqualitas in parallelis verum semper obtinet. Hæc super angulis rectis, cathetis, atq; parallelis, quatenus proposito necessarium fuit, præmittenda putauī: sed pingui (quod aiunt) Minerua, demonstrationibus omīssis. Eas enim ab artis ignaris intelligi est impossibile; intelligentibus autem, satis patent ex elementis.



Errores Bartoli circa principia geometrica



BARTOLVS in sua primafiguratione, magna principiorum ignorantia lapsus, super lineis istis quas parallelos, & cathetos ex definitione vocamus, ineptè multum, & præter disciplinæ morem ita disputat, vt velit lineam rectam inspicere, ac distinguere tribus modis. Primò (inquit) an sit recta secundum se. Secundò, an sit recta alterius respectu. Tertiò, an sit recta respectu alterius puncti, qui est in angulo duarum linearum. Et aliter alibi voluit esse aliquas lineas rectas, omni rectitudine. Huius autem generis distinctiones frigidas, & inconstantes geometria non solum non recipit; sed nec vllas omnino patitur. In qua certis, statutisq; terminis, suisque definitionibus omnia concluduntur, vltra quæ non est egredi legitimum. Nihil igitur apud geometras est rectius recto, & quicquid semel est rectum, nusquam, nec vllius respectu desciscit à recto. Optabat itaq; non iniuria Palsidonius philosophus, cæteras artes mathematicis esse similes, in quibus (prout verissimè dicunt) primo gradu certitudinis omnia cōstant. Id autem quod vltimo loco in distinctione dixerat, an sit linea recta respectu puncti, qui est in angulo duarum linearum, exemplis declarat,


p in quinta

in quinta figura, vbi multis conatur ostendere, quomodo linea (vt ait perpendicularis, hoc est cathetos, ad angulum quemlibet duci possit. Quod est inauditum in arte. Talis enim linea non nisi in lineam rectam, vel in planum subiectum duci potest. Ipse præterea Bartolus ab artis recepto more discedens, omiſſis elementorum notis, & in dicatura suam figurarum constructionē colorum mixtura variandam instituit. Quasi validius ad intelligentiam possint pigmenta quam literæ, suis notationibus explicatæ. Hac igitur præpostera nouitate, simul & imperitia describendi contigit authori, vt confusis in vnum atramento librario coloribus, ipsæ figuræ, aliàs etiam descriptione carentes, ita sint in obscuro, vt non nisi difficulter, & diuinatione quadam intelligantur, ab his etiam quibus res fuerit aliàs ex se nota.

De longitudine, & latitudine in agrorum mensura quomodo capiantur.




MNIS superficies (prout definitur in elementis) longitudinem, & latitudinem habet. Sed vbi, vel quomodo dimensiones istæ capiantur, nihil in genere determinatum habemus. Quoniam non est necessarium, immo etiam nec fieri potest idem modus horum in omnibus; sed vel pro rei natura, quā tractamus aliquo respectu, vel etiam necessitate variantur. Aliter enim in theoricis astrorum, & aliter in orbis dimensione, & aliàs in agrorum mensura longitudines, atq; latitudines geometra constituit. Sed iam in agrorum modis (quæ propriè est materia nostra) quam arte procedant videamus. Esto primū in agro figura quadratum $b a c d$. Hic æqualis semper erit longitudini latitudo. Nec quicquam refert vtrum ex duobus lateribus ad angulum cōtiguis longitudinem, an latitudinē constituas. Quippe si fuerit vnū longitudo, erit alterum latitudo. Et si fuerit ager specie rectangulum, tāquam in subiecta forma $f g h k$, quod etiam aliàs, altera parte longius vocatur: si morem vsitatum loquēdi respicias, erit secundū longiora latera longitudo, & secundū breuiora latitudo. At propterea rectangulū huiusmodi Columella dixit longius, quàm latius. Nihil tamen prohibet conuersis ista nominibus appellari. Sed hoc tantū sequitur, vt in alterutro contiguorum laterum posita longitudo, latitudinem transportet in alterum. Veluti si statuatur in $f g$ latitudo, erit in $f h$ longitudo. Et viceversa in $g k$ data longitudo, latitudinem terminabit in $k h$. Amplius di



co, dimen-

Co, dimensiones ambas vno longitudinis vocabulo rectè, & secundùm artem signifi-
cari. Nam vtraq; separatim secūdum lineam capitur. Est autem ex definitione linea,
longitudo sine latitudine. Idipsum ostendit etiam nomen ab arte rectangulo datum,
altera parte longius: quod est perinde ac tu dicas, vna parte longum, & altera longi-
us. In hoc tamen, vt esset distinctio, diceretur longitudo, vt puta, ab ortu in occasum:
& longitudo à meridie in boream. Talis igitur positionum mutatio vicissitudinem
quoq; nominum fecit: quam non nescierunt iureconsulti. Quid enim illis fuit igno-
tum? Nam vbi Caius latitudinem posuit in prædijs, scilicet quæ prope ripam esset,
ibidem Proculus longitudinem collocauit, inquiens: ita vt non excederet longitu-
dinem agri tui. Et quod hic longitudinem, paulò suprâ dixerat frontem, & etiam re-
gionem agri. Quæquidem varietas facta scienter, non ad elegantiam tantum, cuius fue-
runt veteres studiosi: sed multum insuper ad intelligentiam confert. Sed cum sint a-
grorum species ad infinitum variæ, vna tamen omnes longitudinis, latitudinisque
finitione, quantum ad dimensionem spectat, quod aliàs dicitur embadon, ea simili-
tudine, & ratione terminantur, qua & omnis curuis lineis figura, in rectilineam redu-
citur. Et omne rectilineum in quadratum æquale transmutatur. Quo problemate
Euclides, quod esset complementum, ac tanquam scopus præcedentium, librum se-
cundum veluti sua coronide conclusit. Sed iam super hoc exempla tractemus. Est
quælibet agri figura limitibus rectis, siue curuis, vel vtriusq; simul, cõfusa mistione con-
tenta, qualis est in descriptione subiecta B. Sitq; propositum in agro B, per aliquot
loca designata, vtpote h f g longitudines, simul atq; latitudines inuenire. Includatur
ager B rectangulo b a c d, vel etiam laxiore, quàm ad circumscriptionem sit opus. Et
ex datis signis h f g catheti ducantur, in quatuor latera rectanguli, sientq; tres in lon-
gum, & tres in latum paralleli, sese decussantes angulis rectis intra figuram B. Quæ-




quidem vbi suis limitibus secat longiores parallelos, longitudinem suam ostendit, & vbi breuiores latitudinē, vel ē diuerso. Et sic per lineas rectas se decussantes angulis rectis, omnis agri figura longitudinis, atq; latitudinis finitiones faciliē capit. Quod erat propositum. Ex supradictis apparet, in omni figura longitudinem, atq; latitudinem esse secundū lineas, rectas, angulis rectis inter se constitutas. Quæ vna est omnium dimensio constans, atq; certissima. Ad hanc itaq; similitudinem, modus iste latitudinis prædiorum, quam prope ripam statuunt iureconfulti, qualicunq; forma consistat vsurpandus erit, ad diuisiones insularum, & aluei faciendas; quas deinceps ab euidētioribus orsus, qua potero facilitate describam, ipsasq; descriptiones legum auctoritate firmabo.



PR I M V' M ergo ponamus in flumine Rhodano, qui nostratium fines alluit, natam esse insulam, inter trium vtrinq; prædia, latitudinibus secundū fluminis latera directis, ac inter se parallelis. Secundū ea quæ proponuntur rem ante oculos ita ponemus. Describitur flumen crebris inter se lineis inter parallelos b A, & c d; cuius ripæ finiatur etiam intra parallelos b A, & F g, & intra c d & h k. Et ad ripā h k spatij æqualibus disponantur, quatuor termini M N L k, agros distinguentes trium dominorum Titij, Lucij, & Sempronij. Item è regione similiter, ad ripam F g quatuor æqualiter inter se distātes termini F, r, S, V, prædia dirimētes trium possessorum Mæuij, Publij, & Sej. Limites autem in agris ex suis terminis ducantur vtcunq;. Post hæc insula deformatur, prout fortē venerit in manum, tanquam est D C B H, quæ magna sui parte mediū aluei tegat, bina seu cornua D & B ultra citraq; dimidiū diuersē protendens. His itaq; dispositis priusquā ultra progrediar, aliquid super agrorum terminis, limitibusq; dicendum. Hic ego terminos intelligo propriē, hoc est ea signa quibus ager ab agro diuiditur. Qui ferē sunt lapides oblongi, infixi solo, ac paululum extrā prominentes. Sunt qui putent terminos à terendo dici, quòd agri partes circa terminos maximē terātur. Limites autem capio pro semitis, quibus agri secundū longitudinem alter ab altero separantur. Inde agri limitati, de quibus Florentinus meminit, per limites diuisi militibus, vel (vt ait Festus) limitatus ager, in centurias dimensus. Nunc autem ordinem legis insequendo disquiramus, quomodo mediam fluminis partem insula teneat.


Seius






G A T V R in transversum fluminis, & insulæ linea robustior, secans utriusque ripæ lineas ad angulos rectos, in signis E & F: & fluminis latera similiter in punctis P & Q. Oportet autem huiusmodi lineam intendi valide. Quod in latitudine nostra Rhodani, hoc est posteaquam Isaram in se recepit, vix fieri potest, nisi vel fuculæ, vel troclearum organo torqueatur. Quod satis erit esse tripaston. Intensa igitur linea E F, & adacto palo ad signum P, extendatur alia minor ex P in Q. Ibiq; facta fibula de minori linea, caput ipsum reflectatur in alterum immotum, & indatur fibula palo. Sic igitur duplicata, & intensa linea minor, ubi maiorem extremo suo duplici contingit, ibi notetur signum t, per quod linea pros orthas ad maiorem per insulæ longum figatur ad signa C & H. Dico lineam CH dimidium flumen rectè signare, & insulæ distinguere partes, vltiorem scilicet D H, & citeriorem C B. Nam sicut linea minor tota, totam aquæ latitudinem metitur ita & dimidiata, dimidiam. Quam satis fuit hic vnico puncto notare, qualis est t. Quod nequaquam intellexit Bartolus, quamvis dimidium probet, & in Accursij chordula nodum. Nam ut ista (inquit) doctrina sit vera: non sufficit chordulam sic ponere in vna parte, sed ponatur in duabus. Cum ergo insula nostra mediam partem fluminis teneat: iam scimus ex lege Caij, hanc fieri communem eorum, qui ab utraque parte fluminis prope ripam prædia possident, pro modo latitudinis cuiusque prædij. Et quoniam vltior insulæ pars D H proximior est agris Mæuij, Publij, & Sej, illorum est tota. Et hac eadem causa citerior pars C B, tota est Titij, Lucij, & Sempronij. Hoc enim perinde fit tanquam duas insulas vltra, citraque iacentes, rivulus secundum lineam CH disterneret. Hic autem insularum situs circa, vel extra medium fluminis semper, & ante omnia queri debet. Quod in aliquibus suis figuris non fecit Bartolus. Nunc autem vt portiones singulorum distinguamus, ita faciendum. Agantur ex terminis agrorum citerioribus ad lineam insulæ medianam CH, quatuor catheti M I, N O, L X, k G. Et ab vltioribus terminis similiter quatuor scilicet f l, r e, S y, v z. Dico cathetos, siue parallelos huiusmodi singulorum vtrinque portiones in insula distinguere. Ita vt pars intercepta rectangulo M I o N obueniat Titio: & quæ est in rectangulo n o x l Lucio. Item quæ est in L X G k Sempronio. Et tres eodem modo partes ex opposito tribus distinguuntur, Mæuij, Publio, & Sejio. Quod erat propositum. Nunc autem super hac partitione videndum, quomodo & arte simul, legibusque consistat. Modus ille latitudinis prædiorum, ad quem Caius insulas, & alueos vicinis inter se distribuit, nisi geometrico more, hoc est certo, constitutoque capiatur, semper erit incertus, & ad omnem latitudinum, positionumque varietatem infinitam mutabilis. & sic infinitus, immo verè nullus, frustra, & inscienter in lege positus. Quod à iuris veterum prudentia prorsus est alienum. Omnis igitur in proposito dimensio, vt certa sit, & semper eadem, secundum lineas ad angulos rectos est dirigenda, sicut in hac figura per cathetos insulam diuidentes, pro modo latitudinum disposui. Quem ne quis putet à Caio parum diligenter expressum, considerare debet, antiquos omnes nihil magis in scriptis suis elaborasse, quam vt didascalian breuiter, & purè nobis traderent. Cum itaque modum suum Caius secundum latitudinem prope ripam statuisset, nihil amplius ad
ijciendum.

ſciendum putauit: ſciens hoc ex arte neceſſarium, vt latitudinem datam longitudi-
 quæ eſt diſenſionis linea, poſitione data ſequeretur: hoc eſt angulis rectis, prout iam
 ſupra monſtraui, cum de longitudine, & latitudine tractarem. Quod etiam Paulus
 miro quodam breuitatis artificio confirmat, dum locum Can, aut alium ſimilem ſic
 interpretatur. Inter eos (inquit) qui ſecundum vnam ripam prædia habent, inſula in
 flumine nata, non pro indiuiſo communis ſit, ſed regionibus quoq; diuiſis. Quātū
 enim ante cuiuſq; eorum iuxta ripam eſt, tantū, veluti linea in directum per inſulam
 tranſducta, quiſquis eorū in ea habebit, certis regionibus. Quid vnquam ſignifican-
 tius, artificioſiusq; dici potuit? Vbi non ſolum intentio legis, ſed artis etiam dimen-
 ſio, ipſiuſq; modus mirabiliter aperitur. Quod quo magis intelligi poſſit, expenden-
 da ſunt diligenter verba ſingularim, vt eorum deinde ſenſus latius explicetur. Ad id
 primū quod ait, quantum cuiuſq; eſt, ſubintellige latitudinis: quia ſtatim ſequitur
 iuxta ripam, quod agri longitudinem excludit. Sed additur ante, videlicet inſulam:
 quoniam agri latitudo ſola iuxta ripam ad acquisitionem iſtam non ſufficit, niſi ſue-
 rit ipſa ante inſulam, id eſt in conſpectu, vel e regione inſulæ, ſicut plenius infrā vide-
 bitur. Et quod ſequitur, tantū quiſquis in ea habebit, refert id quod præcedit, quan-
 tū, vt ſit ſenſus, quantum in agro ſuo quiſquis habebit latitudinis iuxta ripam, &
 ante inſulam, tantū latitudinis ipſius regio tenebit in inſula. Et quod interponitur
 veluti linea in directum per inſulam tranſducta: hoc totum ad operis formulam per-
 tinet. Cuius organon linea datur, quam intellige ſicut iam dixi, funiculum menſoris,
 cuius extenſio vicem præbet lineæ rectæ, Et propterea dicitur, in directū, quod mul-
 tō plus infert, quā dicere linea recta. Neq; enim poteſt indirectum linea duci niſi ſit
 ipſa recta. Et ediuerſo duci poteſt linea recta, nō tamen indirectum, veluti ſi ducatur
 in obliquū. Qui ductus ſicut opponitur directo: ita & ambo iuncti, vno ſimul exem-
 plo ſeſe demonſtrant. Quod ſit huiuſmodi. Sint duæ lineæ rectæ B C A, & F C D
 inter ſecantes ſe in pūcto C ad angulos nō rectos, & ex pūcto C a ad lineā B A, agatur
 proſ orthas linea C G. Dico
 lineam C G ad lineam B A
 eſſe ductam in directū. Quo-
 niam cū ipſa facit angulum
 rectum. & lineam F D ad v-
 trancq; linearum B A & C G
 eſſe ductam in obliquum.
 Quoniam cum vtracq; ipſa-
 rum facit angulum non re-
 ctum, Ex hoc igitur manife-
 ſtum eſt, quiſnam ſit lineæ
 ductus in directū. Nec hunc
 fieri, aut intelligi poſſe in v-
 na recta linea tantū, ſed mi-
 nimum in duabus rectis. Et
 propter hanc cauſam, ex hoc



quod dicitur in directum transducta, ipsa re cogimur intelligere, ductum talem fieri ad lineam rectam, quæ est latitudo prædiorum iuxta ripam. Nec hunc semel, sed ex singulis agrorum terminis, quandoquidem transduci, unde participium transducta, propriè est de loco in locum transferri. Unde fiunt regiones, hoc est partes in insula certis limitibus, dispartitæ singulis prædiorum dominis. Huius ergo legis artificium sic habet in sensu. Inter eos qui secundum unam ripam prædia habent insula in flumine nata dispartitur, sic ut quantum quisquis in agro suo latitudinis habebit iuxta ripam, & ante insulam, tantum latitudinis ipsius regio tenebit in insula. Quæquidem regiones designabuntur linea recta, per insulam ad singulos terminorum in directum latitudinis transducta. Et ita suam partem singuli tenebunt, non in confuso, sed limitatis, certisq; regionibus. Verum contendat aliquis fortasse, modum latitudinis à Caio positum, non ex hac interpretatione Pauli, sed aliter intelligendum. Sic ut ex latitudinibus in eadem ripa, quæ maior sit maiorem, & quæ minor minorem ex insula partem obtineat. Et si quæ maior duplo esset alia; ita & duplo magis insulam participaret. Atq; ut in deformatione iam posita detur experimentum. Quemadmodum in tribus prædijs. Titij, Lucij, atq; Sempronij latitudines inter se sunt æquales; ita & portiones ipsis ex insula distribuendas æqualiter: quod non est observatum. Plus enim Lucius hinc, quam Titius habet. Et Publius quam Mævius. Ad obiectum, cum non sit præter rationem, dico breviter, partitionem istam pro rata latitudinis cuiusq; à dimensione nostra non excludi: quoties ipsa res, hoc est insulæ situs, & forma permetteret. Velut hinc insulæ forma si marginibus ripæ parallelis, & inter cathetos esset finita, regiones vtrinque vicinis tripartito clauderentur æqualiter. Sed iam dispicendum quid Pomponius in proposito dicat. Ergo (inquit) si insula nata accreuerit fundo meo, & inferiorem partem fundi vendidero, ad cuius frontem insula non respicit, nihil ex ea insula pertinebit ad emptorem, ex eadem causa; quia nec ab initio quidem eius fieret, si iam tunc cum insula nasceretur eiusdem partis dominus fuisset. Hucusq; Pomponius. Frons propriè est in hominis facie, à foraminibus oculorum secundum Varronem dicta. Ad inanimata etiam transfertur. Vitruvius enim in ædibus sacris, & alijs ædificijs frontem vocat partem anteriorem, qua patet ingressus, cui posticum opponitur. Et cum ad aliquam cœli regionem, utpote meridianam, ædificiorum frontes obuerti iuber, ita directionē instituit, ut ad regulam, & libellam explanato loco, ibiq; linea meridiei per gnomonem collocata, (cuius inueniendæ modum ostendit) ea cadat indirectum ad lineam frontis, hoc est angulos rectos cum ea faciat. Et tunc huiusmodi pars ædificij, siue paries secundum lineam frontis erectus reuera meridiem spectabit. Cuius rei probatio fiet per gnomonē rectum, ad planum parietis vbilibet angulis rectis infixum. Tunc enim in ipso meridiei articulo, umbra descendens perpendiculum examussum tenebit. Hanc etiam dispositionem manifestò videbis in descriptione facta, si lineam maiorem ponas esse meridianam, & alterutram riparum parietem. Et talis rerum prospectus in frontem, nisi sub hac directione semper intelligatur, nusquam sibi constabit. Propter hoc itaq; Pomponius in agri parte vendita frontem appellauit, quod sit anterior, ac (sicut dixit Paulus) ante insulam, & unde patet ad fundum ingressus à flumine. Sicut autē frontem prædio tanquam

quam oculos assignauit sic actum respiciendi tanquam sensum in insulam traussert, ut fiat oratio significantior, simul & illustrior. Ad hoc enim metaphora valet præcipue, secundum cuius proprietatem, qualem ex Vitruuio demonstraui, locus hic necessario venit intelligendus. Nunquam enim aliàs discerni, aut intelligi, verè poterit, quid sit insulam ad frontem agri respicere, vel non respicere. Inferiorem partem fundi, hic accipe pro dextra, vel sinistra fundi parte, cuius est latitudo prope ripam reliquæ contigua, quæ est ante insulam. In quo sensu Proculus etiam dixit, insulam processisse contra frõtem agri, & superioris vicini, & inferioris. Nec quicquam magis cauendum, quam partem istam inferiorem in ea positione collocare, de qua Bartolus longo sane, magnoq; conatu disputans, postremam tandem in agro conclusit, qualis est postico locus è regione frontis in ædibus. Quoquidè situ nihil sanè præposterum magis fieri potuit. Quomodo enim in parte vendita frons diceretur, si tota posterior esset? Clarum est insuper, omne ius alluuiõis, & insularum in sola prope ripam latitudine, hoc est in agrorum fronte constitui, & ad posteriora nullum haberi respectum. Quod etiam alibi Bartolus ipse fatetur. Restat nunc, ut huiusmodi prospectum insularum, prospectu etiam oculorum ostendam, ac quomodo cum alijs, quas supra commemorauimus mensuris etiam cõgruat. Resumat figura superior, in qua fingamus insulam natam C O accreuisse fundo Titij, & partem ipsius fundi postea venditã, cuius frons est h M. Quæritur nunquid aliqua pars insulæ C O fiat emptoris? sicut facta est fundi propter quem obuenit insula Titio. Respõdet Pomponius. Nihil ex insula C O ad emptorem pertinere, quoniam ad ipsius agri quem emit frontem insula non respicit. Cur autem non respiciat, causa est: quia nulla cathetos ex insula ad frontẽ h M perducere potest, vel, ut verbis Pauli loquamur, quod idẽ est: quia ex insula C O nullæ lineæ ad totã latitudinẽ h M in directum trãducere possunt. Et itẽ propter hoc, dicta latitudo h M non est ante insulam C O. Ad hoc etiam Caius suis verbis, sed eodem sensu responderet. Nihil emptori commune fieri in insula C O, quoniam mensura pro modo latitudinis h M cõstituta ad insulam peruenire non possit, sicut ostendunt catheti h L & M I. Superest Proculus, quẽ iam audiamus, tanquam Lucio nostro proponenti respondeat. Insula (Lucius inquit) nata est in flumine contra frontem agri mei, ita ut nihil excederet longitudinem regionem prædij mei: & postea aucta est paulatim, & processit contra frontem agri, & superioris vicini, & inferioris. Sed quò facilius intelligas rem tibi figurauimus, relictis etiam lineis istis N O, & L X quibus mensor, & insulæ lōgitudinem priusquam augeretur, & regionem prædij mei ex Caij, & Pauli formula cõclusit. Quare certũ habeo, quicquid inter has duas finitoris lineas ex insula continetur meum iure factum. De eo autem quod accreuit, quæ sunt hæ duæ partes C O, & X B, ex ea causa videtur meũ esse: quoniam meo adiunctum est. Nisi forte eius iuris sit, cuius esset, si in initio nata insula istius longitudinis fuisset, ubi vides duas portiones C O, & X B sic accreuisse, ut procedant contra frontes vicinorum, & superioris Titij, & inferioris Sempronij, sicut ex ductu linearũ N O, & L X apparet manifestè. Quæquidem, & frontis in agro meo prospectum ad extremas insulæ partes prorsus excludunt, & modum latitudinis in medio concludunt. Cũ igitur dubitationem mihi rationes diuersæ faciant,



rogo te quid sentias explica mihi. Proculus respondet ea quæ sequuntur in lege, quorum est sententia: Totum quod accrescit infulæ Lucij, ius alluvionis habere, hoc est acquiri Lucio ipso facto, citra mensoris operam, Idq; non solum si tale procedat incrementum

mentum contra frontes agrorum ex parte Lucij, sed etiam si propius fiat fundis eorum qui trans flumen habent. Ita ut si quinque portiones insulae quae sunt intra regiones praediorum Maenij, Publij, Seij, Titij, atque Sempronij, circa partem primò natam alluione concreuerint, totum id additamentum, parti Lucij alluionis iura concedunt. Et sic insula tota obueniret Lucio. In hoc Proculi responsò ubi dicitur, natam insulam contra frontem agri ita ut nihil excederet regionem praedij, satis apparet eo sensu poni, quo dixit Pomponius insulam ad frontem agri non respicere. Quicquid enim non intra regionem praedij consistit, ad ipsius frontem non respicit, & diuerso. Et ipsa regio praedij nihil aliud est, quam modus latitudinis à Caio dictus, & secundum Pauli formulam constitutus. Frequenter etiam in veterum scriptis occurrit, aliquem locum, vel aedificij frontem esse contra meridiem, vel orientem, & ad eas coeli regiones spectare, nullo discrimine sensus usurpari. Idque apud Vitruuium potissimè, cui super talibus curae fuit intelligenter, & ex arte loqui. Ex supradictis itaque videmus quatuor iureconsultorum terminationes verbis diuersissimis inter se prolatas, in eandem diuisionis sententiam eximulim conuenire, qualem vna figuratione, & artis, & iuris institutis approbaui. Quod est praecipuae, & exploratae veritatis indicium. Bartolus insuper formulam istam non quidem vniuersalem, sed veram simpliciter agnouit. Quis enim tam manifesta negaret? quamuis non sic aperte super insula, sed super alluione ponat exemplum. Et eam dicit esse claram, nec ullis praeterea legum dictis approbat. Quod est illi perpetuò ferè vitium opere toto. Sed tanquam fastidiente stomacho summis labijs degustatam veritatem statim abiecit. Et ad alios, atque alios diuisionum modos importuna quadam subtilitatis affectatione se trahit. Quos omnes ex eo constat esse falsos, quod vnum solum leges constituunt. Quem nulla dispositionum varietate mutari aliquot adhuc rationibus, & exemplis ostendam. Quorum ut sit intelligentia faciliior, ac veluti per se loquatur, figuras omnium, sicut iam feci, similitudine sua naturali depingam. Videlicet flumen crebris inter se lineis insularum areas relinquentibus. Et lapilli temere dispersi, ripas ab agris separabunt. Quorum termini prope ripam exiguis circulis signabuntur. Priusquam tamen ultra progrediar, paululum adhuc quiddam super hac positione quaerendum. Pone in alterutra riparum esse viam publicam, ante terminos agrorum Titij, Lucij, atque Sempronij. Ne longior in re decisa disputatio fiat, voluit Alphenus viam huiusmodi ius alluionis nihil impedire, cum sit etiam ipsa via fundi. Quippe (ut ait Iabolenus) cum via publica fluminis impetu, vel ruina amissa est, vicinus proximus viam praestare debet. Ergo iure sequitur ut quicquid vicinitate viae iniuriam sentit à flumine, ita & eiusdem beneficio inde non priuari. Et idè puto iuris esse, si fossa, seu vallum, vel aquæductus aut aliquid simile locum viae teneat. Sed fingamus iterum viam istam ante terminos positam nunc esse praedium Clodij. Et hoc etiam videtur nihil ob stare. Semper enim latitudines agrorum Titij, Lucij, atque Sempronij sunt prope ripam, pro quarum modo inter eos secundum Caium sit insula communis. Ad hoc dicendum, quamuis sit istorum latitudo prope ripam, est tamen Clodij latitudo propior, & ideo prior, ac potior in insulae iure. Quod non simpliciter latitudini praediorum prope ripam quaeritur, nisi & ad frontes agrorum insula respiciatur, ut Pöponio placet. Talem autem prospectum

DE FLVVIATICIS

obiectus Clodij fundus totum intercipit, quare & totius insulæ citerioris dominium ab alijs auertens in Clodiū trāssert. Verū igitur habet vniuersaliter, quod antea diximus: scilicet omne ius alluionis, & intularū in sola prope ripā latitudine, quæ sit frons agrorum constitui, & ad posteriora nullum haberi respectum.






ÆTERVVM vt dispositiones etiam alias consyderemus, describatur figura similis præcedenti, hoc solū mutato, vt sit ex parte Lucij ripa multo latior altera. Et hanc latitudinem regiones etiam agrorum Titij, Lucij, atq; Sempronij subsequatur; quæ nomina primoribus tantū literis notauī. Dico propter hanc riparū inæqualitatem nihil ex dimensione prius facta mutari, hoc est agrorum vtrinque dominos eisdem quibus antea regionibus insulam participare. Etenim sicut amplitudo ripæ constitutionem ex lege nihil immutat; ita nec ius etiam debet immutare. Nam in agris Titij, Lucij, atq; Sempronij eadem quæ prius frons, atq; latitudo prope ripam, idemque prospectus ad insulam manet. Sed instabit aliquis dicēs, eam quæ prius erat ex parte Lucij prædiorum viciniam ex hac dispositione prorsus aboleri, & eorum qui trans flumen habēt fundos propiores fieri, ac propterea totam insulam istis ratione viciniam accrescere. Quamquidem rationem Caius, Celsus, Alphenus, Proculus, & etiam Labeo, suis responsis prætenderunt. Et hanc solam Bartolus neglectis alijs plerumque sequitur. Ad hæc dicendū, viciniam istam interstitio ripæ nihil impediri: quandoquidē & ipsa ripa prædiorum est. Quod etiam expressit Proculus, dum ait. Item quero? si cum propior ripæ meæ est nata insula. Et paulo post respondens. Si cum fundo meo (inquit) propior in initio fuisset insula. Ecce quæ in quesito dicta est insula propior ripæ meæ, eadem in respōso dicitur propior fundo meo. Quod aliàs verè dici non posset, nisi & ipsa ripa sit in fundo meo. Gordianus imperator de alluionibus tractans, cuilibet ripā suam aduersus rapidi amnis imperum munire permittit. Nemo autem ripam suam dicere potest, cui secundum eam ripam fundus non erit. Præterea si spatium ripæ latius ab vna parte, viciniam transferret in alteram, insulæ diuisio secundum mediam partem fluminis à Caio, & ab alijs vniuersaliter instituta, non solū in hac dispositione, sed in alijs quoque multis locum non haberet. Habet autem semper, & imprimis quæri debet. Ex istis igitur manifestum est latitudinem ripæ, quæ prædijs ad flumen interiacet inæqualiter vel aliàs, insulæ diuidendæ modum, qualem institui, nihil quicquam, vel impedire, vel immutare. Quod erat probandum. In hac insuper figura inter agros Titij, & Mæuij lineam Accursij cum suo puncto collocaui, vt falsitatem ipsius, quam supra retuleram, demonstratione probarem. Quomodo enim modus iste medium signabit in flumine? cum nec etiam flumen attingat. Sed nec etiam vbi riparum latitudo, vel nulla, vel vtrinque fuerit æqualis, quod raro accidit, nodus iste medium ostendit, si non ex Pauli præscripto, in directum lineam transducatur. Sed qualis sit lineæ ductus in directum non aduertit, imo nec fortasse suspicatus est Accursius vnquam. Vnde inter artifices istos latè differentia patet. Ipse enim Paulus lineam suam tractans & iuris, & artis peritiā singularem ostendit. Accursius autem super puncto & linea rancidulum quiddam (vt Persius ait) balba de nare loquutus, & rem, & artem ignorare se prorsus ostendit.



ED inspicere deinceps oportet, vbi latitudo prope ripam non fuerit, sicut hætenus linea recta, & in alueo quem reliquit fluuius, quomodo sit partitio faciendæ. Ad hoc igitur reponatur figura proxima, hoc immutato, vt præ-


dium Lucij latitudinem habeat distortam, & introrsum sinuosam quomodolibet. Ager autem Publij angulosa fronte procurrat in ripam. Curua autem linea R Q significat totum id spatium ad flumen vsq̃, nunc alueum esse relictum, de cuius diui-



sione Caius statim post insulam scribit. Et qualis inter Titium, Lucium, atq; Sempronium debeat esse, modo quæritur. Primum quod ad insulam spectat dico, partitionem ab initio factam, & hic repositam nihil immutari, ex Lucij, & Publij latitudinibus non rectis. Nam, sicut ostendi supra, vbi de longitudine, & latitudine disputatur, curuitates istiusmodi geometrico more reducuntur in rectum, & in angulos rectos. Vnde semper est omnis dimensio certa, & in vnum exitum spectans. Cum igitur propter hæc modus latitudinis nihil mutetur in arte; ita nec in iure diuisio, quod sequitur artem. Merito igitur super his, ad infinitum sese variatibus nulla distinctio facta. vbi autem lex non distinguit, nec nos distinguere debemus, ac tunc potissimè, cum ex hoc, & legis regula, & artis methodus confundatur. Aliter etiam regiones istæ Lucij, & Publij à necessario probantur. Cum enim in medio reliquarum consistant, & terminos cum illis habeant communes; nihil in ipsis mutari potest quin mutetur & in alijs, quarum constitutionem in præcedentibus, omnium legum sententijs abunde probaui. Aut si quis putet, regiones istas medianas fieri posse minores, indiuisum aliquid nullius domini ex insula remanebit. Quod est absurdum. Dico præterea aluei relictæ diuisionem eisdem fieri, quibus & insula modis. Et portiones aluei singulas Titij, Lucij, atq; Sempronij eas esse, quæ suis cuiusq; regionibus ad flumen à ripa productis continentur. Hanc enim Caius eisdem quibus & super insula verbis ordinauit, hoc est pro modo latitudinis, quæ prope ripam sit. Apparet itaq; & alueum fluminis relictum, & insulam ab aluei parte natam vno, & eodem partitionis modo constitui.



TRANS GREDIAMUR nunc ad eam speciem fluminis, cuius vtrinque latera quibus interiacet insula nec recta sunt, nec inuicem parallela, sicut in præcedentibus; sed anfractu flexuoso vtruncq; distorta, prout in subiecto schemate deliniaui. Vbi cæteris adhuc in terminis, ad diuisionem insulæ per medium fluminis bipartito faciendam veniamus. Cuius operatio ab ea quam primum institui, in eo solum differt, quod pluribus locis est facienda, prout hic, aut illic aquæ latitudo variatur. Imprimis igitur intendatur linea secundum fluij latus, qualis est B A. Quæ ripæ curuamina in rectum velut emendat. Traiecta deinde per insulam linea maior in alteram ripam, sic extendatur, vt ad lineam B A sit ipsa pros orthas. Et in opposita ripa agatur ipsi B A parallelos C D. Et sic erit vtrinq; riparum curuitas in rectum veluti translata. Nunc autem (quod in figuratione prima docui) ad lineam maiorem, quæ protenditur inter duo fluminis latera, quæ est aquæ latitudo, applicetur linea minor, ac ea intensa, & postea duplicata, vbi lineam maiorem extremo suo duplici contingit, figatur in insula signum g. Et isto modo linea maiore sæpius per insulam ad lineas B A, & C D in directum transducta, & alia minori duplicata, statuatur per insulam signa, veluti sunt c, d, f, h, i, k. Quæquidem singula, in suo situ, mediam fluminis partem ostendunt. Et quò crebrius disponuntur, eò fiet exactius medium, per lineam puncta iungentem, sicut est c d f g h i k. Huius transductionis vestigia, tribus hinc inde ad lineam maiorem parallelis disposui. Qui modus ad inuentionem medij, in



omni marginum specie vniuersaliter procedit. Et eam demōstrationem habet, quam in prima figura commemorauī. Scire tamen oportet hic vbi crepidines ab vtroq̃, vel ab altero tantū fluminis latere, lineam maiorem sustinebunt, ne solum contingat, tunc esse subsidio perpendiculum. Quod ex linea superstante demissum, suo in terram contactu lineæ duplicandæ situm ostendit. Quosquidem contactus quibusdam veluti lituris ad ipsas parallelos adhibui.

REPONATVR nunc insula bipartita, p̃ lineā CGK amotisq̃ cæteris, præter parallelos BA & CD, collocetur vtrinq̃ tria prædia, terminis non sicut prius ordine recto, sed qualicunq̃ dispositis, omniumq̃ frontibus introrsum, vel extrorsum flexuosis, aut angulatis, prout forte contigerit. Et ex parte Lucij sit alueus relictus, quatenus ostendit linea RQ. Et ex singulis terminis


terminis agrorum agantur catheti ad parallelos BA & CD , pertingentes ad medianam insulæ lineam ck ; factaq; erit diuisio proposita insulæ, simul & aluei relictæ. Cuius demonstratio, ex his quas in præcedentibus iam sæpe posui, satis est in aperto. Si quærat aliquis quisnā sit in istis prædijs modus latitudinis prope ripam? Respondeo eum esse quem regiones singulorum abscindūt ex lineis BA , & CD . Quarum dispositio, vt aptè secundum fluminis latera procedat, mensoris prudentiam exigit potissimè. Cum ex his, & frontes agrorum, & prospectus ad insulam, medianaq; diuisio fluminis maximè dirigantur; vbi dimensionis æquitas tota consistit.



SED iam & eam speciem figuremus, de qua Proculus vltimo capite respōdit. Esto flumen inter latera DF , & GH . Quod prius cum extitit insula BC fluebat inter ripas DF , & LM , ac tunc ipse amnis mediū signabat linea NO . Fundus autem Lucij fuit ad ripam GH . Publij autem ex opposito ad partem LM . Et quoniam insula in initio propior fuit fundo, vel ripæ Lucij, hoc est citra fluminis mediū NO , tota facta est Lucij. Sed cum postea flumen relicto alueo maiore, quod est inter insulam, & fundum vicini Publij, totum fluere cœperit inter eam insulam & fundum Lucij, quærebat ipse Lucius, num etiam insula sua maneat? & nihilominus eius soli, quod flumen reliquit pars fiat sua? Proculus respondet. Nihilominus insulam BC Lucio manere, & alueū qui fuit inter eam insulam, & fundum Publij, mediū diuidi debere: ita vt pars propior insulæ fiat Lucij, & pars propior agro Publij, ipsius esse intelligatur. Hæc autem aluei mediana diuisio, more iam in flumine monstrato, fieri debet. Sic tamen, vt non sumatur in alueo toto quem concludunt latera DF , & LM . Tunc enim esset in linea NO . Sed in ea solū aluei parte, quæ est inter insulæ marginem BC , & Publij fundum LM . Erit igitur tale mediū in linea RQ . Quare pars aluei inter RQ , & LM accrescit Publio, & reliqua Lucio. Quod erat monstrandum. Est autem quod aduertat, quamuis aluei relictæ partitio, semper fiat inter vicinos eiusdem ripæ pro modo (vt vult Caius) latitudinis cuiusq;, nusquam tamen aliàs, præterquam in hoc casu, medianam ipsius diuisionem inter vicinos oppositos lex fieri iubet.

r


Supereſt



Hic, transpositio figurarum errore facta est. Huius enim locus erat supra in eo quod incipit capite Reponatur nunc &c. Et altera cuius ista sedem occupavit, post duas proximè sequentes transportatur, ad paginam 138.



SUPEREST & aliud in rem nostram Pauli responsum, quod operis ratio postulat intelligi rectè. Si insula (inquit) in flumine nata, tua fuerit; deinde inter eam insulam, & contrariam ripam, alia insula nata fuerit; mensura eo nomine erit instruenda à tua insula, non ab agro tuo, propter quem ea insula tua facta fuerit. Nam quid interest qualis ager sit? propter cuius propinquitatem posterior insula cuius sit quæritur? Ad hæc autem inspicienda, pone flumen cōtineri inter parallelos B A, & C D, ac ipsius medium esse lineam F G, vltra quod sit insula M ad agrum Publij. Quæquidem iure propinquitatis tota ipsius facta est. Pono deinde aliam insulam N O P Q esse natam, inter insulam M, & contrariam ripam Lucij; quærens



quomodo posterior insula sit inter Publum, & Lucium diuidenda? Ad hoc respondet Paulus, mensuram hanc insulæ posterioris, instruendam esse ab insula M, & non ab agro Publij, propter quem habuit insulam M. Quoniam hoc perinde valet, ac si insula posterior nata esset inter agros duorum, quorum sit insula M ager, & alter in contraria ripa Lucij. Etenim ad ius Publij, nihil interest qualis sit ager ipsius, hoc est, siue in flumine, siue in continenti. Huiusmodi autem institutio mensuræ ab insula M, quæ nunc agri vicem obtinet, nihil aliud est, quàm diuisio mediana fluminis, quod fuit inter ripam M, & agrum Lucij, quam ostendit linea H L. Aliud autem medium totius fluminis; indicat linea F G. Per hanc igitur medij particularis sumptionem, pars insulæ posterioris, quæ est vltra medium H L, iure propinquitatis accrescit Publio; reliqua verò citra medium pars R Q Lucio: quoniam est citra particulare medium H L. At si e contrario mensura sumeretur ab agro Publij, posterioris insulæ

pars N O' solùm accresceret Publio. Quod erat monstrandum.

Super hoc Pauli responso, ad ipsius declarationem figuram Bartolus adhibuit, quæ est in ordine vicesima quinta, vbi & re, & verbis nihil magis declarat, quàm se Pauli legem non intelligere. Scribit enim iureconsultum dicere, insulam primo relictam in flumine, iure propinquitatis habere ius in alijs insulis postea in flumine natis. Quod minimè verum est simpliciter; sed ita demum si talis insula posterior, inter insulam priorem (vt ait Paulus) & contrariam ripam nata fuerit, prout ea est quam modo posui insula N O P Q. Et hoc est quod dixit Proculus, contra frontem agri insulam nasci, & esse intra regionem prædij. Et Pomponius ad frontem agri respicere. Nec aliàs vicinitatis ratio procedit, si non & fronte, prospectuq; comitetur. Quemadmodum in insula T, quam disposui citra fluminis medium F G, vicinam insulæ N Q; ita tamen ne sit contra ripam Lucij, sed Titij. Quæquidem accrescit Titio, cum intra regionem ipsius tota contineatur. Et si quicquam iuris in ea haberet insula N Q, vt voluit Bartolus posterior terminatio Pauli, cum priore pugnaret; quam ad omnes aliorum examussim quadrare monstraui. Errorem suum Bartolus demonstratione quadam geometrica firmare conatur, vbi priusquam aliqua ponat, aut probet æqualia, communem illam sententiã adducit. Si ab æqualibus auferantur æqualia, quæ relinquuntur sunt æqualia. Infert deinde nulla cõsequentia. Sed constat (inquit) quòd tantum distat circulus vnus à suo centro, quantum distat alius circulus à suo centro. Quod perinde vanum est, atq; ridiculum ac si quis dicat. Quantum Iuna distat à suo cœlo, tantum sol distat à suo. Etenim quicquid est intra figuram, sicut in circulo centrũ, ab ea distare nihil potest. Sed hæc eũ sint ineptissimæ, & ex principiorũ ignoratione proueniant, subtilius forsitan esset ridere, quàm soluere. Hic igitur oscitans Bartolus allucinatus est. Ex omnibus itaq; supradictis, atq; descriptis factis videor ostendisse diuisionis formam vnicã, qualem institui, ad omnem insularum, alueiq; relictæ positionem verum vniuersaliter habere. Qui fuit operis scopus. Nec vllam præter hanc, iuris artiq; rationibus posse subsistere. Sed necdum commẽtatio plena fortasse videbitur, si non & in dimensionibus alijs dissidentibus à nostra, quibusnam vitij laborent indicauero.

De mensuris Bartoli.



VITIOSAS Bartoli diuisiones in genere plurimũ, ac patetis perstringam: singula namq; plenè discutere longum magis, & tediosum, quàm opere precium foret. Nihil tam necessarium erat Tyberiadis auctori, quàm geometricum morem intelligere super longitudine, & latitudine in omni lineamẽtorum specie generaliter capiẽdis. De singulis nãq; dicere immensum, & inexplicabile est. Neq; enim sese frustra defatigasset per infinitas terreni species euagando, quadraginta propè figuris mensuras diuerfas assignare, in quibus tamen (si finiti ad infinitum possit esse comparatio) ne millesimam quidem sui propositi partem assequi potuit. Nam


& latitudinum

& latitudinum curuaturas nusquam attingit. Quæ forma riparum, propter aluiem fluminis solet esse frequentior. Et cum insulæ natæ, alueiq; relictæ partitio eadē forma iuris, & arte procedat (eisdē enim, totidemq; verbis vtraq; præscribitur) alteram tamen ab altera tractatu, modisq; discreuit. Immo nec aluo figurationes vllas attribuit, sed sub alluionibus comprehendere vult. Quarum incrementa iuregentium, hoc est citra diuisionem nobis accrescunt. Præterea cum regiones singulorum, linea (vt ait Paulus) in directum transducta, limitari debeant, ipse tamen in multis, non vna linea, sed duabus, aut pluribus, non in directum coniunctis partitiones distinguit. Et hunc errorem alio cumulat, quod huiusmodi lineas vel ab angulis non rectis, vel à peripheria circulari, nulla legis auctoritate constituit; cuiusmodi formas vel nunquam, vel rarissimè natura riparum effingit. Ista nihilominus duodecim figuris, ab octaua scilicet cōtinuis, curiosè prosequitur. Alia fuit insuper errorum causa Bartolo, quod diuisiones suas semper ita disponit, tanquam nulla sit vnquam ab agris ad flumen latitudo riparum. Vnde fit sæpius, vt cum in aliquam ripæ latitudinem inciderint, nedum ad insulam, sed nec ad fluuium quidem perueniant. Cuiusmodi vitium in Accurtij nodo supra notauimus. Præter hæc circa medianam fluminis diuisionē quæ vulgo ferè nota est turpiter errauit, in septem figuris, ordinatim à trigesima sequentibus. Hæc, & alia superioribus locis, quò veritas depulsis velut errorum nebulis, purior, atque sincerior eluceat, in falsos modos adnotare visum est, sine pertinacia tamē, æquo passurus animo & ab alijs q̄ melius viderint ista refelli. Et sit hæc super alluionibus, & aluo, insulisq; fluminum secundum ius, & artem, in quantum perspexi, commentatio nostra,

De diuisione fructus arboris, in confinio natæ.



CIVS ad finem legis, quam retuli suprā, scribit. Prope confinium arborem positam communem esse. Quod ita Marcellus explicat. Pro regione (inquit) cuiusq; prædij. Huiusmodi autem regiones quomodo capiantur, quod ad intelligentiam iuris maximè faciebat, interpretum nemo tetigit. Id ego via facili, per figurationem, quale sit ostendam. Pone circa, vel intra circulum B esse confinium, id est terminos, siue terminum communē tribus prædijs: scilicet intra limites B D, & B C Caij. Intra B C, & B F Lucij, intra B F, & B D Titij. Et in circulo B, arborem natam, quæ sit frugifera, vt pote nux, vel olea, cuius expansio ramorum maxima per circuitum, perpendicularo dimensa vndecim puncta constituat in solo subiecto. Quæ quidem connexa lineis rectis, endecagonon constituent; sicut est C G H I F K L M D N O. Dico, intra figuram huiusmodi tres regiones suis cuiusq; prædij limitibus, prout iam descriptæ sunt contineri. Et arborem ipsam, quandiu cohæret fundo, communem trium finitis partibus fieri. Hoc est secundum rationem magnitudinis, quam habent inter se tria endecagoni segmēta, videlicet B C D, B D F, B F C. Cum enim cœlum, id est aer rectè superstans endecagono sit commune trium, iure sequi-



L. fi. de
feruit.
L. pe. &
vlti. qd
vi, aut
clam.

tur, & partem arboris in eo coelo constituta illius fieri, cuius solo superstat. Hoc enim habetur in iure pro regula, eius esse coelum, cuius est solum. Istud etiam Paulus in titulo pro socio alijs verbis expressit, inquiens: arborem in confinio natam pro ea parte singulorum

singulorum esse debere, pro qua parte in fundo fuerit. Idem erit igitur, secundum v^r I. illud. triusq; Iureconsulti verba, & in confinio, & prope confinium arborem esse. Sed hîc intellige fundum aerē ipsum fundo superfusum. Neq; enim aliter video, quî fieri possit, vt arbor prope confinium posita, in eo fundo partem habeat, vbi plantam non habet. Nisi fortè tu dicas, partem hanc esse radices in fundos confiniij communiter actas. Qua ratione communicat arborem Caius. Sed cùm sit hoc semper in occulto, tum & ad regiones finiendas prorsus incertum. Restat igitur necessariò, partes istas in solo singulorum de cœlo limitandas, perpendiculo demisso, secundum expensio- nes ramorum extremas. Quæquidem limitatio, prout cuilibet erit in pro impru: ita & regionum quantitates inter se dignoscere, geometrica prudentia destitutus nemo poterit vnquam. In hoc autem schemate, inita ratione diligenter, inuenio regionem Lucij, ad eā quæ est Caij rationē habere super ter & sexagesies partiētem centesimas sexagesimas octauas. Ad eam verò quæ est Titij, supertredicies partiētem ducente- simas decimas octauas. Et in min- mis numeris eo quo dictæ sunt ordinæ disponētur ita, 231, 168, 218. Cōpone simul, sit summa 617. His cognitis, si fructus arboris quadragin- ta corbes impleuerit, ad partitionē ita procedes, regulā disponens logistico more di- cēdo. Si summa 617 habet corbes 40, quid 231? quid 168? & quid 218? Operare multi- plicans singulos trium numerorum in corbes 40; & eorum deinde producta singula- tim partiens in summam 617, prouenientq; in partes, Lucio quidem corbes 14 ⁶⁰²/₆₁₇ Ca- io 10 ³⁵⁰/₆₁₇. Titio 14 ⁸²/₆₁₇. Et sic confiniij prouentum, de sententiā legis, pro regione quisq; sua participabit. Sed cùm arbores incrementum tempore capiant, palam est regio- num dimensionem annis quoq; singulis, cùm inciderit partitio, faciendā. Et sint hæc explicita nobis, circa dimensionem susceptam,

Geometriæ cognitionem Iureconsulto necessariam.





ABIVS Quintilianus institutionis oratoriæ libro primo, geo- metriam oratori cōmodam argumentis, & exēplis ostendit. Quem locum cūm animaduertērem à perquā paucis intelligi, scholijs, & figuris explicui. Omnia autem quæ sunt ibi super oratoris facul- tate disputata, iurisprudentiæ multo magis conveniunt. Et quod ille suo proposito commodum scitè conclusit, id ego nostro non so- lum commodum, sed necessariū verius dicere possum. Etenim sæpius orator veris- similia tantūm, ornatu, artificioq; verborum, quā possit exquisitè prosequitur. At iuris, iustitiæq; minister veritatem ipsam, non fucato, sed naturali suo nitore splendi- dam sectatur. Quæ cūm plærumq; vel rei natura, vel litigantium calumnia sit in ob- scuro, nihil eorum quæ ad ipsius inuestigationem pertinent est ignorandum. Quem- admodum videmus nec ipsos legunlatores ignorasse. Neq; enim æquitatem aliter tenore perpetuo seruare potuissent. Propter hoc igitur imperatorem Diocletianum puto, dixisse. Artem geometriæ discere, atq; exercere publicè interest. Quod autem C. de sit plærumq; iudici super geometricis pronuntiandum, præter ea quæ super insulis malefi.


abundè visa sunt, alijs quoq; multis & rerum, & legum exemplis confirmare possumus. Cuiusmodi nonnulla pro rei demonstratione subiiciam. Quod & Bartolus fecit, figuratione vicesima prima, ubi refert quemadmodum ex solo dolij fragmento totum vas æstimari possit. Nos autem aliam speciem referemus, ubi etiam viri prudentis solertia, sine mensurarū disciplina falli possit. Titius peregrè profecturus saccum grandiore ex linteo confutum, frumēto plenum, cuius erat circuitus pedum sexdecim, & altitudo pedum sex, in horreo Lucij deposuit. Et inter eos conuenit, ut si Lucio videretur, frumēto uti posset, dum æquè probum, & æquali mensura redderetur. Redeunti autē Titio, Lucius quatuor frumenti saccos circuitu pedum quatuor, & altitudine pedum sex singulos, reddere volebat: dicens hanc esse mensuram æqualem deposito. Quoniam & quatuor simul saccorum ambitus, sexdecim pedes, quot in grandiori sacco fuerant constituti, & eadem altitudo sex pedum utrobique permanet. Nec hoc magis in mensuris posse negari, quàm quòd in numeris quater quatuor faciant sexdecim. Titius autem quamuis se videret urgeri sophismate, ac propemodum superari, recordatione tamen quadā sui frumenti, quod aliter aliquando mensus fuerat, quatuor saccorum mensuram à Lucio tãquam deposita multo minorem accipere recusauit. Sed quid faciat, aut quo se vertat Titius, volens contra Lucium agere depositi? Nusquam enim patronum sibi, nisi sit idem geometriæ peritus inueniet, qui causam tam apparenter malam defendere velit, aut certè possit. Sed ponamus inuenisse. is igitur apud prætorē causam sui clientis sustinebit, in hunc modum. Dolo malo facit Lucius, illustrissime præses, qui solum quadrantem depositi, pro toto reddere falsis argumentis prætendit: hoc est quatuor saccos frumenti, pro sexdecim, quot habuit depositum. Hoc autem ita demonstro. Palam est saccos frumenti plenos cylindri, id est columnæ rotundæ formam habere, & ipsorum bases esse circulos. Cylindri autem æque alti (ut proponit Euclides in vndecima secundi solidorum) inuicem se habent sicut ipsorum bases, quæ sunt circuli. Circulorum autem (per secundam eiusdem libri) inter se ratio, est sicut, quæ ab ipsorum diametris, quadratorum. Cum igitur in grãdiori sacco basis circuitum habuerit pedum sexdecim, & in vno quoq; ex saccis minoribus basis circuitum habeat quatuor pedes, grãdior basis se habet ad minorem, sicut 256 ad 16, id est sicut sexdecim ad vnum. Ergo saccus grandior vnum ex istis minoribus sexdecies cõtinebat: quare & ipsos quatuor, quater. Vnde manifestum est mensuram istam quatuor saccorum, esse tantum quartam partem grandioris. Et nequaquam æqualem ipsi depositæ, prout calumniatus est Lucius. Quem propterea peto damnari; ut bonam fidem agnoscēs, integrè depositum Titio restituat, impensalq; iudicij quibus nos iniuriā vexauit refarciat. Hæc erit rei demonstratio, quæ nunquam refelli possit. Et quam iudex, si fuerit in arte peritus, statim intelliget esse verissimam. Alias autem, nullo modo: sed vel Lucium absoluet, aut adiucato Titij multam dicet, tãquam quæ nihil ad probationem facerēt, & mera quædam somnia in re manifesta locuto. Sed ne geometris tantum videar ista demonstrasse, qui & nunc rari sunt, semperq; fuerūt seculis omnibus. Quod & M. Varro ætate sua conquestus est. Nam pleriq; omnes cum propter difficultatem, tum etiam (ut nunc sunt mores) ob sterilitatem, ab exquisitissima omnium disciplina refu-

giunt.

giunt. Aliud (inquam) probationis genus imperitis etiam facilimum sequar. Quod quoniam in forma rotunda non ita manifestè procedit, in quadrata, quod perinde valet, dabitur experimentum. Describatur quadratum $BACD$, cuius latera singula secentur æqualiter in quatuor partes, & per ipsas sectiones agantur in longum, & in latum paralleli, sese decussantes, atq; dividentes quadratum $BACD$ in sexdecim quadrata inuicem æqualia: quorum latera singula ponamus esse pedem. Erit igitur in quadrato $BACD$ circuitus pedum sexdecim, & in vnoquoque ex particularibus, pedum quatuor. Fingamus nunc saccum grandiore plenum frumento, erigi forma quadrata rectè super basi $BACD$, cum suis sectionibus, in altitudinem pedum sex, quale est corpus M . Videmus itaque huiusmodi saccum grandiore, intra se continere sexdecim minores inuicem æquales, & æquè altos prout decussatio superior ostendit: quorum quatuor signati, f, e, i, o , sunt quarta pars grandioris. Quod erat probandum. Quæ autem in quadratis corporibus ratio, eadè & in rotundis obtinet. Nam & cìrculì diametrorum quadrata sequuntur. Ergo, quamvis apud non intelligentes verum maximè videatur: est tamen falsissimum, quatuor saccos æquales inter se, æqualemque simul circuitum, & altitudinem vni grandiori habentes esse eisdem æquales. Ex hoc enim sequeretur partem esse æqualem suo toto. Quod est per absurdum.



f Ad legem



Huius figuræ locus, erat suprâ ad paginam 129.

Ad legem Papiniani, diuortio.



MULTIS insuper exemplis sine fine, & in hæreditatibus, & in her-
ciscundæ familiæ modis posset ostendi, iuris dispositiones, sine geo-
metricis, exequi non posse. Nec etiã pauca versantur in iudicijs sub
fidium geometræ circa calculos requirētia maximè. Cuius est mu-
neris perinde tractare numeros, atq; figuras: quorum elementa mi-
scuit Euclides. Disciplina tamen numerandi sine geometricis etiam
constat: sed non e contrario. Et huiusmodi cognitionem separatam habentes vocat L. spa-
Modestinus Calculatores: qui vulgo rationarij dicebantur. Vlpianus autem Tabu- donem.
larios. Sed inter calculatorem & tabularium hoc interesse puto: vt sit calculator, qui de excu-
computationes calculis instituit. Tabularius autem, qui caracteribus numerorum in tuto.
tabula supputat: qualem Pithagoras primùm instituit. Quod maioris est artis, lon- L. vlti.
geq; peritius. Verùm proprietas ista non semper obseruatur, Tales etiam logistici di- si men.
cuntur. Sed vt ad rem veniamus, Papiniani lex Diuortio, modos partitionis fructu- fal. mo.
um fundi dotalis inter virum & mulierem post diuortium constituit. Quos iuris in-
terpretes verbosis commentarijs huc & illuc diuersè trahentes, confusione, pugnaq;
rerum, materiam totam in obscuro relinquunt: ita vt sit ipsa lex difficultatis opinio-
ne famosa. Solent enim falsis opinionibus errantes, nec ipsi sibi plurimùm, nec inter
se constare. Id autem nō erit operosum perspicere, si Papiniani sensum paulo diligen-
tius attenderimus. Quem sunt qui putent ab Vlpiano referri in secundo capite legis:
quod ex consequenti rerum ordine magis est vt credam. Et sic etiam in ædizione
noua Pandectarum habetur. Primùm igitur Vlpiani verba subscribam, sicut habentur
ad titulum soluto matrimonio, libro xxiiij. digestorum.

V L P I A N V S.



REVCTVS eos esse constat, qui deducta impensa
supererunt. Quod Scauola & ad mariti, & ad mulie-
ris impensas refert. Nam si mulier pridie vindemias doti
dederit, mox sublatis à marito vindemijs diuertit: non
putat ei vndecim duntaxat mensium fructus restitui, sed
& impensas quæ antequam portiones fructuum fiant deducendæ sunt.
Igitur & si maritus aliquid impenderit in eum annum: vtriusq; im-
pensæ concurrent. Et ita est si impensarum à muliere factarum ratio ha-
beat, cum plurimis annis in matrimonio fuerit, necesse est primi an-
ni computari tempus, quod sit ante datum prædium. Papinianus.

Diuortio facto fructus diuidi ait, non ex die locationis, sed habita ratione præcedentis temporis quo mulier in matrimonio fuit. Neque enim si vindemiæ tempore fundus in dotem datus sit, eumq; vir ex calendis Nouembris primis fruendum locauerit, mensis Ianuarij suprema die facto diuortio, retinere virum & vindemiæ fructus, & eius anni quo diuortium factum est quartam partem mercedis æquum est. Alioquin si collectis vindemijs altera die diuortiū intercedat: fructus integros retinebit. Itaq; si in fine mensis Ianuarij diuortium fiat, & quatuor mensibus matrimoniū steterit: vindemiæ fructus, & quarta portio mercedis instantis anni confundi debebunt, vt ex ea pecunia, tertia portio viro relinquatur. E' contrario quoq; idem obseruandum est. Nam si mulier percepta vindemia, statim fundum viro in dotem dederit, & vir ex calendis Martij eundem locauerit, & calendis Aprilis primis diuortium fuerit subsequutum: non solum partem duodecimam mercedis, sed pro modo temporis omnium mensium, quo dotale prædium fuit, ex mercede quæ debebatur, portionem retinebit. Item si messes eius anni, quo diuortium factum est, colonum ex forma locationis sequantur, ante vindemiam soluto matrimonio; nihilominus pecunia messium in cōputatione, cum spe futuræ vindemiæ veniet. Apparet igitur ex his, illos fructus quos mulier percepit antequam nuberet, non debere in contributionem venire. HÆC sunt verba legis, quibus fructuum dotalium diuisiones post diuortium faciendæ quatuor modis ordinantur, quatenus totidem casibus varijs eueniunt. Super quibus priusquam opiniones aliorum attingam, sensum meum breuiter explicabo. Ad primam igitur speciem dicamus. Mæuia nubens Titio, calendis Octobris, fundū plenum dedit in dotem, cuius vindemiæ fructus decem & octo aureorum æstimatione taxati sunt. Sed ante datum prædium impenderat in culturam mulier aureos quatuor. Mox sublati à marito, duorum aureorum impensa, vindemijs, expleto mense factum est diuortium. Quæro, quænam sit diuisio fructuum vindemiæ inter virum & mulierem? Respondet Vlpianus ex sententiâ Scæuolæ, antequam fructuum portiones fiant impensas vtriusq; deduci. Primū igitur ex aureis decem & octo vir quatuor mulieri pro cultura refarciet, duosq; sibi retinebit, eritq; residuum, aurei duodecim, ex quibus portiones ita fient, vt ad rationem vnius mensis, quo matrimonium stetit maritus vnum habeat, & reliquos vndecim mulieri restituet. Sed finge, cæteris vt posita sunt stantibus, post quatuor annos, & mēsem, matrimonium disruptum. Dico, eadem qua prius

ratione

ratione deductis impensis, fructus vndecim mensium ultimos vir mulieri reddere debet. Hæc est diuisionis prima species. Secunda deinde sequitur ex capite secundo, quod est Papiniani. Dic igitur. Mæuia calendis Octobris nubens Titio, vineam plenam doti dedit: cuius vindemiæ fructus, deductis impensis, duodecim aureis aestimati sunt. Eamq; vir ex Calendis Nouembris primis, id est proximè sequentibus, fructum locauit, annua mercede aureorum duodecim. Mensis deinde Ianuarij suprema die distractum est matrimonium, cum quatuor mēsis steterisset. Quæritur, quænam portio fructuum istorum, vindemiæ scilicet, atq; mercedis Titio relinqui debeat? Papinianus respondet. Ad portionem viro faciendam vindemiæ fructus, id est aureos duodecim, & quartam partem mercedis instantis anni, hoc est præsentis, quæ est tres aurei, in vnam summam confundi debere, quæ sic erit aureorum quindecim: vt eius summæ tertia pars, hoc est aurei quinque, viro relinquatur. Hæc nobis formulam diuidendi Iureconsultus præscripsit in qualibet anni locationis parte seruandam. Exempli gratia. Pone cæteris stantibus sex menses durasse coniugium: habet igitur locatio quinque. Quare quinque duodecimæ partes mercedis, quæ sunt aurei quinque, cum duodecim fructuum compositæ, ex septemdecim numero, dimidium, quod est octo aurei cum semisse, portionem anni dimidiò respondentē, viro cōstituent. Item si mulier duodecim menses nupta permanserit, summam trium & viginti cōponent, quæ tota viro debetur: quia toto anno matrimonium tenuit. Quoniam igitur ab vna ratio peruenit in assem, nihil habet amplius, quò possit extendi. Quod si mensis adhuc vnus annum istum coniugij cumulauerit: dico portiones duodecim mensium anni primi, eas esse quas modo dixi, mensis verò sequentis diuisionem ex sequentis capite legis faciendam, quæquidem erit vnus aurei. Et sic in tredecim mensibus duorum annorū fructus integros maritus habebit. Si verò locationis merces vindemiæ fructus excedat, vel contrā: nihil propter hæc inæqualitatem computationis ratio mutatur. Sed inde viro sua portio crescit, aut decrescit. Et idem tenendum, si fuerit ipsa locatio, supradicta serior, vt pote, facta calendis Decembris: tunc enim, nō quadrans mercedis, sicut antea, sed sextans, qui sunt aurei duo, cum vindemia confusi, ex numero quatuordecim, trientem hoc est aureos quatuor, & bessem vnus, marito pro sua parte constituent, ac ita deinceps. Et quò serius post nuptias erit locatio facta, eò fiet minor portio viri. Vnde patet formam istā calculi anni spatium transgredi non posse. Quandoquidem ipse maritus totos vindemiæ fructus ex vtroq; legis capite, anno peracto lucrificat: quare non amplius in contributionē veniunt. Quicquid verò temporis ad annum primum expletum accedit ante diuortium, cum est fundi dotalis locatio facta, ad sequentem legis speciem est referendum, vbi dicitur. Ecōtrario quoque idem obseruandum est. Verè contraria secundæ, in qua datur vinea plena, hic autem vacua. Et quod dicitur idem obseruandū, sic accipere debes: vt diuisionis ratio, non tempus locationis, sed matrimonij sicut præcedens respiciat. Aliàs enim in positione summæ differunt, cuius ratio postea dabitur. Quod exemplo statim subiecto declaratur, vbi locatio vno tantū mense diuortium præcessit, & tamen ex ipsius tota mercede, pro modo quinque mensium, portionem viro retinere permittitur, id

est aureos quinq; , si quanti prius locatio fuit. Quartus demum subiicitur casus, ex principio, item si messes. vbi fundus dotalis intelligi debet vlmarium vineale, vel arbustum gallicum, quod (vt ait Columella) vocatur rumpotinum, vel etiam vinea iurgata, tam latis inter ordinibus, vt aratro colatur, & segetes producat. Dicemus igitur in proposito, prædium huiusmodi perceptis à muliere vindemijs antequàm nuberet datum fuisse doti, vt puta Calendis Nouembris, & post mensem à marito fuisse locatum, ea lege, vt colonus messes sibi haberet, aureorū mercede quindecim, & ipse maritus vindemiam totam perciperet. Contigit autem eo anno ante messem, vt puta calendis Maij, diuortium fieri. Quæritur, de fructibus istis quænam sit portio viri? Respondet Iureconsultus, pecuniam messium, in computationem cum spe futuræ vindemiæ venire. Igitur antequàm fieri cōputatio possit, expectandum erit tempus, quo collecta vindemia æstimationem pecuniæ recipiat; quam pone vt sit aureorum viginti quinq;, adde pecuniam messis, aureos quindecim; fiunt in summam aurei quadraginta, cuius dimidium, quod est aurei viginti, viro debentur; quoniam sex mensibus dotale prædium fuit. Sed quia mulier fundum plenum à diuortio recipit, marito de fructibus cauebit, sicut ad finem lex ista disponit. Si autem post messem diuerterit mulier: nihil propterea calculi forma variatur, nec super hoc distinctionem lex adhibuit. Quoniam totius anni (vt ait Paulus in lege sequenti) vnus fructus est, cuius si non esset locatio facta, partitio ad aliam præcedentem Vlpiani legem pertineret; vbi de diuisione fructuum sine locatione disponitur. Ex supradictis infert Iureconsultus, illos fructus quos mulier percepit antequàm nuberet, non debere in contributionem venire. Et nos ediuerso possumus inferre, illos fructus quos mulier dedit in dotem, debere cum alijs anni primi fructibus, ex locatione factis, in contributionem venire. Et si nulla fuerit locatio, fructus tantum datos contribui, pendentes autem mulieris fieri. Sensus itaq; legis is mihi videtur esse, qualem præcedentibus formis explicui. Nunc autem superest, vt interpretationes etiam aliorum inspiciamus, inquirentes sedulo, quænam tantæ confusionis causa fuerit, qua ius totum istud diuisionis obscurant. Huius rei caput, & author præcipuè mihi videtur Accursius, cui tantum interpretes cæteri tribuunt, quântum vni cuiilibet ex legislatoribus antiquis. Ipsius enim scholia (vel vt dicunt glossas) quæ super legibus scripsit, non minori cura, studioq;, quàm ipsas leges interpretantur. Conclusiones inde, limitationes, ampliaciones, illationes, notabilia, singularia, idq; genus alia suo more colligendo. Videndum itaq; quid super Papiniani diuisione senserit Accursius. Imprimis enim, super verbo diuortio, factum ita proponit. Berta nupsit Titio, & reliqua. Vbi vindemiæ datæ præcium ideo nō expressisse videtur, vt magis confusè postea, super viri portione faciendâ, loqui posset; cuius cōstitutio ipsum erat ex lege quæsitum. Quod tamen non aduertens, de proposito quæstionem facit. Quæro (inquit) quântum dicas hic durasse matrimonium? Iam enim & ab ipso, & in lege dictum erat, quatuor mensibus durasse. Ad quod deinde sub distinctione ridicula respondet, hoc modo. Dic (inquit) quod si inspicias tempus locationis inuenies tribus mensibus durasse, si verò inspicias tempus, quo fuit matrimonium contractum, inuenies durasse quatuor mensibus. Hoc autem æquè vanum, & stultum est ac si dicas. Si numeres primum mensem ma-

trimonii

trimonij cum alijs tribus, inuenies durasse quatuor mensibus. Si verò primum relin-
 quas, inuenies durasse tribus tantum. Infert deinde. Et sic (inquit) tertiam partem vin-
 demix, & mercedis habet vir. Ergo secundum Accursium si fuerint vindemiæ fru-
 ctus duodecim aureis æstimati, totidemq; locatio facta: vir pro sua portione retine-
 bit aureos octo. Quod est omnino contra mentem, & verba Papiniani. Hoc autem
 quamuis cæteri ferè non sequantur, nemo tamen præter Baldum improbat aperte.
 Dicit enim glossam in hoc male loqui, & eam quam dixi partem, hoc est aureos quin-
 que viro distribuit. Qui verus est intellectus verborum legis. Immo nec ipse etiam
 Accursius in hac sua diuisione persistit. Sed statim in sequentibus, magna sibi leuita-
 te contradicendo, ita suas & aliorum opiniones diuersas implicat, vt verè videatur,
 clausis quod aiunt oculis Andabatarum more pugnare. Nam in expositione proli-
 xa, quam vocant glossam magnam, super verbo, tertia portio, id est (inquit) tres au-
 rei. Quod est falsum euidenter, etiam si vindemia vel vno solum auro taxetur. Iam
 enim locationis mercedem posuerat aureos duodecim, quorum tertiam portionem
 non tres, sed quatuor esse, quis est qui non videat? Huic tamen errorem tam mani-
 festum nullus adhuc, quem viderim, notauit, nisi quod omnes propemodum in hoc
 loco, pro tertia portio, legunt quarta portio, nihil super hoc causæ dicentes. Sed istud
 est corrumpere legem, in qua dicitur, vt ex ea pecunia tertia portio, in quam portio-
 nem tertiam, interpretatio tres aurei, ordine suo cadit: statim enim sequitur eam, quæ
 fit super verbo, Ex ea. Omnes tamen glossæ in huiusmodi tacito consensu absurdè sic
 emendatam, conatibus magnis declarare nituntur: quàmuis totam ferè singuli, pro
 parte sua quisq; reprehendant. Et cùm tota sit argurationibus minutis tanquam in
 frustula temerè conscissa, ac scopæ (vt aiunt) dissolutæ, eam tamen, diuisionibus alijs
 super alijs, ordinare, & tãquam iuncturis quibusdam, & articulis colligare satagunt.
 Sed porro tandem nihil aliud, quàm cum magistro suo in incertum vagando fatigan-
 tur, suoque labore nil magis, quàm dubitationem relinquunt studiosis. Quod sanè vi-
 dens, magis quàm virans, aut emendans Bartolus, Nulla est (inquit) in toto libro, hac
 glossa difficilior, cuius computationem, nec scholastici, nec doctores intelligunt. Sed
 verius dixisset, nulla confusior. quamquam cõfusionem ipsam, falsis præsertim, con-
 trarijsq; permistam, semper comitatur obscuritas. Qua nullum ferè maius in inter-
 prete vitium. Sed cùm, & antè, & post Accursium, omnes videamus super hac par-
 titione, vel in errore, vel in dubio fuisse: id in causa puto, quod rationem Papiniani
 non intelligentes, verba etiam, non tam intelligere non potuerunt, quàm (vt sic di-
 cam) noluerunt. Neq; enim sunt alioquin obscura. Putant enim Iason, & Alexander
 alijsq; sequuntur, iniquum, & absurdum esse, vt cùm vir duodecim tantum mensibus
 onera matrimonij sustinuerit, fructus tamen propemodum integros duorum anno-
 rum, ex hac dispositione consequatur. Et in hoc dicunt totam legis difficultatē con-
 sistere. Multisq; rationibus in vtrinq; sententiæ partem ita disputant, vt dubitatio-
 nem magis inferre velle, quàm auferre videantur. Ea autem quam quærimus ratio,
 non ex longinquo, sed ex ipsa mihi lege petenda videtur. Primum enim, quod ait Pa-
 pinianus, diuortio facto fructus diuidi debere, non ex die locationis, sed habita ratio-
 ne præcedētis temporis, quo mulier in matrimonio fuit. Ex hoc iam aperte videmus

mercedem locationis, tanquàm fructus instantes, esse diuidendam. Deinde, quod ait, non esse æquū, vt & vindemiæ fructus, & quartam partem mercedis eius anni, quo factum est diuortium vir retineat. Hoc ad cōsutationem opinionis illorum dicitur, qui putarent vindemiæ fructus stantes, eo statim momento, vt sunt traditi, vnà cum fundo, ipsius mariti fieri. Quoniam (vt Caiso visum est fructus pendentes, pars esse fundi videntur. Quartam autem mercedis partē etiam marito deberi volebant, propterea quòd (vt in petitione hereditatis Vlpianus tradit) Merces à colono acceptæ loco sunt fructuum. Hic autem pro tribus mēsis acceptas à marito, vel ipsi debitas fingebant, aut ex conductionis lege, vel magis ex regula iuris, vt qui actionem habet, ipsam rem habere videatur. Hanc opinionem, eò quo dixi, vel alio iure fundatam, Papinianus, æquitatis ratione prætenta, magis emendat, quàm improbat; rectè deducens, ex hoc sequi, vt si collectis vindemijs altera die diuortium intercedat

L. fructus de rei vñd. fructus integros vir retinebit. Si enim (vt scribit Vlpianus in iure dotium) æquum est maritum, cum onera matrimonij subeat, fructus etiam percipere: ita & iniquum erat, vt sine oneribus commoda fructuū participaret. Hanc autem deductionem non intelligens Accursius, interpretationem pessimam facit ad verbum alioquin: id est (inquit) si dicas lucrari omnes fructus, sequuta locatione: ergo idem erit ea non sequuta. Hoc enim ex præcedentibus nullo modo sequitur: sed ita, Alioquin, hoc est si dixeris æquum esse, vt in qualibet anni parte, vtpote in quatuor mensibus, facto diuortio vir habere debeat integros vindemiæ fructus, tanquā ab initio datos, æquum erit etiam, vt vel si vno die tantum, matrimonium steterit, quo nihil, vel quàm minimum oneris maritus subiit, tamen cum sit etiam dies anni pars, integros itidem fructus retineat. Quæquidem iniquitas ad extremum suum ita deducta, sic apparet, vt verè transeat in absurdum. Hoc igitur vindemiæ lucrum Papinianus suo calculo sic emendat, vt non nisi anno peracto totum fieri possit, & in partibus anni proportionē temporis, quo matrimonium stetit. Quæ ratio, in omni dotalium fructuum diuisione vniuersaliter obtinet: vt ex casibus suprā relatis apparet. Aliàs enim nec iure, nec arte constaret diuisio. Partes autem mercedis, secundum locationis tempus, non totas proportionē spatij locationis viro distribuit, sicut prior opinio faciebat: sed admirabili quodam iuris, & artis ingenio ac verè Papiniana ratione, hoc est subtilissima, calculum mercedis cum vindemia, ita moderatur: vt duos fructus, natura, & tempore diuersos, in vnā computationem concludat, quæ & cōiunctim, & separatim rationem temporis matrimonij secundum regulam tenet. Nam sicut anni pars maior, quæ mulierem respicit, ad minorem est dupla: ita & ex vindemiæ fructibus, portio mulieris aureorum octo, ad portionem viri aureorum quatuor dupla est. Et similiter ex pēsione mercedis, aurei duo mulieris, ad vnum, qui est viri, rationem duplam obseruat. Noluit autem Papinianus diuisionis suæ formulam facere disiunctim, sicut modo retuli, sed quod fuit expeditius, & magis ex arte, cōiunctim, geometricum illud theorema non ignorans. Si fuerint quotlibet numeri proportionales, erit sic vñus antecedentium ad vñum consequentium, sic & omnes antecedentes ad omnes consequentes. Velut in exemplo nostro, quatuor numeros proportionales habemus, sicut octo, ad quatuor, ita duo, ad vñum. Ergo sicut octo ad quatuor, sic octo duoq; simul,

simul, id est decem aurei, quæ est portio mulieris, ad quatuor & vnum, hoc est ad quinque aureos, portionem mariti, rationem duplam observant. Et ita partitionem habemus artificis ingenio mirabilē, in qua fructuum diuersorum partes, pro rata temporis vnius, procedunt, & ad distributionē totam vtraque, totum suum tempus adimplet. Nam sicut maritus in anno matrimonij vindemiā totā consequitur: ita & in anno locationis totā mercedē: & sic tredecim mensium spatio duorum prouetus annorum. Quod (sicut iam dixi) plerique omnes arbitratur iniquum. Sed iam dispiciamus, quænam fuerit duplicationis istius causa. Etenim in primo casu, vinea plena datur in dotē, quemadmodum & in secundo. Sed in primo solos vindemiæ fructus pro rata temporis vir sibi retinet. In secundo autem vnā cum ipsius vindemiæ parte, ad rationem qua prius, mercedis etiam partem. Cum sit igitur primi casus à secundo differentia, locatio solum, impossibile est adiectionem istam aliunde fieri, quam ex locatione mariti, cuius mercedes, fructuum loco sunt, prout iam fuit, ex sententia Vlpiani, supra relatum. Et (sicut Pomponio visum est, ubi causas pignorum tractat) in prædijs rusticis fructus, l. in prædijs. in quibus cau. pign. vel ypo. l. secunda, locati & cō. qui ibi nascuntur, tacite intelliguntur pignori esse domino fundi. Nemo autem nisi ex re sua pignus contrahit. Nec obstat si dixeris, ipsas mercedes ita demum fieri locatoris, cum tempus ipsarum, hoc est locationis terminus aduenerit. Licet enim tunc debeantur ex toto: non tamen ex hoc sequitur, ut non & antea debeantur ex parte. Et sic iure locationis acquiruntur marito. Præterea, cum locatio & conductio (ut Caius inquit) emptioni & venditioni sit proxima, hisdemque iuris regulis consistat: simul ac contrahitur locatio, id est ubi de mercede conuenerit: & ius habet in mercede locator, sicut & colonus in fructibus. Quod igitur ex sua persona, hoc est sine locatione, maritus non haberet: hoc per extraneum qui est colonus habere potest. Et hoc (ut Paulus testatur) sæpe contingit. Ex quibus apparet optima ratione fieri, ut facto diuortio, maritus ex fructibus locationis, tanquam ex re iam per contractum facta sua portionem sibi retineat. Nihil igitur iniquum (ut isti putant) in hac distributione fecit Papinianus: sed præcipua iuris, & æqui, simul & artis prudentia, ius suum viro, mulierique distribuit. Interest itaque viri, fundum dotalem anno primo locauisse, ad duplices fructus, distracto coniugio, participandos. Sicut etiam ipsius interest, res dotales non æstimatas accepisse. Idcirco (ut ait Vlpianus in iure dotium) quod nec periculum rerum ad eum pertineat. Quod autem in hac specie merces in computationem aliter, quam in sequenti veniat: hoc ideo est: quoniam principium locationis ad caput anni matrimonij refertur, ne tempus aliquod onerum maritalium sine fructibus esset. Quare sicut tota totum sequitur: ita & debuit portio partem. Ex quarto capite legis doctores, Accursio duce, sententiam tribus modis eliciunt: cum tamen, nisi temere diuertas ab intellectu recto verborum, vno tantum, & eo, quem supra dixi, colligi possit. Quod enim dicitur, Si messes colonum ex forma locationis sequantur, non aliter accipi potest, quam ut colonus messes ad pecuniam conduxerit, præsertim cum statim sequatur, Pecunia messium in computatione cum spe futuræ vindemiæ veniet. Si enim voluisset intelligi iureconsultus vindemiā fuisse locatam: nunquam dixisset spem, sed sicut prius, mercedem. Præterea si vindemiā mercede condu-

etiam intelligas, non erit differentia casus istius à præcedenti: cum dici non possit hic esse duos fructus, & vnum antea solum. Quoniam (vt ait Paulus) in lege sequenti, totius anni vnus fructus est. Nunc autem restat, vt interpretationem nouam Alciati dispiciamus, qui tempore nostro ius ciuile magna celebritate professus est. Is enim super hac lege, sicut omniū quos legerim nouissimè, ita & pessimè scripsit. Nam & Papinianum oppugnat apertè, cuius sententiam adhuc nemini satis perspectam existimat, & expresso lapsum errore fateri necesse contendit, si sensu qualem suprà reuli diuissio capiatur. Quam vbi argumentis aliquot friuolis labefactare conatus est, suam ipse demum partitionis formulam sic instituit. Opinor (inquit) Iurecōsultum sensisse, non totius vindemiæ fructus, cum quarta portione mercedis instantis anni confundendos, sed dandam marito quartam partem eius mercedis. Deinde ita fructus ex vindemia cum ea mercede cōfundendos, vt tertiā portio redditus annui, id est mercedis instantis anni penes maritum resideat. Veluti si fundus duodenis locatus sit, ternos maritus acquirat, & demum ex vindemiæ fructibus tantum illi suppleatur, quantum satis sit ad tertiā portionem constituendā, quod ex prædicto casu vnum erit. Et quamuis vindemia vel senis, vel denis, vel quoquo precio æstimata proponatur, ex ea solum marito relinqui debeat, quod mercedi additum tertiā redditus partem faciat. Nec huic intellectui verbum cōfundi, quod generaliter fructus respicit aduerfatur, cum non simpliciter fructus confundi Papinianus scribat: sed ita confundi, vt tertiā portio mercedis instantis anni viro relinquatur. Subsistetq; hoc responsum æquissimo iure, vt quoniā tertiā anni parte maritus onera matrimonij sustinuit, tertiā quoq; annui redditus partem habeat. His verbis Alciatus, libro tertio paradoxorum, opinionem suam non minus falsam, quam ridiculam planè, & apertè nobis ostendit. Quis est enim tam obtusus qui non videat: in toto Papiniani responso hoc agi, vt ex duobus fructibus vindemiæ, scilicet atq; mercedis viro sua portio constet: de qua primū censetur non esse æquum, vt & vindemiæ fructus, & eius anni, quo diuortium factum est, quartam partem mercedis vir sibi retineat. Sed ex duobus istis fructibus partitio temperatur, ita vt secundum æstimationem positam fiat portio viri aureorum quinque. Cuiusmodi calculum, quamuis non admodum probare videantur interpretes, propter eam quam dixi causam, nullus tamen eò peruenit impudentiæ, qui sit ausus negare quin ex Papiniani sententia procedat. Quod tamen facit Alciatus, interpretationis calumnia legis verba ludificans: dum ait, non simpliciter fructus confundi Papinianum scribere: sed ita confundi, vt tertiā portio mercedis viro relinquatur. Quod minimè verum est: sed ita scribitur, vt ex ea pecunia tertiā portio viro relinquatur. Quod exponens rectissimè Io. Id est (inquit) ex vindemiæ æstimatione, & quarta portione mercedis. Quod autem abusus legis formula, quatuor aureos viro distribuit: id omnino vanum est, nulliusq; momenti. Non aliter quàm si iudex debitorem quatuor nummorum ita damnauerit, vt ex duobus sacculis nummorum quos habebat, eiusdem singulos inter se valoris, primū tres ex vno sacculorum prolatos traderet creditori, quibus deinde coniectis atq; confusis in alterum, quatuor inde solueret pro debito. Quis talem sententiam non rideat? Tolerabilius itaq; fuit in Papiniano errorem calculi quemlibet notare, quā diuisionem tam

stultam

stultam hominis ingenio tribuisse. Vnde multo plus deridendus erat, quàm Neria Iurilconsultus, qui (vt refert Vlpianus) per fenestram monstrauerat seruos detentos ob pensionem liberari posse. Cæterum cùm viderit Alciatus ex sua partitione fieri: vt quamuis vindemia, vel senis, vel denis, vel quoquo precio æstimata proponatur, eandem tamen portionem semper viro prouenire. Si quid artis habuisset, multum erat in propinquo videre, nihil hoc aliud esse, quàm ex diminutione, vel augmento summae partiendæ ipsum proueniens nihil inde minui, vel augeri. Quod est absurdum planè geometricum. Sed magis miror non vidisse, quod proprium erat Iureconsulti, ad hunc suum modum vindemiæ fructus haberi pro nihilo, cùm ex eo supplemento nihil magis fiat, quàm ex sola pensione locationis: cuius diuisio constat capite sequenti. Vbi quatuor aureorum sita sit portio viro, quanti fuit hic, vindemia iuncta. Et sic pars altera legis, vel vtraq; potius eluditur. Quod est aliud, ex alio non minus absurdum. Ex his igitur palam est, nouam istam interpretationem Alciati veteres omnes falsitate multiplici longè superare. Nouissimè videndum est quomodo & huius partitionis scientia geometren quoq; desiderat. Finge Mæuiam nubẽtem Titio calendis Octobris, vineam plenam dedisse dori, cuius vindemiæ premium, deductis impensis, fuerit aureorum quindecim, & septuncis vnius. Eamq; maritum Idibus Nouembris locasse fruendam, annua pensione aureorum viginti cum semisse. Et pridie nonas Martij mulierẽ diuertisse. Quæro, calculus iste secundum Papiniani formulam quomodo fiat? Numeramus primum quot sit dierum locationis tempus ante diuortium, & habebis dies centum quatuordecim. Quæ est igitur ratio totius anni locationis, hoc est dierum trecentum sexaginta quinq;, ad dies centum quatuordecim: ea est ratio totius mercedis aureorum viginti cum semisse, ad mercedem dierum centum quatuordecim. Cùm igitur tres numeros habeamus scilicet 365, 114, 20 $\frac{1}{2}$. quartus proportionalis inuenitur, multiplicando 114, in 20 $\frac{1}{2}$, & productum partiendo in 365, prouenientq; aurei 6 $\frac{147}{365}$. Quæquidem pars mercedis confundi debet cum vindemiæ fructu aureorum 15 $\frac{7}{12}$, fitq; summa aurei 21 $\frac{4319}{4330}$. Item cùm sit matrimonij spatium dierum centum quinquaginta septem, ratio quæ est dierum 365, ad dies 157, eadem esse debet mixtæ pecuniæ 21 $\frac{4319}{4330}$, ad portionem viri. Dispositis itaq; tribus numeris scilicet 365, 157, 21 $\frac{4319}{4330}$, multiplicando, & partiendo sicut prius, quartum numerum proportionalem inuenies esse aureos nouem cum particula $\frac{730643}{1193700}$, quæquidem paulò minor est aurei semisse. Dicemus itaq; in casu proposito, viri portionem ex Papiniani computatione, fieri aureorum nouem, & ferè semissis. Quod sine logistica impossibile fuit inueniri.

L. Est
differe-
tia. in q
bº cau.
fig. vel
ypo.

Ad legem Iuliani. Si ita scriptum.



ITEM etiam in legibus alia multa requirunt, prout est in responso Iuliani Iureconsulti, hæreditaria quædam partitio constituta, sub titulo, de liberis, & posthumis. Si ita (inquit) scriptum sit, si mihi filius natus fuerit, ex bestia hæres esto. Ex reliqua parte vxor hæres es

t z sto. Si

sto. Si verò mihi filia nata fuerit; ex triente hæres esto. Ex reliqua parte vxor hæres esto. Si filius & filia nati essent: dicendum est allem distribuendum esse in septem partes, vt ex his filius quatuor, vxor duas, filia vnā partem habeat. Ita enim secundum voluntatem testantis, si filius alterò tantò amplius habebit quàm vxor. Item vxor alterò tantò amplius habebit quàm filia. Et sic Iulianus artificiosè simul, atq; prudenter diuisionem propositam instituit, acutissimè ratiocinatus testantem voluisse, vt filius alterò tantò amplius haberet, quàm vxor, hoc est bis tantum, siue duplo magis. Item vt vxor duplo plus haberet, quàm filia. Nam si filius solùm nasceretur: bessẽ, id est vncias octo, haberet; vxor autẽ reliquas quatuor vncias, qui est triens, quo sublato, pro filia nata sine filio, bessẽ residuum mater haberet. Et sic vtrobicq; separatim portionum ratio dupla, quàm etiam coniunctim, in proposita specie seruari iure consultus voluit. Propterea dicitur, allem, hoc est totam hæreditatem, in septem partes distribuendum. Veluti si fuerit vniuersalis bonorũ aestimatio facta ad aureos mille quadringentos. Partire septies, veniunt in partem aurei ducenti; & tanti fiet portio filiæ. Matris autẽ duplo maior, hoc est, aurei quadringenti. Quare & portio filij, cum etiam duplo crescat in matrem; aureos habebit octingentos. Sed dicat aliquis. Cum bes absis aureorum mille quadringentorum, sint aurei noningenti triginta tres, & tertia pars vnus; & similiter triens sit maior ducentis: videtur Iulianus calculum fecisse repugnantem legi testatoris. Ad quod dicamus, rationem portionum testantis in duabus datam separatim, in tribus hic obseruari coniunctim, non autem quantitatem. Quoniam ex vna summa tres partes fieri, quarum duæ quælibet sint æquales duabus partibus ex eadem summa factis, est impossibile. Hæc erit semper exemplo simili diuisio facilima. intra quam iuris interpretes omnes simpliciter consistunt: nihil vltrà suspicantes artis inesse. Cum soleant aliàs ambagibus magnis, extra propositum etiam, expendere leges. Nunc autem in casu nostro mutemus aestimationem absis, vt sit aureorum mille. Partire in septem, proueniunt aurei centum quadraginta duo, cum sex septimis vnus aurei. Et tanti fiet pars filiæ. Quæ duplicata portionem vxoris efficiet, aureos scilicet ducentum octoginta quinque, & vnus aurei quinque septimas. Hanc si duplicaueris, facies pro filio aureos quingentos septuaginta vnum, cum tribus septimis vnus. Adde simul omnium partes, videlicet $142\frac{6}{7}$, $285\frac{3}{7}$, $571\frac{3}{7}$, reddit summa posita aureorum mille. Huiusmodi formulam Iureconsultus ratione & exemplo breuiter indicauit: non ignorans intelligentes ex paucis colligere multa, apud imperitos verò nil vnquam prolixè fati, & cumulatè pro rei natura dici posse. Ad alias autem species quomodo possit adhiberi, exemplis aliquot subiectis, quàm facile fieri poterit explicabo. Ponamus ita scriptum esse. Si mihi filius natus fuerit ex dodrante hæres esto. Si verò filia, ex quincunce. Ex reliquo autem vxor hæres esto. Natis autem filio & filia, ad hoc ratiocinium, non sicut antea in partes septem, as erit distribuendus, sed in trigintatres; vt ex his filius viginti vnā,

ti vnam, vxor septem, filia quinque partes habeat. Et hoc modo secundum voluntatem testatoris, portiones filij, & matris triplam inter se rationem seruabunt, qualis est dodrantis, ad quadrantem. Item matris & filia, eam quæ dicitur superbiparties quintas, qualis est septuncis, ad quincuncem, id est septem ad quinque. Talium autem partium constitutio nihil aliud est, quàm inuentio trium numerorum inter se continentium duas rationes hæreditariarum portionum, vel vnam duplicatam, sicut fuit in primo casu, cuius numeri fuerunt scilicet quatuor, duo, & vnum, qui simul iuncti septem illas partes à Iureconsulto dictas efficiunt. In secundo autem sunt etiam tres numeri scilicet 21, 7, 5, quorum fit summa 33. Et est ratio primi ad secundum, sicut dodrantis ad quadrantem, id est tripla. Secundi autem ad tertium, sicut septuncis ad quincuncem, quæ est superbiparties quintas. Et quemadmodum tres, partibus diuersis, assem participant; ita tribus numeris secundum eam diuersitatem ius suum vnicuique tribuitur. His ita constitutis, si fiat assis æstimatio, aureis mille trecentis octoginta nouem. Partire 1389 in trium numerorum quos præparasti summam 33, prouenit $42\frac{1}{11}$, quæ pars est assis tricesima tertia. Multiplica in eum qui respicit filiam numerum 5. producantur aurei ducentum decem, cum quinque vndecimis vnus aurei, quæ est portio filia. Rursum multiplica $42\frac{1}{11}$ in numerum matris, qui est 7, & habebis pro parte ipsius matris, aureos ducentum nonaginta quatuor, & septem vndecimas vnus. Hanc summam si triplicaueris, vel (quod eodem recidit) multiplicaueris $42\frac{1}{11}$ in filij numerum 21, produces ad portionem ipsius aureos octingentos octoginta tres, cum decem vndecimis vnus. Poteris etiã aliter more logistico procedere, secundum regulam quam dicunt proportionum, hoc modo. Si tres numeri quorum est summa 33 habent assem 1389, quid habebit 21? quid 7? quid 5? multiplica numerorum singulos 21, 7, 5, in assem 1389, & eorum producta singula partire in 33, & easdem, quas prius portiones habebis, scilicet pro filio aureos $883\frac{10}{11}$, pro matre 294 $\frac{7}{11}$, pro filia 210 $\frac{1}{11}$. Quæ simul omnes constituunt assem 1389.

Finge nunc in testamento sic positum. Si mihi filius nascatur, ex dextante & sextula, hæres esto. Si verò filia, ex semisse & duella. Ex reliquo autem vxor hæres esto. Si nati sint filius, & filia, fuerintque facultates testatoris tribus millibus centum decem nummis æstimatæ, ad diuisionem ita procedes. Quoniam sextula sexta pars est vnciæ, multiplicando vncias 12 in 6: fiunt in assem sextulæ 72: quare & dextas cum sextula continet sextulas vnam & sexaginta. Item semis cum duella, quæ sunt duæ sextulæ, habet sextulas triginta octo. Auferens igitur 61 ex 72, & 38 ex 72, fient duo residua, scilicet vndecim, & triginta quatuor. Habent igitur institutiones filij & matris rationem inter se, sicut 61 ad 11, quæ dicitur quincupla supersextuparties vndecimas. Item filia & matris, sicut 38 ad 34, quæ est superbiparties decimas septimas. Rationibus cognitis disponendi sunt tres numeri, duas huiusmodi rationes inter se continentes, qui sunt pro filio quidem 159, pro filia 209, pro matre 187, nec alij minores istis inueniri possunt. Quos adde simul, fit summa 1555. Partire assem æstimatum nummis 310, in summam 1555, prouenit 2. Multiplica singulos trium numerorum, videlicet si

li, & filia, & matris in 2: fientq; tria producta 238, 418, 374. Dicemus itaque filij portionem esse nummorum duorum millium tercetum decem & octo: filia autem, quadringentorum decem & octo: matris verò, tercentum septuaginta quatuor. Ad hoc etiam erit vsus regulæ, sicut antea dixi, cuius est dispositio subiecta.

Si, 1559. 3110.

1159 2318

209 418

187 374



RESVMATVR prima species, sicut est à Iuliano posita, cum additamento, prout sequitur. Si mihi filius natus fuerit, ex bese hæres esto, & amplius ducentos aureos habeat. Si verò filia mihi nata fuerit, ex triente hæres esto, & insuper centum aureos habeat. Ex reliqua parte vxor hæres esto. Fac assem æstimatum aureis mille septingentis. Sepone trecentos, restant mille quadringenti. Ex quibus faciendæ sunt partes sicut in prima dispositione mōstrauī. Hoc est pro filio octingenti, pro matre quadringenti, pro filia ducenti. Deinde ad portionem filij addantur ex sepositis ducenti, & ad portionē filia centum, fientq; pro filio aurei mille, pro matre quadringenti, pro filia trecenti. Et ita, seruata voluntate testantis, filius alterò tantò plus habebit quàm vxor, & insuper aureos ducētos. Filia autē vltra dimidiū matris aureos centū. Fiat mutatio rursum, vt filius sit heres ex bese, minus aureis sexaginta: filia verò ex triente, minus aureis quadraginta, ex reliquo autē vxor. Et ratio bonorū, sint aurei duo millia. Adde sexaginta, & quadraginta: sūt aurei duo millia centū. Distribue in septē partes, venit vna partiū, id est aurei trecēti pro filia: detrahe quadraginta: restāt ducentū sexaginta. Mater autē duas partes habebit, q sunt aurei sexcēti. Filius verò quatuor partes, minus sexaginta, id est aureos mille centū quadraginta. Collige simul triū portiones, quæ sunt 260, 600, 1140, reddit summa bonorum, aurei duo millia, ex institutione testamenti, præscriptoq; Iuliani trifariā diuīsa. Proponatur adhuc aliter institutio, vt sit filius hæres ex bese, demptis aureis trecentis. Filia verò ex triente, & ducentis amplius aureis. Ex reliquo autē vxor, sitq; valor hæreditatis, aureorum duo millia septingenti. Adde trecentos, fiunt tria millia. Aufer ducentos: restant duo millia octingenti, quorum septima pars, aurei quadringenti additis ducentis, sexcentos in portionem filia constituent. Duæ verò septimæ, octingentos vxori partiuntur. Quatuor demum septimæ, deductis trecentis, aureos mille trecentos filio relinquunt. Quæ est partitio facta secundum legem. Cæterum Accursius verbum illud, altero, exponens ait: Altero, subaudi tertio. Vix dici possit quàm inepta, simul & absurda sit expositio talis. Neq; enim tertio (nisi barbare loquaris) pro tertia parte capi potest, non magis quàm secundo, pro duplo, vel dimidio. Et hoc etiam sensui, quem luculenter legislator explicuit, apertè repugnat: vt nemo possit negare, illud alterò tantò, quia significet bis tantum, vel duplò magis, sicut antea dixi. Vis enim ipsa rerum, & consequentia, etiam si verba non capias, ita cogit intelligi. Hunc tamen errorem tam manifestum cæterorum adhuc nemo notauit. Omnes

uit. Omnes quippe videntur in eodem edocti ludo.

Huiusmodi ratio Iuliani non solum in testamentis, sed in contractibus etiā, locum habere potest: veluti si proponatur hoc modo. Mæuius vaccam prægnātem vendit Titio, ea lege, vt si vitulam pariat, quadraginta soluat Titius: si verò vitulum, quadraginta quinç. Et de precio quidem vaccæ conuenit inter eos, vt esset triplum ad vitulam, ad vitulum verò duplum. Exacto tempore vacca peperit gemellos, masculum, & fœminam. Quæritur, quantum debeat Mæuius Titio? Ad hanc inuestigationem per regulam positionis (vt logistici vocant) expedite procedes. Quoniam enim precium vaccæ triplum datur ad vitulam: pone duos quoslibet numeros in ratione tripla, vt pote sex, & duo: adde simul, sunt octo. Sed oportuit duos tales numeros facere quadraginta, quod est precium vaccæ cum vitula. Dispones igitur regulam, dicendo. Si octo essent quadraginta, quid essent duo? Multiplica duo in quadraginta, sunt octoginta: partire in octo, proueniunt decem, quod est precium vitulæ. Erit ergo vaccæ triginta, quare & vituli, quindecim. Compose simul trium precia, veniunt in summam quinquaginta quinç, quātum debet Titius Mæuius. Quod erat quæsitum. Sed nunc in proposito precia mutantur: ita vt sit vacca, cum vitula nummorum quadraginta & sextantis vnus. Cum vitulo autem, quadraginta quinque, & quadrantis. Dispone regulam, dicendo. Si octo essent quadraginta cum sextante, quid essent duo? Multiplica quadraginta, & sextantem, in duo: sunt octoginta cum triente: partire in octo, proueniunt decem nummi, cum vnus parte vicesima quarta, in precium vitulæ, quod triplicatum dabit triginta, & octauam vnus: cuius dimidium, nummos habet pro vitulo quindecim, cū vnus parte decima sexta. Collige tres numeros 10, 15, 30, cum suis particulis, veniunt in summam, nummi quinquaginta quinç, & vndecim quadragessimæ octauæ partes vnus. Quæquidem paulo sunt minores nummi quadrante. Respondebis igitur Titium debere Mæuius nummos quinquaginta quinç, & fere quadrantem.

Ad legem Aphricani, Qui quadringenta. in
secundo capite, Qui ducenta.



VIS igitur non perspicit in legibus mathemata requiri? Quorum intelligētiā singularem Iurecōsulti veteres nobis ostendunt, posteriores autem, in his interpretandis operam perdere, & etiam abuti videmus, dum suam ipsorum inscitiam legum prudentiæ conditoribus imputare non dubitant. Ad quod vnum adhuc exemplum subiiciā. Africanus Iurecōsultus vbi de lege Falcidia tractat, computationem quandam instituit, in hæc verba. Qui ducenta (inquit) in bonis relinquebat, legauit mihi centum præsentī die, tibi æquē cētum, sub conditione. Post aliquantum temporis extitit conditio: ita tamen, vt ex reditu eius summæ, quæ tibi relicta est, non amplius quàm vigin-

ti quinque reciperet. Legis falcidiae ratio ita habenda erit hæredi: ut viginti quinque conferre ei debeamus, & amplius fructus L, medij temporis qui (verbi gratia) efficiant quinque. Cum igitur triginta sint conferenda, quidam putabant, quinadena ab utroque nostrum conferenda esse. Quod minimè verum est. Licet enim eandem quantitatem acciperimus: manifestum tamen est, aliquantò vberius esse meum legatum. Quare statuendum erit tantò minus in tuo legato esse, quantum ex fructibus eius hæres acceperit. Secundum quod in proposita specie computationem ita iniri oportet: ut ex septem partibus, ego quatuor, tu tres conferamus. Quoniam quidem quarta pars amplius in meo, quam in tuo legato est.

Hic Africani locus inter difficilimos habetur, non re quidem ipsa, sed (ut verissimè fatentur omnes) Accursij vitio, qui varijs opinionum erroribus sensum rectum prorsus intricauit. Cuius inuolucrum Bartolus cum viderit, nihil ferè tamen circa legis interpretamentum, sed in glossarum cauillationibus curiosè totus insistit. Quod tamen alij non sequuntur, & Alexander præcipuè: sed earum vanitatem, pro se quisquis, iure notarunt. Omisissis igitur scholiorum nugamentis, ad explicationem rei dicamus. Testator qui ducenta in bonis relinquebat, Caio hærede instituto, legauit Titio centum, præsentis die. Et item Lucio centum, sub conditione, videlicet post aliquot tempus, puta decem mensium, soluenda. Mortuo testante, centum Titio statim data sunt; & intra conditionem temporis decem mensium, ex redditu summæ reliquorum centum, hæres viginti quinque percepit. Sed postquam extitit conditio, hoc est expletis decem mēsisbus quærebatur, quomodo legis falcidiae esset habenda ratio? Quæquidem statuit, ut quartam partem bonorum, quæ est quinquaginta, & ipsius quartæ fructus, ex die mortis hæres habere debeat. Cuius quidem quartæ fructus, exempli causa, ponuntur efficere quinque. Quare ex bonis istis legatis, quinquaginta quinque sunt hæredi contribuenda. Modum autem contributionis talem lex nostra disponit: ut primum viginti quinque ex fructibus pendente conditione recepta, ex hac summa deducantur. Quoniam in lege Falcidia (ut ait Paulus) medij temporis commodum computatur. Et sic restat triginta per legatarios hæredi conferenda. Quam collationem per æqualia faciendam aliqui putabant: ut scilicet quindecim Titius, & item quindecim Lucius contribueret. Quoniam æqualem vterque summam, id est centum, ex legato reciperet. Quorum sententiam minimè veram esse ea ratione comprobat Africanus, quod licet eandem quantitatem vterque legatariorum acceperit: manifestum tamen est legatum die præsentis, quod dicitur purum, vberius esse legato sub conditione relicto. Nam (ut inquit Paulus) non habetur pro puro, quod in diem relicto est. Quare statuendum erit tantò minus esse in legato Lucij, quantum ex fructibus eius, conditione pendente, hæres acceperit: quæquidem perceptio ponitur esse viginti quinque. Quibus detractis ex centum, restant septuaginta quinque, quanti taxatur sub conditione legatum. Id autem quod

L. in lege, ad legem falcidiam.

L. in lege falcidia, eo titu.

rem quod fuit relictum purè, est centum, videlicet quarta sui parte maius altero, vel, quod eodem recidit, maius tertia parte alterius: quando quidè viginti quinque, & quadrans est ex ceterum, & triens ex septuaginta quinque. Secundùm hoc igitur, in casu proposito, computationem Iureconsultus ita iubet iniri: vt ex cõferenda quantitate triginta, factis partibus septem, quæ sic erunt singulatim quatuor, cum duabus septimis ex his Titius quatuor conferat, hoc est decem & septem, cum vna septima. Lucius autem tres reliquas, quæ faciunt duodecim, cum sex septimis. Et ita scienter Africanus, secundùm ius & artem, collationes summis legatorum proportionales faciendas instituit. Nam sicut se habet legatum 100 ad legatum 75: ita & collatio 17 cum vna septima, ad collationem 12, cum sex septimis: vtrubiq; enim ratio sesquitertia. Huiusmodi autem septenaria partitio summæ collationis, nihil est aliud, quàm duos numeros in data ratione legatorum minimos, ad collationes habendas, inuenire. Quales sunt quatuor, & tria, quorum est ratio sesquitertia, & simul iuncti faciunt septem. Ad calculum etiam venies logistico more, dicendo. Si septem conferunt triginta, quid quatuor? & quid tria? Operare multiplicando 30 in 4, deinde & in 3, & vtrunq; productorum separatim partiendo in 7, & easdem quas prius collationes habebis scilicet 17 cum vna septima, & 12 cum sex septimis. Eodem etiã peruenitur, sed non tam expeditè, per numeros legatorum, hoc modo. Adde centum ad septuaginta quinque, fit summa 175. Dic igitur, si centum septuaginta quinque cõferunt triginta, quid centum? & quid septuaginta quinque? Operare multiplicans 30 in 100, & in 75, & ambo producta partiens in 175: inueniesq; sicut antea 17, & 12 cum suis particulis. Et ita se habet in specie dicta falcidiæ contributio. Cuius viam, quamuis planam, lege etiam præmonstrante, Accursius tenere non potuit. A deo nullum vnquam ipsius vestigium apparet in arte. Scribit enim, Ioannem sequutus, ex triginta (vtpote solidis) qui conferri debent. Ego, inquit, se decim, tu duodecim conferes. Et sic remanent duo, quos ponit valere 24, scilicet denarios, ex quibus ego decem (inquit) & octo præstabo, tu verò sex. Hoc autem falsum est, quoniam huiusmodi collationes rationem habent inter se, quam septem ad quinque, quæ est superbipartiens quintas: debuit autem esse, sicut ex lege monstraui, sesquitertia. Hunc errorem, non aduertentibus alijs, notauit Alexander ponens legatarium, cui purè relictum est, conferre sexdecim solidos, duodecim denarios, & duodecim septimas vnus denarij. Alterum verò id quod est residuum, scilicet duodecim solidos, nouem denarios, & nouem septimas vnus denarij. Sed huiusmodi computatio prorsus est rustica. Nam cum duodecim denarij solidi valeant, & duodecim septimæ vnus denarij, nihil aliud sint quàm denarius, cum quinque septimis vnus; rectum, & vsitato more loquendi, fuerat dicere, ab vno quidem deberi decem & septem solidos, vnum denarium, cum quinque septimis vnus: ab altero autem duodecim solidos, decem denarios, cū duabus septimis vnus. Accursiū igitur Alexander & si crassa (vt aiunt) Minerva, verè tamen in hoc emendat. Cæterum cū dicat Africanus fructus quinquaginta medij temporis efficere quinque: videtur hoc, neq; rectè, neq; ex consequentia eorum, quæ suprà terminauerat posuisse. Etenim si hæres ex fructibus centū in diem legatis, viginti quinque recepit: iure, rationeq; sequitur, vt ex fructibus quartæ quinquaginta, dimidio minoribus, dimidium etiam

viginti quinq; hoc est duodecim, cum semisse reciperet. Hoc autem cum sit manifestum, non est verisimile Iurecōsultum non vidisse: sed non curauit, nec etiam erat necesse tales fructus ad consequēs, & verum exprimere. Et sic exempli tantum non veritatis gratia, posuit quinq;. Vel etiam fortassis, vt in minori summa facilis esset calculus. Quanquam facilius erat ponendo decem: sic enim veniebant triginta quinq; per legatarios hæredi præstanda, quorum vnus viginti, & alter quindecim contulisset. Sed nunquam putasset Africanus aliquando fore iuris interpretem, tam imperitum numerandi, qui nesciret in septem partes diuidere triginta. Transeundum nunc ad alias species, in quibus computationis institutæ ratio tenet, quamuis aliquatenus forma mutetur. Ponamus in specie iam dicta legatum sub conditione taxari minus decē, quàm prius, hoc est sexaginta quinq; & supputatis omnibus esse contribuendum hæredi triginta nouem. Quæritur, quomodo sit collatio faciēda? Quoniam legati puri quod est centum, ad alterum quod est sexaginta quinq;, ratio est superseptupartiēs decimas tertias, hoc est maius continet in se minus semel, & insuper septem decimas tertias ipsius partes. Quære primum duos numeros in dicta ratione minimos. Hi sunt viginti, & tredecim: compone simul, fit summa trigintatrium. Igitur non in septem partes sicut antea, sed in trigintatres iniri computatio debet: ita vt ego qui purē accepi, ex his partibus conferam viginti, tu verò tredecim. Vt autem scias quem numerum contineant partes huiusmodi: diuide summam cōtributionis 39 in 33: venit in partem, vnum cum duabus vndecimis. Multiplica in viginti: fit 23 cum septē vndecimis quæ est collatio maior, qua sublata ex 39, residuum erit 15 cum quatuor vndecimis, collatio minor. Dicemus itaq; eius qui præsentī die legatum habuit, contributionem esse vigintitria, cum septem vndecimis. Et alterius quindecim, & quatuor vndecimas. Quod erat quæsitum. Poteris etiam ratiocinari, dicendo. Si 33 conferunt 39, quid 20? quid 13? Operare, sicut iam suprā docui, & idem quod prius inuenies. Quæstionem nostram adhuc refumentes fingamus, purum legatum fuisse octoginta. Alterum verò centum viginti: ita vt inde lucrum acceperit hæres quadraginta, & contributionem esse viginti octo. Quoniam igitur in legato centum viginti, tanto minus est, quantum ex fructibus eius hæres accepit, hoc est quadraginta: dicendum erit ipsa duo legata, fictione iuris, æqualia fore: quare & æqualiter ab utroq;, id est quatuordecim, conferendum. Nam qua ratione ad inæqualitatem redigitur æqualitas, eadem & ad æqualitatem inæqualitas. Hæc autem Africani computatio non solum in duobus legatis, sed & in quotlibet simul procedit, etiam si pure fiant omnia. Vt pote, si is qui septingenta in patrimonio habebat Titium hæredem instituens, tribus deinde legauerit: primo quidem trecenta viginti quinq;, secundo ducenta viginti quinq; tertio centum quinquaginta. Cum sit igitur as insumptum legatis, ad quadrantem, qui est centum septuaginta quinq;, pro portione cuiusque legatarij distribuendum, ita procedes: vt rationem legati primi ad secundum, quæ est superquadrupartiens nonas, & item secundi ad tertium, quæ est sesquialtera, in tribus minimis numeris disponas: qui sunt tredecim, nouem, & sex: quos adde simul fiunt viginti octo. Partire quadratem 175 in 28: veniunt in singulas partium, sex cum quadrante vnus. Talium igitur ad collationem, primo dabis tredecim portiones,

nes, secundo nouem, tertio sex. Quos numeros singulatim si duxeris in 6 cum quadrante, summas collationum producēt. Primi scilicet 81 cum quadrante, secundi 36 cum quadrante, tertij 37 cum semisse. Quæ simul composita constituunt quadrantis bonorum summam 175. Post hæc autem non erit alienum Africani reprehenses quosdam excutere; quibus viam præmonstrauit. Ioannes antiquus interpres, qui posteaquam expositionibus ineptis, & inter se pugnantibus rectum calculi sensum prorsus implicauit, eò tandem progressus est, vt dicat, propter ineptias prædictas legem in errore fuisse. Nugamētum hominis, qui suas ineptias, ab inscitia profectas, subtilissimè disputanti Iureconsulto audeat imputare. Nugatior autem Accutius, qui dictum tam insolenter, nulla ratione, vel colore subnixum, mentione dignum putauit. Sed nimirum (vt habet paræmia verus) mutuum muli scabunt. Meminit etiam Alciatus in suis paradoxis aliquando se vidisse magni quēdam nominis scholasticum publice proponentem, ostensurum se in hac computatione errorem Africani maximū. Nec aliud quicquam postea super hoc prosequitur. Sed ad notationem Hyppoliti se transfert, quem rationibus efficacioribus pugnare dicit. Is enim in interpretatione legis Diocletianæ, filium quem habētem, sub herciscundæ familiæ titulo posita. Siue (inquit) tempus quo conditio existit consideremus, siue tempus mortis cum superiore iunctum, utroq; casu videri aliter computandum fuisse. Nam cum vbi existit conditio dominus legati puri centum viginti quinque habeat (ex fructibus enim viginti quinque illi acquisita sunt) cui verò sub conditione legatum fuit centum teneat; non septem partes, sed nouem faciendæ fuerant. Non enim quarta amplius, sed quinta in legato puro est; cum ego cētum viginti quinque, Seius centum acceperit. Quod si aliud tempus nimirum mortis consideremus, ego centum habui; Seius non æquē centum, sed tantominus, quārum potuisset interim ex fructibus acquiri, donec centum fierent; quæ summa octoginta esse potest. Cum eā ex cētum lucrer viginti quinque, eadē ratione ex octoginta, viginti. Igitur perinde est, ac si à principio ego centum, Seius octoginta habuisset. Qua ratione in nouem quoque partes diuidendum fuit, quod cōferendum erat. Talibus argumentis Hyppolitus Africani calculum impugnat. Sed suam positionem primam nullo iure facit, dum vult legatum purum augeri, & id quod in diē est haberi pro puro, hoc est pro summa centum, quod esse non potest. Quoniā (vt ait Paulus) non habetur pro puro, quod in diem relictū est. Hoc autem soluit aliter Alciatus, dicēs; legatum purum idcirco augeri nō posse, quia post traditionem statim cōfunditur proprijs legatarij bonis, sitq; pars ipsius patrimonij; quæquidem ratio nihil ad propositum facit. Licet enim à traditione statim aliquo casu, puta naufragio, vel incendio, purum legatum depereat, nihilominus tamē semper habebitur idē, ac si staret in legatarij bonis, nec vnquam maiori, quā quo relictū est numero censetur. In secunda autē positione, ad quā legitimè nō respōdit Alciatus, illud est vitiosum maximè, quod ab eodē sub diminutione arguitur in idē, dum ait summā sub cōditione legati posse fieri octoginta. Quod verū esset, si lucrū ex ipsius fructibus poneretur viginti, sed ponitur viginti quinque, quibus deductis ex centum, restant septuaginta quinque, quanti taxatur legatū in diē. Et quod arguit, eum ex centum (inquit) lucrer viginti quinque; eadē ratione, & ex octoginta viginti. Hoc verū est,

Lib.vj.
cap.vj.

V 2 sed dimi-

sed diminutum. Quia ab octoginta defunt viginti ad cētum, qui numerus est legatī, vnde fit deductio lucri vigintiquinq;. Quod etiā inuenietur, argumentū ita cōplēdo. Si ex octoginta lucrer viginti; rectē etiā sequitur, vt ex viginti lucrū fiat quinq; quibus iunctis ad viginti, redit summa totius lucri vigintiquinq;. Hoc igitur ratiociniū imperfectū si cōpleatur, nihil est aliud, quā sic inferre. Si ex centū lucrer vigintiquinq; que, eadem ratione & ex centū lucrabor vigintiquinq;. Videmus itaq; reprehēsores istos quā inaniter & mperitē moueātur in lureconsultū, qui suum calculū sciēter, & emendatē constituit. Huiusmodi tamen impugnationes siue calumniæ non omnino sunt inuiles; cū rectē etiā intelligētes ad cōtemplationē veri magis inducāt. Quod alioquin nunquā propugnatoribus caruit. Cāterum disputatione iam longa satis videor ostendisse, & in antiquis legū prudentiē conditoribus summā geometricæ disciplinæ cognitionem fuisse, & in his qui postea ad ætatem vsq; nostram sequuti sunt iuris interpretibus, propter artis ignorantiam multa desiderari. Est itaq; lureconsulto (quod ab initio proposui) cognitio geometricæ necessaria.

FINIS.

PHILIPPI CANTORIS
VERSUS IN OPERA
BUTEONIS.

DE ARCA NOE.



ER TE iam manes in corpora posse reuerti

Buteo nunc capiet fabula prisca fidem.

Quis nisi uisa prius pereuntis semina mundi

Singula diluuiο scribere sic potuit?

De sublicio ponte Cæsaris.

Sublicium pontem quanuis descripserit aptē

Armipotens Cæsar, summus ex ingenio.

Fortē tamen semper non notus, ut ante, maneret:

Buteo ni l' ipsum restituisse opus.

Ad confutationem quadraturæ circuli.

Antiquos fines corruptit Orontius orbem

Quadrato mutans, Buteo restituit.

Ad locum Quintiliani.

Rhetora qui latuit mensorum conditus antris

Buteo

Buteo nunc monstrat, conspicuumq; facit.

De fluentis aquæ mensura.

Sumptibus immodicis ductus libravit aquarum

Roma, sed incertas falsa reliquit aquas.

Et quos Frontinus uidit, nec sustulit olim,

Buteo nunc falsos corrigit arte modos.

De precio margaritarum Dialogus.

Non mihi sunt gemme, quas tracto Cantor & aurum,

Sed teneo numeros: quis tibi iam uideor?

Tu numeris diues, quod gemmis præstat & auro,

In quos fortuna nil habet arbitrium.

De fluuiaticis Insulis.

Lex iubet in partes uicinis insula cedat,

Quæ noua dispersis flumine creuit aquis.

Bartolus interpres legum doctissimus, atq;

Primus in hoc artem, solus & explicuit.

Buteo nunc aliter mensuras tractat miri:

Atq; aliam mentem legibus ipse probat.

Legit imos sensus melius quis callet in istis,

Indicium lector res tibi uisa dabit.

Ad Io. Buteonem fratrem charissimum

Claudij Buteonis carmen.



NGENII monumenta tui tandem uenere sub auras,

Quæ nimium, nimium delituere diu.

Vt sunt hæc uaria, & uario digesta labore,

Sic uenient uarijs grata, nec apta minus.

Hic pius interpres sacrum, ueterumq; librorum,

Arte tua multum iam releuatus erit.

Namq; salutifera spatium admirabile cymbæ

Nouerit, & faciem quæ prius huius erat.

Vtq; capax hominum, pecudum, generisq; uolantum

Extiterit, uera iam ratione liquet.

Et legum quisquis noëosa enigmata soluit,

Hic multa offendet peruia facta sibi.

At uos qui cæli tractus, terrasq; patentes

Metatis certis, mirificisq; modis:

Huc studiosa cohors, oculos deflectite uestros,

Vos quoq; in his multum quod iuuat esse potest.

Gemmarum hic precium, gemmis preciosius ipsis

Certos per numeros noritis esse suos.

Et pontis moles, trabibus per mutua nexis
 Cesareis constans, nobile surgit opus.
 Necnon Frontinus ueteris præfectus aquarū
 Quæ non perspexit regula certa docet.
 Multaq; præterea ueterum monimenta uirorum
 Restituis frater, non bene nota prius.
 Perge bonis auiibus, semper meliora daturus:
 Aspiret uotis sic Deus ipse tuis.
 Claudius Buteo ad lectorem,
 Commodè ut possis cumulare miras
 Ingeni dotes, liber iste præbet,
 Quas tibi summo peperit labore,
 Buteo solers.
 Quàm solum pingit uarijs colore
 Flosculis æther uiolis, rosisq;
 Et thymo parois apibus probato,
 Tempore ueris.
 Tam tibi multas, uariasq; opes dat
 Nunc liber primum uoluitans per auras.
 Sed tamen raris, minimumq; tritis
 Vtere lector.

EIVSDEM OCTASTICHON:

De ponte Cæsaris.

INIECIT Rheno pontem, indignantibus undis
 Cæsar, quo socijs, et sibi fecit iter.
 Tempore sed longo, multis corruptus et annis,
 Atq; hominum uitio, iam male fidus erat.
 At quondam ut Fabio foelicia signa reliquit,
 Puppe sedens celsa Buteo prospera auis.
 Sic bene Casarea hæc moles suffulta resurgit,
 Admoues cui nunc, Buteo doctæ manum.

Erratorum aliquot notatio, quæ in ipso impressionis opere, diligentioribus etiam obrepere solent.

IN proœmio libelli de arca Noe, vbi est, ianmale, reponendū, animale. Eadē pagina, & etiā alibi, ad dictiones leuigatis, & seculi, & plerunq̃, & Dedalus, appone diptongon æ. Ex dictionibus Thauri, cathenationibus, tolli debet aspiratio: & in christianissimō reponēda. Item in belluinū, facillimē, satis est vnicū l, Pagina 21, ad finem pro amni scribe, anni. Pag. 30, loco, quīn, lege, qui. Pag. 36, ad finē, post adigatur, se aufer, se. Pag. 38, vbi est lignæ, legendum, lineæ. Pag. 42, circa principium, vbi est arctauit, pone, coarctauit. Pag. 43, ad finem, hīc vbi est precium operæ, repone, operæ. Pag. 46, in fi. pro descriptionis, lege, descriptione: & pagi. 94, pro seruilia, Seruiliæ. Pagi. 97, ad geometrici, adde, s. Pag. 106, ad fi. loco arboris, repone, arbores. Pag. 108, cir. me di. vbi est, & sit, lege, & sic. Pag. 11, cir. medi. ex ipsam, expunge, m. Pag. 141, cir. prin. pro omnia, lege, annua.

CIRCA FIGVRAS.

IN prima diuisionis insularum figura, quæ bis ponitur, scilicet pagi. 117 & 122, signum P, altius est vno digito quā oporteat: debuit enim esse contiguum aquæ fluminis, ad lineam maiorem. In paginis 130 & 138, figurarum transpositio facta est: prout ibidem notatur. Pag. 131, ad calcem figuræ, duo nomina inuerso scribuntur ordine: nam loco Titius debuit esse Lucius. Vnde fit, vt in ipsa pagina Lucius quinques pro Titio legatur. Quod tamen in maxīma librorum parte fuit emendatum: sicut etiā errores alij suprà notati. In tergo paginæ circa med. vbi est Lucij, sed Titij, inuerte sic, Titij, sed Lucij, & ibidem pro Titio, muta Lucio.

Ordinatio libri secundū paginas, signis numeralibus in fronte, infrā verò serie literarum progreditur hoc modo: a, b, c, d, e, f, g, h, i, k, l, m, n, o, p, q, r, s, t, v.




L V G D V N I,
Apud THOMAM BERTELLVM, Mense
Iunio. M. D. LIIII.









or 51

SPECIAL 86-B
2220

GETTY CENTER LIBRARY

